


This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<http://books.google.com>







839.4.7

gal 11

Poésies
des
xv. et xvi. Siècles,
publiées
d'après des Editions Gothiques
et des Manuscrits.



Paris,
chez **Silvestre, Libraire,**
Rue des Bons Enfants n° xxx.
M. dccc. xxx - M. dccc. xxxij.

POÉSIES GOTHIQUES

FRANÇOISES.

*Ce recueil de poésies n'a été tiré qu'à cent
exemplaires.*

N° 74.

DE L'IMPRIMERIE DE CRAPELET,
Rue de Vaugirard, n° 9.

AVERTISSEMENT

DU LIBRAIRE.

EN publiant ce recueil, nous n'avons eu d'autre but que de sauver de l'oubli quelques pièces d'une excessive rareté, les unes citées par les bibliographes, et que peu d'amateurs possèdent, les autres restées inconnues jusqu'à ce jour, et qui le seroient encore si l'extrême obligeance de M. Van-Praet n'avoit mis à notre disposition les richesses que la Bibliothèque Royale renferme en ce genre.

La première pièce est *l'Art et Science de Rhétorique pour faire rimes et ballades*. Publiée séparément, elle auroit aujourd'hui peu d'intérêt; mais placée à la tête de poésies contemporaines, nous pensons qu'elle acquerra beaucoup de prix aux yeux des amateurs, qui auront dans le même volume le précepte joint à l'exemple.

Quant aux autres pièces de ce Recueil, elles ne sont pas assez étendues pour mériter ici une analyse. Il s'y trouve, comme dans toutes celles de la même époque, un mélange de termes mystiques et d'expressions triviales, quelquefois même assez libres, amalgame qui paroît aujourd'hui ridicule, mais qui convenoit à la naïveté de nos aïeux, occupés tout à la fois de la Bible, de la mythologie et de l'amour.

Nous avons augmenté l'intérêt de notre Recueil en y faisant entrer trois pièces (1) publiées pour la

(1) 1°. *La farce du Meunier de qui le diable emporte l'âme en enfer.*

2°. *Moralité de l'Aveugle et du Boiteux.*

3°. *La farce de la Pipée.*

Puisque cette note nous fournit l'occasion de rappeler la *farce du Meunier*; nous allons satisfaire le lecteur, dont la curiosité a dû être éveillée par la note qui accompagne cette pièce.

Il y est rapporté qu'à la fin du manuscrit qui renferme la *farce du Meunier*, il se trouve une espèce de procès-verbal très curieux, où sont racontées toutes les circonstances de la représentation du *mystère de saint Martin* et de la *farce du Meunier*. Voici textuellement le passage qui regarde la farce en question :

Le lendemain qui fut dymanche matin, quant on cuyda aller jouer, la pluye vint si habondamment qu'il ne fut possible de rien faire, et dura sans cesser depuis trois heures du matin jusques à trois heures le disigner sans faillir, qui fut une chose fort grieve aux joueurs et aux aultres. Et de fait ceulx qui estoient venus des villes circonvoisines se deliberoient d'eulx en aller quant ilz virent ledit temps ainsi changé. Cecy venu à la congnoissance de mondit sieur le maire et aultres, fut conclud, quant on vid venir le beau temps, qu'on yroit jouer une farce sur le parc pour les contenter et aprester. Pour quoy la trompecte fit le cry que tous joueurs se rendissent incontinent habillez de leurs habis, en la maison monsieur le marquis, et tous les aultres allassent sur les eschaffaulx. Ledit cry fait d'une part et d'autre, chascun fit son devoir. Lors on mist les joueurs en ordre, et yssirent de chez mondit sieur le marquis les ungs après les aultres si honnourablement que, quand ilz furent sur le parc,

première fois d'après les manuscrits de la Bibliothèque Royale; nous en avons confié le travail à un jeune littérateur, M. Francisque Michel, dont le zèle et les connoissances sont appréciés des amateurs de notre ancienne poésie, depuis les publications du *Roman du comte de Poitiers* (1), du *Roman de*

tout le monde en fut fort esbahy. Ilz firent leur tour, comme il appartient, et se retira chascun en sa loge, et ne demeura sur ledit parc que les personnaiges de la Farce du Munyer cy devant escripte, laquelle fut sy bien jouée que chascun s'en contentit entierement, et ne fut fait aultre chose celuy jour. Au partir dudit parc, tous lesdis joueurs se myrent en arroy, chastun selon son ordre; et, à sons de trompetes, clerons, menestriers, haulx et bas instrumens, s'en vindrent en ladicte eglise monsieur saint Martin, devant Nostre Dame, chanter ung salut moult devostement, affin que le beau temps vint pour executer leur bonne entention en l'entreprise dudit mistère. Laquelle chose Dieu leur octroya; etc.

Quoi de plus bizarre que cette procession vers l'église Saint-Martin, à sons de trompetes, clerons, menestriers, haulx et bas instrumens, de ces mêmes joueurs ou acteurs qui viennent de représenter la farce du Meunier, et qui s'y rendent devant Notre Dame pour chanter ung salut moult devostement, afin que le beau temps vint les seconder dans leur bonne intention de représenter le lendemain le mystère de saint Martin? Il faut aussi convenir que les réminiscences de la farce du Meunier étoient de nature à troubler la gravité de leurs chants, et à leur donner des distractions un peu mondaines.

(1) *Roman du comte de Poitiers*, en vers, du treizième siècle, publié pour la première fois, et accompagné de notes. Paris, Silvestre, 1831, in-8°, tiré à 125 exemplaires numérotés à la presse, et orné d'un fac-simile colorié.

Mahomet (1), et des *Lais d'Ignaurès*, de *Melion et du Trot*. (2)

(1) *Roman de Mahomet*, en vers, du treizième siècle, par Alexandre du Pont, suivi du *Livre de la loi au Sarrazin*, en prose, du quatorzième siècle, par Raymond Lulle, publiés pour la première fois, et accompagnés de notes rédigées en société avec M. Reinaud, premier employé aux manuscrits de la Bibliothèque Royale. Paris, Silvestre, 1831, in-8°, tiré à 200 exemplaires numérotés à la presse, et orné de deux *fac-simile* coloriés.

(2) *Lai d'Ignaurès*, en vers, du douzième siècle, par Renaut, suivi des *Lais de Melion et du Trot*, en vers, du treizième siècle, publiés pour la première fois d'après deux manuscrits uniques, accompagnés de notes rédigées en société avec M. L. J. N. Monmerqué, chevalier de la Légion d'Honneur, membre de la Société des Bibliophiles français, etc. Paris, Silvestre, 1832, in-8°, tiré à 150 exemplaires numérotés à la presse, et orné de deux *fac-simile* coloriés.

INTRODUCTION
AUX POÉSIES GOTHIQUES FRANÇOISES.

L'ART ET SCIENCE
DE
RHÉTORIQUE,
POUR
FAIRE RIMES ET BALLADES,

PAR HENRY DE CROY.

C

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1832.

A PARIS,
CHEZ SILVESTRE, LIBRAIRE,
RUE DES BONS-ENFANS, n° 30.

NOTE.

L'ÉDITION originale que nous avons suivie pour cette réimpression est in-folio, et se trouve décrite dans le *Catalogue des Livres imprimés sur Vélin de la Bibliothèque du Roi*, publié par M. Van Praet, tome IV, page 159, n° 223. Le caractère que nous avons employé nous a facilité les moyens de la copier ligne pour ligne et page pour page : quant à la gravure en bois qui se trouve au recto du second feuillet, dans l'impossibilité où nous étions de la reproduire exactement, parce que, dans l'exemplaire de l'édition que nous venons de mentionner, elle a été transformée en une jolie miniature, et que les couleurs couvrent tous les traits de l'impression, nous y avons substitué une autre gravure qui représente un sujet semblable : nous n'avons eu que l'embarras du choix, car ce sujet de gravure se rencontre dans la plupart des imprimés de cette époque.

La Croix du Maine et du Verdier ne disent rien de cet ouvrage ; l'abbé Goujet seul lui consacre treize lignes assez insignifiantes. Voyez, au reste, sa *Bibliothèque Française*, tome III, page 90.

Il y a trois autres éditions de ce livre sous le même titre ; la première de *Paris*, *Jehan Trepperel*, sans date, in-4°, goth.* ; la seconde de *Toulouse*, *Jehan Guerlins*, sans date, in-4°, goth. ; la troisième de *Poitiers*, *Jehan Enguilbert de Marnef*, sans date, in-4°, goth. Cette dernière édition, qui n'a que 12 feuillets, ne renferme pas le prologue de celle de 1493.

Il existe deux ouvrages différens sous les titres suivans :

Art et science de Rhetoricque metriffiée. avec la diffinitio de synalephe, etc., par Gracien du Pont. *Tholoze*, *Nycolas Vieillard*, 1539, in-4°, en lettres rondes.

Lart de Rhetorique pour rimer en plusieurs sortes de rimes. Sans nom d'auteur, de ville, d'imprimeur, ni date, in-4°, goth.

* Nous ne savons si c'est la même édition, ou une quatrième, que le rédacteur du *Catalogue* du comte de Hoym (page 519, n° 4727.3.), et l'abbé Goujet (*Bibliothèque Française*, tome III, page 438), indiquent sans nom d'imprimeur, ni date, in-4°, goth.

Le Catalogue La Vallière (tome II, page 129, n° 2619.3.) indique aussi un volume in-4°, goth., sans noms d'auteur, de lieu d'impression, ni d'imprimeur, et sans date, intitulé : *De Arte Rigmatizandi*. Comme nous ne l'avons jamais vu, nous ne saurions dire si c'est un ouvrage original ou une traduction d'un de ceux que nous venons de mentionner.

FRANCISQUE MICHEL.

**Art et science de rhethorique
pour faire rigmes et ballades.**

Prologue.

Pour ce que nouuellement cōme ie entēs Sire
par Vostre tresnoble engin et entendement es-
tes tire soubz lestandart de cupido et de Ven⁹
lesquelz gouvernent la temporalite selon lart
de rhetorique pour paruenir a aprendre / cōuenir et entēdre
lart tresnoble de rhetorique. Et coucher p escript en beaulx
termes par dictions et redargutiōs sil est besoing tant a la
louenge de dieu et de nostre mere sainte eglise cōme p mo-
telz / par Verselz et autres louenges a lonneur de dieu et de
ses saints lesquelz sont fais ⁊ se font iournellemēt en rheto-
rique par grās clērs ⁊ autres tāt en latin cōme en francois
CSire pour passer tēps aucuneffois faist dictiers / ronds
aulx ioyeux / balades ou responces. Il est de necessite que les
roys et les princes p mettēt leur entendemēt pour apredre a
parler / a dicter et a bien mettre par escript tāt es euures de
poeterie / semblablement en lāgue latine : pareillemēt a la lan-
gue frācoise theorique ⁊ Vulgaire. Et cōme Drē treshāble ⁊
tresobeissant subiect et seruiteur me suis ingere de Vous pre-
senter certains patrōs ⁊ epēples. Certes sire ce tāt peu que ie
Vous presente ne Vous peut gueres aider Vous en auez plus
en la bouche q nen scauroye mettre p escript ne la chatemel-
le de pay qui abusa le roy midas / ne la flute de dieu mercur
qui endormit le cler argus / ne la Vielle de amphon qui repa-
ra les murs de thebes. Ne aussi la harpe de orpheus qui ou-
urit les portes dēfer neurēt ensēble tel resonāce ne si ioyeu-
se armonie q Vous sire auez en sens de Drē entendemēt sans
toucher p art. Et tāt seulēnt en sens naturel ⁊ acquis. Car
Drē cōplexion ⁊ de Drē entēdemēt desirez sauoir cōpredre / di-
cerner ⁊ entēdre la tresnoble sciēce de rhetorique. Sire se
cest chose que gueres ne baille Vous predres en gre de Vostre
trershāble ⁊ tresobeissant subiect ⁊ seruiteur henry de croy le-
quel aucuneffois par maniere de passe temps si est bien Vou
lu occuper.



Ensuit lart et science de rhetorique pour cōgnoistre tous
 les termes / formes et patrons / exemples / couleurs et fi
 gures de dictiers tailles modernes qui maintenāt sont en
 vsage. Cest assauoir / cōme lignes doublettes / Vers sisains / Vers sep
 tains / Vers huitains / Vers alexandrains / rigme batelee / rigme bri
 see / rigme enchainee / rigme a double queue / rigme en forme de com
 plainte amouteuse / rōdeaulx simples de Vne / de deux / de trois de .iiii.

et de cinq sillabes / rondeaulx iumeaulx et rondeaulx doubles / simples Virelais / doubles Virelais et responce / Satras simples et Satras doubles / ballades communes / ballade balladante / ballade fatisee / simple lay / lay renforce / champy royal / seruançois / ricquerat / ba guenaude. De laquelle rhethorique ensuiuent les exemples.

Exemple

C Rhethorique Vulgaire est Vne espee de musique appelee regim musiqe laquelle contient certain nombre de sillabes avecques aucune suauite en forme de douceur et de equisonance. Et ne se peut sans diction / ne diction sans sillabe ne sillabe sans lettre. La lettre est sillabe qui ne se peut diuiser / come A B C D E &c. Desquelles lettres les Vnes sont Voïelles et les autres consonantes. Les Voïelles sont A E I O V. La sillabe est Vne assemblée de lettres sous Vng seul accet indistinctement proferce / come Ar Bar Bal &c. Et la diction est celle qui contient Vne ou plusieurs sillabes / come Art Artus / Balam &c. Et ia soit ce que toutes dictions latines aient parfaitz sons : tousiours en l'ageage romant qui l'esut ce quil peut sont trouuees aucunes dictions ou sillabes imparfaites. Cest adire quilz nont point parfaite resonance. Lesquels aucuns sont femines dictions et les parfaites masculines. Les masculines ont parfaites dictions et sont / cestassauoir come donner Aimer / Chanter et Aller. Et les femines ont dictions imparfaites / cestassauoir come donnent / chantent / aiment et allent. Et est assauoir que toutes dictions imparfaites et de singulier nombre finent par imparfection et faintement consonant. Cest assauoir / come Vierge mere dame royne. Et le plus esles se finent en .t. ou en .s. come / rent et come pucelles gentes.

C Item toutes et quantesfois que la sillabe imparfaite finissat en .E rencontre en mettre Vne desdictes Voïelles aiant Bray son de Voïelles ladicte sillabe se bonte avecques ladicte Voïelle et ne sont ensemble que Vne sillabe / come se on disoit. Ma Dame aime Vng autre que moy. Ceste sillabe me qui est la moitie de dame sen trebonte avecques ceste autre sillabe da / qui aussi est la moitie de dame. Et le residu de aime qui est me sillabe imparfaite se comp

te aucunes ceste diction Ding et nest compte le dessusdit mettre à pour huit sillabes. Et est assavoir que tous mettres dont la derreniere sillabe est imparfaicte de quelque quatite quil soit excede le mettre parfait dune sillabe.

Côme par cest exemple

Dine le roy et son party

parfait

Dine tante fleur de noblesse

Dine qui tient sans departy

Contre lennemy qui nous blesse

imparfait

¶ Autre taille de rigme qui se nôme doublette la plus facile & commune que lon puist faire : Et se peut faire en toutes quantites de sillabes et le plus souuent en huit ou en neuf sillabes. De ceste maniere de rigme est compose le rōmant de la rose. Et plusieurs histoires et farces en sont composees.

Exemple

¶ Quant mon oeil dort mon cuer seueille
Du mal damours qui me traueille

¶ Autre taille de Vers sisains qui se font en moralitez et iens de personnages en responce ou redargutions. Et sont cōmunemēt de trois lignes / de quatre lignes et de sept lignes et composees de six sillabes.

Exemple

La guerre

La paix

Jay bruit regne en court

Je suis sans secours

En champs et en court

Mais apres decours

En lautre et en lune

Doit on prime lune

¶ Autres Vers septains de huit sillabes et de sept lignes sōt trouuez en plusieurs euntres dont la derreniere ligne chet en commun proverbe.

Exemple

¶ Dair ameine nous bon temps

Pour mener iopenly soulas

Il ya plus de quatre ans

Que les poutres gens sont las

o m

Guerre nous pzent en ses las
 Mais elle mourra a quelque heure
 En peu deure dieu laboure

C De ceste taille brisee septaine desced Vne autre mode de Vers
 brisez laquelle est reduicte ad ce mesmes. Et not les lignes des par
 faictes sillabes que trois sillabes en ligne pour ce que la tierce est
 pronöce en double tierce cötre l'imparfaicte. Ceste especé de rig
 me fut mise auant au ieu de rendre compte et resiqua.

Exemple

Abondance / de ceuance
 Dou auance / le salu
 Arrogance / De puissance
 Na dufance / Riens Valu

Responce

Quelque effeut / na Doulut
 Voler düg orgueilleux loire
 Tout solut / tout concludt
 Pourrete met gens en gloire

C Autre taille de Vers huitains appelez Vers fräcois sont assez
 cömons en plusieurs liures et traictiez cöme en la belle dame Jas
 mercy / l'ospital damours et le champion des dames. Desquelz la
 croisure des mettres esemble la ptite des sillabes est notötre par
 cest exemple.

Exemple

Souffrons apoint
 Bourgois loyaulx
 Barons en point
 Souffrons apoint
 Duidös son point
 francois loyaulx
 Souffrons apoint
 Bourgois loyaulx

Soions bons
 Seruiteurs
 Prosperons
 Soyons bons
 Conquerons
 Soions seurs
 Soyons bons
 Seruiteurs

Compaignons
 De noblesse
 Besongnons
 Compaignons
 Gentileffe
 Soy nous bleffe
 Compaignons
 De noblesse

C Sept rondeaulx en ce rondeau sont yssus & cordelez
 Il ny fault clou ne cordeaulx / sept rondeaulx
 Mettez sus et rondelez sont yssus et cordelez

C Doubles rondeaulx se font par lignes doublettes auctqs qe
 que Vne senale qui se cöföne auctqs lüne des autres. Et ceste ma
 niere de rondeler sert aux chansons de musique cöme le seruiteur

et autres de cinq lignes.

Exemple

Quant vous aures asses muse	Jamais ne seray refuse
Autant que iay pour vous use	Ne de mal servir accuse
Et la verite bien scaurez	Se mes pas sont bie mesurez
Espoir que pitie vous aures	Quât vous aurez assez musez
Dung simple innocent pou ruse	

C Se trouue me suis si ose
Dauoir vostre bruit alose
Dôt ie suis beacop honorez
Le don de mercy me donez
Affin que ne soye abuse
Quant vous aurez assez muse

C Autre taille de rondeaulx doubles qui se nôment simples Vir
lais pour ce que gens lais les mettent en leurs chansons rurales
côme gente de corps et se font en ceste maniere

Exemple

Jay mis m ^a cue ^r en Vne lourde	Do ^r ce q fine feme est sourde
Dui est tresbelle bacelotte	Quât ce diêt a cōpter a loste
Pais elle q la mamelotte	Jay mis m ^o cue ^r en Vne lo ^r de
Aussi grosse que la cahourde	

Sauvez vous pour quoy ie me hourde
Dune si faicte ieune sotte
Pour ce que quât ie meny assotte
Elle dit mainte belle bourde

Jay mis mon cueur en Vne lourde
Dui est tresbelle bacelotte

C Doubles Virlais se font côme le premier couplet dessusdit. Et
puis Vng autre Vert sisain ou croise de differente termination
au premier.

Exemple

a iiii

Amours me tiét po^r son foudart Espoir me fonsstiet le menton,
 Je serviray a ses gaiges desir me done a hault vouloir,
 donly regars & plaisans l'agaiges. Le bien celer est le baston
 sôt pourtrais en son estadart po^r quoy ie puis trop mieus valoir

Qui nest plain de sciéce et d'art
Ja ne fera bean vacelage
 mais pource que ie suis **bolage**
 et que ie scay lancer le d'art
 Amours me tient pour son foudart

Respons en taille palernode est Une espee de rhetorique en maniere
 ere de champt eclesiastique ou plusieurs nombres se reiectent au
 corps principal

Exemple

A la fleur de Virginite
 en qui dieu print hūanite
 fūinons le cours
 Et prions par humilite
 que humaine fragilite
 baille secours
 Car les delis mōdains sōt co^rs
 et cest le terme limite
 a chascun du iour de sa fin
 dont nous est necessite
 Dabreger tost nostre chemin
 po^r auoir secours en pite
 a la fleur de Virginite

Tropt auons fuiui Vanite
 et cest le terme limite
 a chascun du iour de sa fin
 quoy ou nous allōs a declin
 et si nauons riens prouffite
 A la fleur de Virginite
 Dōt nous estoit necessite
 Dabreger tost nostre chemin
 mōstrons nostre Diuinite
 pour auoir secours au parfin
 A la fleur de Virginite

CAntre espee de rhetorique nō
 mee fatras Et sont cōuenables
 en matiere ioieuse pour la repetition des mettres qui sont de sept
 et de huit / desquelz les Vngs sont simples & nont que Vng seul cou
 plet. Les autres sont doubles et ont deuy couplets et pareille sub
 stance et termination. Mais la premiere ligne du premier couplet
 sera seconde au second couplet

Exemple

Pourres grs sont en malaise
 Du gens darmes logez sont.
 Pourres grs sont en malaise
 Ne demenes soif ne aise
 fenestre huits ne baston ront
 Qui narde come fontnaise
 Pour chauffer poux & puaise
 Quilz megeuent ce quilz ont
 Cont tond art tout ront
 Cont ce destigle degoise
 Cont trebuché au plus parfod
 Si fault que chascun se taise
 Du grs darmes logez sont

Du gens darmes logez sont
 Pourres grs sont en mesaise
 Du gens darmes logez sont
 Lung ecorche lautre tondt
 Lautre qui la fille baise
 taste se laquette pont
 et loste recoit le bont
 dūg baston ne lui desplaise
 si lostesse est trop mauuaise
 Dy lui fait passer le pont
 brief il nest chose qui plaise
 ou sodars Viennēt et Vont
 Pourres grs sont en malaise
 Du gens darmes logez sont

C Balade cōmune doit auoir
 refrain et trois couplets et renuoy de prince. Le refrain est la der-
 reniere ligne des dessusdis couplets et du renuoy de prince duquel
 refrain se tire toute la substance de la balade ainsi que la saiette
 au signe de berhal. Et doit chascun couplet par rigueur de pamey
 auoir autant de lignes que le refrain contient de sillabes. Si le re-
 frain a huit sillabes et la derreniere est parfaite. La balade doit
 tenir forme de vers huitains. Se le refrain a neuf sillabes les cou-
 plets seront de neuf lignes dont les quatre premieres se croisent
 la cinquieme / la sixieme / la huitieme sont de pareilles terminati-
 ons différentes aux premieres. Et la septieme ligne / la neuuieme
 pareilles et distinguees a toutes autres. Si le refrain a dix sil-
 labes les couplets de la balade seront de dix lignes. Dōt les qua-
 tre premieres se croisent : La cinquieme pareille a la quatrieme / la
 sixieme a la septieme et la neuuieme de pareille termination. La
 huitieme et la dixieme egalles en consonances. Se le refrain a
 onze sillabes les couplets auront onze lignes / les quatre premieres
 se croisent / la cinquieme et la sixieme pareilles en rime. La septi-
 eme et la huitieme et la dixieme egalles en consonance. **C** La neuuieme
 et onzieme de pareille termination. Et est aussi a noter que
 tout renuoy lequel a la fois se commence a son refrain est pareel

cōme les autres couplets mais il ne contient que cinq lignes au p^r.
Et prent ses terminations et remettez en rimant selon les derre-
 nieres lignes desdis couplets

Exemple de balade cōmune

des mirmidōs la hardiesse épèdre	dont qui se sent en ses loz detenus
po ^r euahir le trespuissant athlas	Il fait assez qui son salut procure
De medec les cantelles aprendre	
pour ipugner les ars dame palus	Promothe ^s no ^s a forme de cendre
faire trebler du mōde la machine	craidez deuōs dattropos le dur pris
foudroier mars q ⁱ p ^r tre no ^s machie	quant iupiter des cieulx vouldra
foder chasteaulx sur le mōt pna ^s	descendre
Voler en lair ainsi q ⁱ pegasus	po ^r no ^s inger plato ny fauldra pas
endormir q ⁱ es au flaiol de mercur	ains q ⁱ triton doise sonāt la busine
neft il besoing po ^r puenir lassus	pris argus qui no ^s garde r ^e cōsine
il fait assez q ⁱ son salut procure	sans arrester a lostel tātalus

Hōe mortel Voulāt a salut tēdre	si apollo nostre ame ne nous cure
Vers āgleres ne doit ietter ses las	Pour resister aux ifernaulx pal ^s
a diana la vierge doit entendre	Il fait assez qui son salut procure
sans ēdraser de Venus les soulas	
pas ne sedorme a la herpe orpheie	Prix du puis le grāt diē sātū ^s
ne par bacus ait sōne morpheine	demorgogon pheton phete phet ^s
que pris ne soit es laqs de Vulcan ^s	ne demādet grāt labe ^r ne grāt intē ^s
car cerberā aux gnos cheueu ^s can ^s	mais q ⁱ le corps soit biē entretenu ^s
sedormiroit en sa prison obscure	Il fait assez qui son salut procure

Balade baladant tient pour les termes de termes de balades cō-
 munes si non que les couplets sont comme vers septains / Dautres
 huitains. Aucū diēt que elles sont de vi. de v. et de vi. sillabes. Et est
 batelée a la .iiii. sillabe en certaines lignes. Car en toutes les lignes
 de v. ou de vi. sillabes soit en balades ou en autres tailles tousiours la
 .iiii. sillabe ou pied doit estre de mot complet. Et doit on illecques re-
 poser en la prononçant.

Exemple de balade baladant

Juifz ont dit q̄ nostre redẽpteur
 fut echâteur / par art diaboliq̄
 faulx seducte^r / fol p̄uarnicateur
 Dẽteur Dẽteur facte^r de Doye obliq̄
 mais st̄ ieh̄a dit q̄ nous bien inspira
 qui no^r crea ⁊ si biẽ no^r ama
 quil no^r forma a son diuin semblât
 Il fut enfant du pere triũphant
 soleil luisant sente ou ne desuie
 fleur florissât Dray messias naissât
 Dieu tout puissât Verite Doye ⁊ Vie

Seul fut creât incree createur
 Gubernateur de leternel fabriq̄
 fabricate^r supnel saluateur
 Operateur du hault trosne agelesq̄
 La quarataine en ce mode ieusna
 Il sermõna et nous illumina
 Loy no^r dõna grace setier plaisât
 Regarissant maint mesel po^r rissât
 En relenât deser lame raupe
 Par ce faisât se mōstra florissant
 Dieu tout puissant Verite Doye et Vie

sont deux balades cõmunes tellemẽt anepees ensẽble q̄ le cõmen
 cemẽt de lune dõne refrain a lautre. Ceste couleur de r̄ethoriz̄ de
 s̄ced a faire regret cõme il appert de saint quẽtin ou lescuier trou
 na saint maurice mutilẽ sur les champs.

Quantee le beau cheualier
 Tu es mort helas q̄ feraige
 Je ne te pris Vie batiffier
 Ne fustiter ne conseillier
 Tu as paye mortel truage
 quel perte q̄l deul q̄l dõmage
 Quelle cruelle occision
 D terrible prodition

Maurice le bon cheualier
 q̄ dira lon hault parentaige
 si tost quil pourra soutiffier
 cõment on ta fait detrẽcher
 et meurd̄ir en fleur de ton aage
 quel descõfort q̄l grief oultrage
 quelz pleurs quel lamentation
 D terrible prodition

De Verite fut administrateur
 ⁊ cõstructe^r de la foy catholiq̄
 Reparate^r certain resuscite^r
 ⁊ s̄b̄ateur de tẽp̄te euãgeliq̄
 p̄le st̄ sang q̄ de lui degousta
 nous racheta de mort quadã
 gousta
 moult lui cousta la põmette
 flairant
 Son chemin grāt il nous fut
 demonst̄rant
 Puis fut mōtant a sa gloire
 assouie
 si dy po^r tāt p̄manable durāt
 Dieu tout puissant Verite
 Doye et Vie

Price du puis se estes obeissât
 no^r cõmandât gaigner gloi
 re infinie
 Lass^r regnât le Verres dñant
 Dieu tout puissant Verite
 Doye et Vie

Balade fatrisee ou iumelle

D terrible prodiction
 faulx empereur de rōmenie
 Mauſdicte generation
 Pute enge pute nation
 Pute gente pute progenie
 Dons auez par grant tirānie
 Mis a mort et fait epuillier
 Maurice le bon cheualier

Maurice le bon cheualier
 Noble duc de hardi courage
 Tu estoies venu bataillier
 Le bien publicque habillier
 Tant preu et par haustain parage
 Mais les traictes remplis de rage
 Ont failluy de promission
 D terrible prodiction

D terrible prodiction
 faulx tiras plains de diablerie
 Destruit auez la legion
 De la thebee region
 Et sa noble cheualerie
 Entre lesquelz la fleur flourie
 Estoit pour tous cueurs reueillier
 Maurice le bon cheualier

Quant Vne lōgue ligne est en
 lacee entre la longue et la courte
 adōc est lay renforce. La forme
 en est clere en lozoison de la glori
 euse Vierge marie qui se cōmen
 ce. En protestant. Et aucques ce que ledit lay est renforce a
 la fois est il satrise par la repriue des deux premieres lignes com
 me cy apres est declare

D terrible prodiction
 As tu fait ceste vilēie
 Tu en auras punition
 Et horrible damnation
 Avec l'infemale maigrie
 La terre est couuerte a hōme
 Du sang du bon du saunier
 Maurice le bon cheualier

Price Dons auez par enuie
 Assōme et fait trapeillier
 Maurice le bon cheualier

Les simples doubles
 lignes / formes de demi
 es lignes en traditiōs
 Exemple
 fleur de beaulte gracieuse
 Precieuse
 Gēme donneur excellente
 Vne ymage sumptueuse
 Vertueuse
 Blāche damo^e nouuelle ēte
 Ma deesse ma regente

Propre et gente
 Ma tresloyale amoureuse
 Corps a bēs a chāpt a sante
 Dons presente
 Ne me soiez rigoureuse

Exemple

Quāt mon cuer se desconforte
 Bon espoir me reconforte
 Sa main forte
 De tiēt corps & ame enseble
 Que me sonstiet & supporte
 En chābre/en sale & en porte
 Et me porte
 Quelq part ou bon me semble

Amours qui les cueurs assemble
 De mōstre maint del exemple
 Large et ample
 Quāt mō cuer se desconforte
 Mais a la fois quāt se tremble
 Plus fort que foible tremble
 Tout dūng amble
 Bon espoir mest reconfort

Q'Empereur royal se recorde es puis ou se donnent couronnes
 chapeauls a trais qui mieulx le scauent faire. Et se fait a restrain
 comē ballade / mais il ya cinq couplets et renuoy.

Exemple

Quant terpendre sa herpe prepara
 De sept cordons selon les sept planettes
 A iupiter piatē compara
 Sol a mese et fit par ses sonnettes
 Daripate ressembler a saturnus
 Litanos/mars/paramese/Venus
 Ne te liura la planette mercur
 Quant ses sept cordons sur son acore
 Loncauers apoint saude & bien verme
 Furent assez il eut par art et cure
 Herpe rendant souueraine armonie

Ceste herpe qui si belle forme a
 Duisse figurer par vīces raisons nettes
 A marie vierge que Dieu si bien forma
 Du tronc iesse et de ses racinettes
 La secche anne dont on faisoit refus
 Porta le bois royal et le bel fus
 Dont ceste herpe eut humaine facture
 Prudence/force/attrepance/droicture
 Foy/esperance et charite vīce
 Sept cordes sont qui la font sans facture

Herpe rendant souveraine armonie

Au temple fut presentee et sonna
Si hault que dieu ouyt ses chansonnettes
Riche salut gabriel lui donna
Et lui dist Vierge entes mes chans honestes
Le filz de dieu conceueras iesus
Sur ce teneur respondit au dessus
Je ne congnois virile creature
Neatmoins selon ta parole on lecture
Il me soit fait / lors fut elle garnie
De art de musique et fut par coniecture
Herpe rendant souveraine armonie

Lar a ce mot disant tout sacorda
Au gendre humain marchât sus espinettes
Si douly accord sa corde recorda
Quelle endormist serpenteaux et ranettes
Les tresdoulx mots sont de la bouche yssus
Que les haultx cieulx de dieu fais & tissus
Jadis formes lui ont fait ouuerture
Et ont prise infernale cloture
Pour retiter humaine progenie
Si dis quelle est plus que dessus nature
Herpe rendât souveraine armonie

Pan oncques mieulx ne baritonisa
Diapason au son de ses musettes
Pythagoras oncques nargonisa
Pyapate de si douces busettes
Par ung accord que sont les sept Vertus
Sept planettes doi sept cieulx sont Destus
A surmonte sans vilaine morsure
Deuant son filz qui endura mort sure
Est anoncée & en gloire infinie

Le bien formant par compas et mesure
Herpe rendant souveraine armonie

Prince du puis qui chantez d'auanture
Donnez accord plain, champ et floriture
A l'umble fleur des Vierges espantie
Et vous orrez a la gloire future
Herpe rendât souveraine armonie

Les seruantois seruent pareillement au puis et au rōdeauſo
Ausquelz il y a certaines rigles que les princes desdis puis y met
tent affin de contraindre le facteur sans trop ouurer de sa puissan
ce par son mouuement lequel prent laict et terminatiōs es premie
res lignes / l'une amoureuse laquelle traite de matiere d'amours
Et contient cinq couplets et l'enuoy sans refrain. Mais lesdis cou
plets de pareille consonance sont Et lesdis seruatois le plus sou
uent sont fais en l'honneur de la Vierge marie et pour l'honneur de
sa tresglozieuse naissance / saintete et tresparfaicte Vie.

Exemple

L'amoureux cours prouuen de prudence
Doit mediter par diuin pensement
Car l'escripture ou nous deuons credence
Nous recite demonſtrant plainement
L'ōment de la lignee prefiguree
De ieſſe dont Vne Vieille adozee
Depcellens dons qui porta sans amer
La belle fleur que Dieu Doult tant amer
Que l'esprit ſaint par treshaute puissance
Dint reposer dessus sans entamer
Integrite par aucune nuysance

Le bien descend de l'amant par science
Doulant la lettre exposer haultement
Prendre ieſſe fonde en patience

Pour dieu puissant regnant triūphamment
Qui produisit par euvre decretée
Ceste Vierge par sainte anne notée
Sur laquelle dieu Voult la fleur poser
Se fut marie ou qui Vint reposer
L'esperit saint par lequel sans instance
De puis iesus son filz bien exposer
Car elle en eut la diuine acoïtance

Si doit l'amant des son adolescence
La Vierge aimer et fleur pareillement
Car l'esperit pour la diuine essence
Elle receut reposant saintement
Car elle fut de si bonne heure née
Que la grace de dieu lui fut donnée
Pour son enfant concevoir et porter
Lors incarné pour nos maux supporter
Se fut euvre d'admirable substance
Quant Vierge fut deuant son enfanter
Vierge enfantant et apres sans doubte

Or auons dont tout par benivolence
La noble fleur prouffitant grandement
Aux malades car par sa soustenance
Leur rent sâcte de corps et sauuement
O Vierge sainte et bien moriginee
Vostre lieue en dolour fut tournee
Quant vostre filz Voult en la croix monter
Pour les pecheurs aider et conforter
Endurant mort passion et souffrance
Puis au tiers iour il Voult ressusciter
Et vous donna de sa ioye remembrance

Dame donneur de haulte preference

fleur fleurissant miraculeusement
 En mer / en terre & en circonférence
 Du haultain ciel et divin firmament
 Du ciel lassus dignement couronnée
 La pouez Vous trinite contempler
 En Vnité et en graces impetrer
 Pour departir en louable ordonnance
 Pour nous servir quant nous deuons finir
 Puissions de Dieu obtenir indulgence

Prince prions la Vierge sans cesser
 Que la paio soit Vnie par toute grâce
 Riens au monde ne pourrôs posséder
 Que fruit de Die amour & esperance

C La ricqueracque est en maniere dune longue chanson faicte
 par couplets de six ou de sept sillabes la ligne et chascun couplet
 a deux diuerses croisees la premiere ligne et la tierce de sillabes is-
 parfaites. La seconde et la quarte de parfaites et pareillement
 la seconde croisee distinguees et differentes en termination. Et
 doit tenir ceste mode de sillabes et tous ses couplets affin qllé soit
 cōuenable au champ de ceste taille conlonra messire georges cha-
 stellain ses croniques abregees

Exemple

Vous orres chose estrange
 Dunc folastre bien fait
 Qui se disoit estre ange
 Mais quant se Vint au fait
 Voulut monter en gloire
 Volant cōme Vng plouvier
 Il mist trop bas son loire
 Si cheut en Vng vinier

C Baguenaudes sont couplets fais a Voullente contenāt certai-
 nes quātites de sillabes sans rime et sans raison pou recomman-

dee ymo repassée de bons ouuriers et fort auctorisée du temps
maistre iehan de Virtoc

Exemple

Qui Veuult tresbien plumer son coq
Bouter le fault en Vng houeaulx
Qui bonte sa teste en Vng sac
Il ne Doit goute par les tranlx
Sergens prennēt gens par le nez
Et monstarde par les deux bras
Plus tost le soleil a pied
Que ne fait le lieure a cheual

Pour quoy fait on tant de harnoix
Quant les gens sont armez descaille
Se Vous auez mauuaise femme
Boutez sa teste en Vng soufflet
Sans lui bailler point de soufflet
Si en faictes mailles de saulx
James plus ne feras mehaulx

C De rigmes en gozet et plusieurs autres menues tailles ne fōt
les rhetoriciens quelque estime pour ce quelles sont viciueuses ⁊ cō
demnables. Mais qui Voult practiquer la science choisise plaisās
equiuoques termes leonismes et laissent les bergiers des champs
Vser de leur theorique et rhetorique rurale. Et quāt Vne seule dic
tion nuyt signifie porter dōmage ⁊ priuation de leurre par ses epē
ples declarez

Exemple

C Celle bouche dit bonne nuyt
Qui de la langue fort ne nuyt

C Rigme leonisme est quant deux dictionz sont semblables et
en pareille consonance en sillabes cōme il appert du chapitre de
ialousie

Exemple

C Prudes femmes par saint Denis

Autāt est que de fenip

CRime ruralle est quant les derrenieres sillabes nont pas tota le consonance ains participent en aucunes lettres.

Exemple

Amours me fōt p nuyt penser
ou ie nose par iour aller

CRime en gozet est quant les derrenieres sillabes de la ligne participent en aucunes lettres

Exemple

Cest le liet de nostre conte
Dy le fait quāt on se couche

CRedictes en sens sont sinonifmes dictionz qui signifient vne ne mesme chose

Exemple

Le sage hōme ne doit aller
trop fort sil ne veult ambuler

CPlate redicte estāt deuo dictions sont mises en rime lune cōtre lautre & sōt pareilles en Voip et en signification.

Exemple

Qui veult amis auoir
Il fault argent auoir

Autre exemple

Que dictes vo de vō amant
Pour vous a le cuer si trāsi
ne sct il latin ne rōmant

qui vous face entendre a mercy
Certes dame sil est ainsi
que par vostre default desine
Je tesmōgneray sans nul sy
que vous seriez murdriere fine

CAutre taille de Vers huitains se fait par autre croisure de laq̃lle monseigneur l'indiciaire fut principal inuenteur

Exemple

Dictes le mot du bon du cuer
sans mettre auāt tant de refus
prenez mercy contre rigueur
donnez secours a ma lāgneur
ou ie mourray martir confus
oncques en tel dāger ne fus
mō dieu pze mō ame en tes maïs
qui meurt tātost il lāguist maïs

CPareille taille de Vers huitains est maintenant en vsage et n'ya difference si non que les mettres sont de dix et de vi piedz

Exemple

q̃st deuenue le tēps du bō berger
pour lors regnoit duc philippe
de bourgongne
qui biē laissoit les cōtes abreger
les famis loups en noz champs
heberger. Ains les chassoit plus
loing quen castelongne
pour le preset tel point tel mort
tel hongne
q̃ noseroit hūter cōtre nos pars

¶ Quāt bergier dort les moutons sont espars

En pareille forme de Vers huitains se fait rhetorique batelee
Et est dicte batelee pour ce q̃lle a sa Voee de resonance en la fina
ble sillabe cōme dessus elle a Vng autre son et raison en la .iiii. sillab
be en maniere de batelage. De ceste nouuelle mode sont coulou
rez la cōplainte de gresse : le trofne dōneur / le temple de mars / les
ouurages de la pucelle : et la resource du petit peuple. Et en a este
inuētent maistre iehā molinet de Valenciēnes.

Exemple

Plourez gēs sōt a to⁹ lez reuersez
tensez bersez cōsacrez confōdus
tapez trōpez tormētez troudelez
brullez riflez tēpestez triboulez
pelez coulez espantez esperdus
passez pēdus martelez morfōdus
rongez tōdus pensifz patibulez
puz et sourpuz pillez ⁊ petellez

¶ Autre taille de rime nommee Vers douzains ou deup estas. Et
en sont plusieurs histoires ⁊ oroïfōs richement decorees comme
Digne preciosite et autres : dōt le formulaire ⁊ croisure se demō
stre par cest exemple

Exemple

Dame ne Vous sonuient il pas
Du tresgrant labeur et des pas
Que pour Vous iay fait et passez
Cōme destigle sans compas
Jay perdu repos et repas
A pou que nen suis trespassez
Si tous Vo^z dons ne sont passez
Je Vous prie que me repaissez
Dung regard dueil plain de folie
Des griez tormēs seront cassez

Riche seray trop plus que assez
hors de dangier et de ses lats
Dame ne vous sonuient il pas

C Vers alexandrains sont de vii. ou de viii. sillabes pour mettre. Et na que Vne seule termination le nombre des lignes et est a la Vou lente de l'acteur. Ilz sont nomez alexandrains pource que les hystoi res de aliopandre sont faictes en ceste forme. Et plusieurs autres romans des batailles anciennes tiennet ceste taille mesme labre ge de tropes ensuit ce train

Exemple.

C Puis que le duc perdit de nansi la iournee
Justice trespassa forte guerre fut nee
Leglise en a perdu ses rêtes ceste annee
noblesse en a este durement fortunee
Et pources gens en ont trespore destinee

C Autre taille de rime qui se nome quene annee pour ce q la fin du mettre est pareille en Voip au comencemēt de lautre et est diuerse en signification. Et se peut ceste taille causer en balades Vers hui tains et rondeaulx de chanson

Exemple

Trop durement mon cuer soupire
Dire mal sent que desconfort
Confort le fait plus na riens fort
Fort se plaint ne scet quil doit dire

Ire me tient en grief martire
Dire me suis a mortel bort
Trop durement mon cuer soupire
Dire mal sent que desconfort
En desepoir mon cuer se mire
Dire ie nay si non la mort
Mort Voudroie estre sans support

port nay quelq Ung ma Die empire

C Trop durement mon cuer soupire
pire mal sent que desconfort

Rhetorique a double queue se Deult engendrier par les tailles des-
susdictes tant la penultime et la derreniere sillabes ont pareille
termination

Exemple

C Guerre la pulente / lente
qui tout en sa tasse / tasse
Amys / la regente / gente
De paiz en / soubasse / basse
le temps que dieu compasse / passe
Ainsi sen Dont tousiours iours
et nanons quelque secours

Pour faire amoureuses complainctes et autres doleances ainsi q
a fait maistre arnoult grebert qui en fut premier inuenteur de bel
le rhetorique

Exemple

A Vous dame ie me complains
ie Vois plourant auant les plains
car ie congnois que pleurs et plains
puis que ie Vis
Vostre gent et gracieulx Vis
iaime mieulx estre mort que Vifz
neantmoins que Doulentiers q enuis
ie me soubmies
Au dieu d'ameurs qui desamea
me fait seruir destrange mes
De danger et de refus mors
cest par amer
Vostre beaulte plainier d'amer
qui a fait mon cuer entamer

sy que ie voudroie en la mer
 estre perilz
 Estre noie mors et pourris
 mis auerques les sains esperis
 lame dont les peulx ont pou ris
 fustist sauuee

De toutes quantites de sillabes et dictiones se font rondeaulx si ples et dictiers cōmuns de chancons et autres

Exemple

¶ Rondeau dune sillabe

Je
 boy
 se
 ie
 ne
 boy
 ie
 boy

¶ Rondeau de deux sillabes

Ton nom
 me plet
 Laton
 ton nom
 mais
 non
 ton plet
 ton nom
 me plaist

¶ Rondeau de trois sillabes

Je fais pris	De soulas
En boy late	Je suis pris
Tout souspris	En boy late
Je suis pris	
pou esperis	

Rondel de quatre silla
bes fait sur la deuise du duc
phle de bourgongne

Autre nauray
Cant que ie viue
Son serf seray
Autre aauray
Je lameray
Soit morte ou viue
Autre nauray
Cant que ie viue

Rondel de V. sillabes

Du est le mignot
Ma tresdoulce ampe
Dis moy Vng seul mot
Du est ton mignot
monstre moy margot

et si ne faulx mpe
Du est ton mignot
ma tresdoulce ampe

Rodeaulx inmeaulx copo
sez ensemble et tiët le petit
partie du grät & le grät par
tie du petit.
Eoëple sur le mot du duc
charles de bourgongne

Je lay empris
Bien en aduiegne
Du qui soit pris
Je lay empris
Du qui soit pris
ne dou qui vicagne
Je lay empris

Affin que haulx biës ie puiëgne
par prouesse q ma seurpris
Je lay empris bië en aduiegne
pour auoir pris ie lay empris

Cāt les plates redictes q
les redictes finies en gozet & ricq
rac sont cōtees en termes de rhetoriq et cōdānees en rigoreux epa
men il les fault eiter de toute puissance & querir termes pl riches
& mieulx recōmādez cōe dictiōs aucunemet pareilles sās estre eq
uocues & cōtraies en signification. Et est de necessite predre ces
termes cy dessoubz transcrips.

Fureur	seuerite	pareffe	Baillance	felicite	Utilite
Faueur	serenite	proesse	Degèce	ferocite	trāsq̄lite
Vertueux	huilite	hōneur	deuotion	pleur	famine
Viciueux	hostilite	horreur	derisiō	flour	ferme mine
Viguer	hōnestete	purete	predicatio	charite	cōmande
Rigueur	hōtensete	pourrete	proditiō	cherite	gourmāde
purificatio	inuite	languueur	testue		
putrefaction	deuite	longueur	teste nue		

C Pareillemēt doit le facteur querir et serchier aucuns Vers cō-
posez de proportiōs cōme a / de / re / com / par / sub. Car lesdiz Verbes
enchainēt en riche rime et ont diuerses significations

Exemple

Prēdre	Aprēdre	Despēdre	Cōpēdre	Repēdre	Souprēdre
faire	A faire	Deffaire	Cōfaire	Refaire	Souffaire
Porter	Aporter	Deporter	Cōporter	reporter	saporter
Denir	auenir	Deuenir	cōuenir	Reuenir	funenir
Tēdre	Atēdre	Destēdre	cōtēdre	Retēdre	sonbs attēdre
Derfer	Auerfer	Deuerfer	cōuerse	Reuerse	sonuerse
mettre	a mettre	demettre	cōmettre	remettre	soubsmettre
Poser	Aposer	deposer	composer	Reposer	supposer
Paire	Apairer	Despaire	cōtraire	retraire	soustraire
Porter	aporter	desporter	comparer	reparer	sonbs parer
Genir	atenir	detenir	contenir	retenir	sonstenir
Pourtraire	propofer	peruerse	pretēdre	pas faire	paruenir
Doit traire	postposer	pas Verse	pres tēdre	psaire	preuenir

Exēple de equiuoques a quatre

De loye ie ne dormoye pas scanoye scanoir sanfonet oysel
 Dous loye dune lieure sanoye pays sans son nect Dng sonet
 Doulroye deDoulroir saDoie chemināt sās sōneft sās sō distramt
 Dol oye oyeDolāt sanoye de scanoir sāson est sāso le fort a este
 Lauoye ie lauoye sonnoye sonner cheualet cheual
 La Voye chemin son oye Vne oye ce Balet seruitent
 Lauoye laner son oye onyr ce Bal let laide Balce
 Lauoye Droit son noye noyer ce Bal est Ballee est
 De licts de conches diuers yuers mains deup mais
 De lis fletre Dip Vers p. Vers Moins mendre
 Delits plaisances Diuers estrāge mains demonrer
 Delis menus dip Vers p. mettres mais plus ne mais
 Denis deuffet Diellart Dng Diellart iamasse Amer
 De Dis face Viel art Viel hōe qui art iamasse assēbler
 Des Dis mōtēt a Dis Viel lart du lart Jamasse Vne masse
 de Dis mēbres Viel art aciēne sciēce Je masse po^r faire amasse

Comme tresor florissant par nature
hault triumpfant par eternelle fabrique
A vous hōneur trespriē roy puissant
Replendissant soubz science auctentique
louer on doit tel sens tāt magnifique
En rethorique quant on y pzent pasture
sens est parfaict adionstant sa musique
Dont fault Venir aulx termes contestant
equiuoquant congnoissant la droicture

Lōme tresor ꝛc

Dault il pas mieulx adionster la replique
a composer quant lengin sy procure
leure parfaicte le cas est congnoissant
D quel Renom quant sens a bien sapplique
peulx regardez fuiez la chose inique
sans repugner les termes de droicture

Lōme tresor ꝛc

Disez musez de hault en bas lisez
Nom et surnom du Roy vous trouuerrez
Charles huitiesme q̄ dieu doint bonne Vie
et en la fin la grāt ioie parfournie

Ly finist lart et rhetorique de faire rimes et bala
des imprime a paris le dixieme iour de may lan
mil quatre cēs quatre Vigs et treize par anthoine
Berard libraire demourant a paris sur le pōt nos
stre dame a limage saint iehan leuangeliste
ou au palais au premier pillier denant la chapelle
ou len chante la messe de messeigneurs les presides

POÉSIES GOTHIQUES FRANÇOISES.

**LE CASTEAU
D'AMOURS,**

(PAR P. GRINGORE).

C.

**A PARIS,
DE L'IMPRIMERIE DE CRAPELET,
RUE DE VAUGIRARD, N° 9.**

1830.

A PARIS,
CHEZ SILVESTRE, LIBRAIRE,
RUE DES BONS ENFANS, N° 30.



Lacteur

REmemorant les faictz des amoureux
Et la triumphe des gens cheuallereux
Qui pour aymer ont eu mainte aduventure
Et mesmement, que les hardis les preux
Ont endure plusieurs maulx douloureux
En recreant leur fragile nature
Dung petit liure fais aucune ouuerture
Monstrant que amour est caulte et deceptiue
Aulcunesfois de vertu nutritiue
Folz amoureux venez a mon escolle
Si apprendres peine penetatiue
Que plusieurs ont en suiuant amour folle

Or est ainsi que estoie considerant
Les grans dangiers que amours vont desirant
Sur le chemin vis ung gallant venir
Qui sen alloit tout pensif tracassant
Le grant chemin nestoit pas pourchassant
Sentier ne voye il ne pouoit tenir
Entendement memoire et souuenir
Auoit perdu il montoit deualloit
Et ne scauoit quelle part il alloit
Lors sarresta quant me vit vis a vis
Iaperceu bien que dire me vouloit
Quelque mot et faire a moy deuvis

De l'autre part venoit ung mygnon gent
 Joyeux plaisant courtois et diligent
 Alegre prompt subtil leger dehet
 Tenant grans termes tout plain dor et dargent
 Plain de ieunesse de beaulte reffulgent
 Ainsi que ung homme qui a temps a souhet
 Il s'approcha pres de moy en effect
 Aussi fist l'autre tous deux maraissonnerent
 De plusieurs choses enquierent demanderent
 L'ung reuenoit du grant chasteau damours
 L'autre y alloit tout ce quilz racomptèrent
 Mis en escript pour leur faire secours.

Callant au chasteau damours

Se une foys ie puis paruenir
 Au chasteau damours precieux
 On me verra termes tenir
 Ainsi qun amant gracieux
 Cupido le dieu glorieux
 Prendra de mon cas soing et cure
 Et venus me ouurira les lieux
 Soubz la conduite de mercure

Jauray des dames a plaisance
 Faisans ieux et esbatemens
 De tout plaisir la iouyssance

En faisant mes embrassemens
 Facessies et instrumens
 Sont au chasteau damours enclos
 En cinq cens mille embrassemens
 Mauldit est qui en est forclos

Le venant du chasteau damours

Mon amy quesce que tu dis
 Estu fol beste ou insence
 Ressemble tu aux folz hardis
 Qui ont leurs honneur oppresse
 Veulx tu auoir le col casse
 Ou viure comme ung sotelet
 Estre plus subget et presse
 Que nest ung bacul a mulet

Au chasteau damours veulz aller
 Comme ientens par ton langaige
 Faisant ton honneur raualler
 A ton preiudice et dommaige
 Considere premier loutraige
 Qui est en ce chasteau peruers
 Et que nul homme tant soit saige
 Ny entre sans dangiers diuers

Je suis recent fres souuenant
 Du danger de laduersite

Qui y est ien vien tout venant
 Comme te sera recite
 Or est il de necessite
 Te dire les mauix oultrageux
 Et la dure crudelite
 Qui est au chasteau douloureux

Callant

Cest tout ung vous auez beau dire
 Pour vostre dit rien nen feray
 Mais entreray sans contredire
 Au chasteau ou ioyeux seray
 Joieusement me maintiendray
 Faisant voustes tours et gambades
 Servir aux dames entendray
 Gettant mes regardz et oeullades
 Puis que dictes que vous venez
 Du chasteau ou aller desire
 Je vous pry que me aprenoz
 Le chemin pour y aller sire
 Sur tous autres le vneil eslire
 Pour y faire ma residence
 En ostant le danger et lire
 Qui mon cueur met en decadance

Le venant

Ainsi seullet sans compaignie

Ny pouez aller par ma foy
 Il vous fauldra grande mesgnie
 Tenir grant train et grant arroy
 Car certes se nauez de quoy
 Ung seruiteur ainsi nomme
 Vous seres tenu en abbey
 Et comme meschant renomme

Callant

Il me fault donc pour seruiteur
 Avoir de quoy ie lentens bien
 Car il ny a si grant seigneur
 Sans de quoy qui puist faire rien
 Je trouueray donc le moyen
 Davoir de quoy pour mon seruant
 Par luy seray comme ie tien
 Le chasteau damour desservant

Le venant

De quoy te sera proffitabile
 Au chasteau et noble demaine
 Mais il est si tres veritable
 Qu'il se pert en lheure soudaine
 De le garder fault mettre peine
 Et aussi qui par trop le garde
 Il pert sa dame souveraine
 Aduise a ton cas et regarde

Lallant

Homme suis pour de quoy garder
 Sans le deschasser follement
 Et dung mauvais lieu enader
 Buuant et mengant sobrement
 Faire mon cas secretement
 Prenez que ie soye assez riche
 Dieu mercy iay lentendement
 De me gouverner comme chiche

Le venant

Tu nas garde de paruenir
 Au chastau en ceste esperance
 Car tu verras a toy venir
 Du premier cop folle despence
 Qui ne dit pas ce quelle pense
 Se tu luy dis nescio vos
 En effect pour ta recompense
 Au chasteau tourneras le dos

Tout premier elle tachera
 Te oster de quoy ton bon seruant
 Flaterie sembuchera
 Qui lui donrra ung passanant
 Quant cuideras aller auant
 Crainte te fera reculer

Il te fauldra ung poursuiuant
Quon appelle dissumiller

En conclusion tant de maulx
On a premier quenter dedens
Tant de peines tant de travaux
Que de dueil on grisse les dens
Tous ceulx qui y sont residens
Sont de iour et de nuyt pensifz
Pour resister aux accidens
Que seuffrent amoureux transis

En ce chasteau a tant de ruse
De tromperie et de finesse
Que le plus saige si abuse
Pour entrer en la forteresse
Plusieurs y viennent a grant presse
Pour les amiables douceurs
Qui y sont a la gentillesse
Mais au retour sont les douleurs

Que dit le rommant de la rose
Des faulx tours et des fins salus
Terfrastus dit en sa prose
Plusieurs estre au chasteau polus
Le bigame motheolus
En veult arguer contre dieu

Par quoy en termes resolu
 Conclut que cest ung mauvais lieu

Adam qui mordit a la pomme
 Du chasteau voulut aprocher
 Aristote qui fut sage homme
 Se fist au chasteau cheuaucher
 L'entree cousta a sanxon cher
 Salomon y fut ydolatre
 Loth estant dedens un rocher
 Voulut a ses filles combatre

De plus en parler ie men passe
 Car le lieu est trop dangereux
 De tout men raporte a bacace
 Parlant des nobles malheureux
 Et aux aultres aduentureux
 Qui ont en chasteau este
 Je croy que les auancoureur
 y ont bien petit conqueste

Lacteur

Le venant cessa de parler
 Et a son pouoir destourna
 Callant qui y vouloit aller
 Mais bien petit sen estonna
 En effaict conge luy donna

Et print a courir le grant cours
 Si bien son chemin ordonna
 Qu'il vint pres du chasteau damours

De le suyvir fis mon deuoir
 Appetant congnoistre son cas
 Car iauoye desir de seanoir
 Sil iroit ou sil nyroit pas
 Lors me conuint haster mon pas
 Pource quil couroit a grant haste
 Qui fait ces choses par compas
 Je suppose que rien ne gaste

Comme hardi ioyeux et bault
 A la porte heurta tresfort
 Voulanter du premier sault
 Au chasteau a droit au a tort
 Et mena pour son reconfort
 Son seruiteur nomme de quoy
 Dy entrer fist tout effort
 Cuidant leans estre arcquoy

A la porte vint la portiere
 Qui mist le gallant a raison
 El auoit a nom belle chiere
 Usant de gracieux blason
 El senquist pour quelle achoison

Il venoit heurter au chasteau
 Ven que se nestoit pas maison
 Comme de tauerne ou bordeau

Le poure gallant se excusa
 Vers la portiere au mieulx quil peult
 Mais de tout poins il sabusa
 Son excusance peu valut
 Par blasonner oncques ne peult
 Au chasteau mettre ung pas auant
 En conclusion il falut
 Quil mist de quoy premier denant

Quant la portiere vit de quoy
 Qui estoit plaisant amiable
 Le gallant sans dire pour quoy
 Fist entrer au chasteau notable
 Qui estoit ung lieu merueillable
 Une place large et parfonde
 Dont sortoit liqueur acceptable
 Pour ranigourer ung mort monde

Lallant pour le vous faire court
 Passa la porte et la poterne
 Et vint dedens la basse court
 Sans torche failloit ne lanterne
 Au chasteau iamais ne fait terne

On y voit aussi cler que argus
 Qui sagement ne si gouuerne
 Il ot de dangereux argus

Si tost que nous fusmes dedens
 Nous nous trouuasmes esperdus
 Car nous veismes couches a dens
 Sept hommes tous mors estandus
 Et une pucelle au dessus
 Belle de vis gente de corps
 Bien cuidasmes estre deceuz
 Et mourir comme il estoient mors

La portiere nous regarda
 Qui se print ung petit a rite
 Lors le gallant luy demanda
 Que ses hommes mors vouloient dire
 Laquelle dit par ma foy sire
 Je fais de ce cas ignorance
 Toutesfoys il ne vous peult nuyre
 Demandez lay a congnoissance

Adonc nostre face tournasmes
 Quasi tous remplis de courroux
 Et congnoissance regardasmes
 Qui estoit au plus pres de nous
 Et racompta que ces gens tous

Estoient peris soudainement
 Car comme rauissables loups
 Ilz auoient ayme follement

Cognoissance

Ceste pucelle douce et tendre
 Est sarra qui eut sept maris
 Qui pour pecher la vouloient prendre
 Dont a la fin furent marris
 Peche leurs cuer auoit pourris
 Desirant ceste fille saige
 Depuis tobie sans peril;
 Lespousa en vray mariage

Pource mes amys regardez
 Le danger que cest damour folle
 Et doresnauant vous gardez
 De hanter sa maunaise escolle
 Car les plus sages el affolle
 A lentrer trouuez belle chere
 Qui les venans tousiours console
 Mais il y a gare derriere

Prenez la loy de mariage
 Et aymes naturellement
 La viures sans aulcun oultraige
 Honnestement et saintement

Non obstant quon peult sainctement
 En mariage offenser dieu
 En troyz choses principalement
 Par temps par pensee et en lieu

Lacteur

Jeunes hommes qui prenes femmes
 Ne visez pas a la richesse
 Car silz sont pleines de diffames
 Par elles vostre nom sabesse
 On dit que folz vont a la presse
 Mais qui fait son cas saigement
 Prenne fille qui ait simplesse
 Appetant viure sobrement

Son fait demander une fille
 Soit on bourgoise ou damoiselle
 On demande selle est abille
 Gente plaisante riche et belle
 De senquerir sel est pucelle
 Humble douce de beau maintien
 A bien grant peine nul sen mesle
 Cest le plus fort quel ayt du sien

De dire comme il est conquis
 Pour le temps present on sen passe

Et aussi nest il point requis
 Sil vient soudain tost se demasse
 On entretient pour une espace
 L'estat a bien petit darquest
 Mais que voules vous que ien face
 Son va pour recouuer audace
 Querir du saffren bruniquet

Jen congnois qui ont par leurs femmes
 Eu finances innumerables
 Quon appelloit messeigneurs mesdames
 Mais leurs cas sont bien pitieables
 Appeller ce sont pourres diables
 Apres quilz ont tout despendu
 A ce faire ainsi miserables
 Eulx mesmes y ont entendu

Les aultres ie vous en assure
 Prennent des femmes a plaisance
 Pour faire leure de luxure
 Et en auoir la iouyssance
 Ilz doibuent auoir souuenance
 De sarra la noble pucelle
 Que dieu voulut par sa puissance
 Preseruer doffence mortelle
 Mariages sont difficilles

Car ilz se font a l'adventure
 Maintz gens de bien perdent leurs filles
 Les mettant en poure pasture
 Et pourtant qui fait ouverture
 Pour gens en mariage ioindre
 Il doit aller selon droicture
 Car on ny doibt ame contraindre

Daulcuns en menage sont mis
 Qui vivent amourusement
 Qui nont ne parens ny amys
 Qui leur aydent aulcunement
 Ilz gaignent leur vie doucement
 On ne peult leurs biens epuiser
 Par quoy ie respons plainement
 Que telles gens on doibt priser

Cy fine le casteau d'amours.

POÉSIES GOTHIQUES FRANÇOISES.

LE
DÉBAT DE L'HIVER
ET DE L'ÉTÉ,

AVEC L'ÉTAT PRÉSENT DE L'HOMME,

ET PLUSIEURS AUTRES JOYEUSETÉS.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1830.

*Cette réimpression, tirée à cent exemplaires ,
dont quatre sur VÉLIN , se trouve*

A PARIS,
CHEZ SILVESTRE, LIBRAIRE,
RUE DES BONS ENFANS, N° 30.

NOTA. Cette pièce a été réimprimée plusieurs fois dans le quinzième siècle. L'exemplaire qui a servi à cette nouvelle réimpression ayant, dans le *Débat de l'Hiver et de l'Été*, plusieurs vers qui n'ont pas de rimes correspondantes, a donné l'idée de le comparer avec un exemplaire d'une autre édition ; nous nous sommes assuré que les vers de cette autre édition ont douze syllabes, qu'ils ont été coupés dans celle-ci en vers de six syllabes, en y faisant de légers changemens pour rétablir la mesure quelquefois vicieuse, mais sans observer la rime. Cette singularité nous a paru devoir être reproduite fidèlement.



**e debat de liuer
et de leste. avecques lestat
present de l'homme**

Et plusieurs autres ioyeusetes

**Item pour congnoistre ung bon cheual Avec
les condicions et deches quil doit auoir deuant
quil soit bon : et sont en nombre .x v.**

Le debat de liuer et de leste

Este commence

Ehascun de ma venue
Doit estre esionysans
Car ie fais resionir
Les cueurs des vrays amans
Tous les oyseaux pour moy
Renouellent leurs chans
En lombre soubz le moy
Et en boys verdissans

Iuer

Amy qui estes vous
Qui tant fort vous vantes
Disant quon doit de vous
Avoir grant volentez
Estes vous tant vaillant
Et de si grant bonte
Que telz ioyes demenes
De quelz gens estes ne

Este

Amy qui demandes
De mon haultain semblant
De dien et de sa mere

Jay vertu tres puissant
 Tant que monde quiert
 De me faire honneur grant
 Je suis le temps desté
 A toutes gens plaisant

yuer

Este tu as grant tort
 De toy ainsi vanter
 Se tu me sces respondre
 Je te vneil demander
 Pour quoy trestout le monde
 Te doit honneur porter
 Les mors tu ne peulx faire
 Vivans ressusciter

Este

Amy et qui es tu
 A qui ie dois respondre
 Tu es moult fort velu
 Va ton poil faire tondre
 Je croy que tu as froit
 Tu pourrois bien morfondre
 Pareil feu te fauldroit
 Que pour gros metal fondre

yuer

Este iay nom yuer

Qui par maintes contrées
 Enuoye de mes biens
 Pluyes neiges et gelees
 Par tout la ou ie suis
 Sont froidures trouuees
 Je fais aux enrichis
 Vestir robes fourrees

Este

Iuer tu ne peulx estre
 Ayme comme ie suis
 Par moy viennent beaulx blez
 Bons vins et les doulx fruitz
 Mais par toy sont les biens
 Retardez et destruiz
 Tu fais a plusieurs gens
 Souffrir dueilz et ennuyz

yuer

Este se ie nestoye
 Tu ne dureroys mie
 De bestes venimeuses
 De quoy ie te nestie
 De mouches et de vers
 Punaises et darignie
 Je ten fais deliurance
 Par ma grant courtoisie

Este

Iuer ce que tu dis
 Ne vault une lectne
 Chascun se resionist
 Encontre ma venne
 Et tu fais gens tenir
 Couuertement en mue
 Bestes oyseaux et fleurs
 Ont par toy ioye perdue

yuer

Este tu nes ayme
 Si non de pources gens
 Lesquelz tousiours ont peine
 De gaigner leurs despens
 Ilz nont de traiailler
 Voulente ne talent
 Fors de leur espouiller
 Entour leur vestement

Este

Iuer quanque tu dis
 Ne vault ung fil de laine
 Joy le doux rossignol
 Chanter a grant alaine
 Depriant a chascun
 Que daymer il se pene

Lors tenir ne seu peult
Ne franche ne villaine

yuer

Este si fais deduys
Ne sont point proffitables
Jayme myeulx les bons vins
Et viures sur mes tables
Ce sont ioyeux deduys
Plaisans et agreables
Plus que chans doysillons
Ne telz amours de fables

Este

Iuer iay ses fillettes
Qui ont les tetins blans
Qui vont cueillir fleurettes
Auecques leurs amans
Qui doucement les baisent
Les bouchettes rians
Et sen reuont des festes
Iyez gays esbatans

yuer

Este iay trop plus daises
Que tu nas de delis
Jay mes chambres parees
Paintes a fleurs de lis

Il nest gens en ce monde
 Grans moyens ne petis
 Bestes oyseaux sans nombre
 Qui ny soyent assis

Este

Iuer tu nas desir
 Que de ta pance emplir
 Mieux vault en ung vergier
 Dessus lherbe gesir
 En acollant sa mye
 Et baiser a loisir
 Que le feu ou te chauffes
 Qui ne fait quenvieillir

yuer

Este en ce bon temps
 Jay de grans assemblees
 Jay bourgeois et marchans
 A grans robes fourrees
 Houzes et bons manteaux
 Et les chesnes dorees
 Pour moy font beau grant feu
 Et fumer cheminees

Este

Iuer tu as dit vray
 De dieu sois tu mandit

Tu metz tout en exil
 Tous mes biens et mes fruitz
 De tout tu viz de moy
 Dont suis tresfort marry
 Et si nay rien du tien
 Dont iay au cueur ennuy

yuer

Este tu nentens mye
 Mon fait et ma raison
 Tu as tes beaux potaiges
 De mes chairs de saison
 Des bons porcz que ie tue
 Et metz en saloison
 Il nest nul en ce monde
 Qui nen ait quelque bon

Este

Iuer que dieu te doint
 Mauuaise destinee
 En ton temps ne viendra
 De sel une denree
 Non plus qung homme iroit
 Oultre la mer salee
 Sil auoit en cent lieux
 Son eschine cassee

puer

Este on a grant ioye
 Quant ie suis en chemin
 Chascun si ce gogoye
 La vucille saint martin
 Il nest grant ne petit
 Qui ne boyue du vin
 Se son gaige y deuoit
 Laisser insquau matin

Este

Iuer au moys de may
 Que tu ne comptes mye
 Jay roses et boutons
 Et violette fleurie
 Cest pour ung vray amant
 Et pour sa douce amye
 Qui pour moy dont chantant
 Et faisant chere lie

puer

Este or entens bien
 Je diray verite
 Le plus hault iour de lan
 Cest la natiuite
 Lors sont chappons sur tables
 Pain vin et bon clare

Encontre sa venue
 Maint gras porc est tue

Este

Iuer en celuy temps
 Qui na rien que vestir
 Quant il vente ou il neige
 Pleut ou fait grant gresil
 Tout le menu commun
 Vit en grant desplaisir
 Poures membres de dieu
 Si ont bien a souffrir

puer

Este tu dis le vroy
 Attendons lauenture
 Priant au puissant roy
 Filz de la vierge pure
 Qu'il nous doint tel chaleur
 Apres celle froidure
 Que le poure commun
 Nait ia desconfiture

Este

Iuer nous ne deuons
 Estriuier longuement
 Mais ensemble soyons
 Faisons acordement

Dieu nous fist pour le monde
 Alouuoir ioyusement
 Prions luy par sa grace
 Que ayons bon finement

Amen

L'estat present de l'homme

Plus est sain et plus se plaint
 Plus est hardy et plus se faine
 Plus est pare plus se demaine
 Plus est ayme plus fait de paine
 Plus est creu et plus souuent ment
 Plus a de quoy moins est content
 Plus est reprins et plus murmure
 Plus a hault pris moins de demoure
 Plus a argent moins luy souffrit
 Plus a sauoir moins de bien dit
 Plus a mesprins moins a cremeur
 Plus prie dieu et moins y a saueur
 Plus vit l'homme plus est mauuais
 Que luy fera dieu desormais

prince loyaulte
 clerc humilite
 prelat sapience
 aduocat loquence
En drap bonne couleur
 vin bonne saueur
 marchand foy tenir
 subget obeir
 En femme contenance
 Cest une tresbonne ordonnance

Leuer matin et prendre ebatement

Entendre au sien et viure sobrement
 Loing du menger souper legierement
 Coucher en hault dormir escharsement
 L'homme enrichist et vit plus longuement

Largesse de francois

Et loyaulte danglois
 Nettete dalement
 Jurement de normant
 Baue de picart
 Hardement de lombart

Sapience de breton
 Conscience de bourguignon
 Confession de beguine
 Tout ne vault une poitevine

Pour congnoistre bon cheual et la condicion

dont il doit estre : Et soubz correction de ceulx
 qui sy congnoissent : il me semble que ung cheual
 qui doit estre bon sans sy : doit auoir .x v. deches
 bonnes. specifiees sur cinq manieres de bestes par
 figure. Et affin de le vous donner a entendre ie
 les ay voulu mettre par escript Dont les troys
 premiers sont dune pucelle. troys dun regnart.
 troys dun cerf. troys dun asne. et troys dun beuf.

Premier la pucelle

Pucelle	Belle poitrine
	Beaulx crins
	Doulx au monter

Regnart Petite teste
 Courtes oreilles
 Grosse queue

Le cerf Courte eschine
 Court poil
 Jambe seiche

L'asne Bons rains
 Bonnes dans
 Bon pie et sain

Le beuf Bon oeil
 Bon boyau
 Courte jambe

Cesquelles choses doiuent estre en ung bon cheual :
 car il fault que ung bon cheual nait pas grosse
 teste ne longues oreilles comme ung asne ne poil
 rebource comme sil estoit morfondu et quil nait
 point jambe farcineuse ne longue eschine mais
 courte a la similitude dung cerf. et quil ait la
 jambe courte depuis le genoil en abas. et quil
 ait belle queue sans estre pelee. ne quil ne soit

xvj

point restif ne rebelle au monter. Et pour ce se
aucun a vouloir den auoir sil a este trompe en
femmes se garde de le estre en cheuaux.

Finis

POÉSIES GOTHIQUES FRANÇOISES.

LE
DÉBAT DU VIEUX
c
ET DU JEUNE.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1830.

A PARIS,
CHEZ SILVESTRE, LIBRAIRE,
RUE DES BONS ENFANS, n° 30.



Cy commence le debat du vieulx et du ieune

Et premierement parle le vieulx

JE suis le pource vieulx casse
D'amours pour seruir longuement
Sans y auoir riens amasse
Que reget angoisse et tourment
Car par le doulx commencement
D'amours me fist pour moy attrayre
Ma ieunesse et mon pancement
Ay ose dont me fault retraire
¶ Enmy ma fait chasser dehors
Son seruice sans recompance
Chacun a gette son remors
A me faire auoir ceste auance
Tant que iay eu ieune plaisance
De riens iamais nay eu reffus
Mais de vieillesse lacointance
Ma fait mettre la raige sus

¶ Le ieune

¶ Helas dont venez vous bon homme
Par la voye que vous tenez

Dictes moy dont comment se nomme
 Proprement le lieu dont venez
 Je vous requiers que menseigne
 La facon ou le monde bruyt
 Ou ieunes gens sont assignez
 Pour auoir bon los et deduyt

¶ Le vieulx

¶ Je viens mon amy mon enfant
 Tout droit du seruire damours
 A peu que le cuer ne me sent
 Tant y ay eu de mauuais tours
 A toute paine en suis ressours
 Ma ieunesse y ay laissee
 Pour acheuer mes derniers iours
 En ay desplaisance apportee
 Quant ie y allis premierement
 Tel estoye comme vous estes
 Recueilly y fus grandement
 Crestous les iours mestoient festes
 Me trouuoie en tous lieux honnestes
 Prenant tout a mon auantaige
 Jay perdu seruant mes requestes
 Seruire nest pas heritaige

¶ Le ieune

¶ Quest ce que de tout son estat

Damours nen quel lieu il se tient
 Fault il parler par aduocat
 A celluy qui denant luy vient
 Scanoir denez ce quil conuient
 A vng ieune le bien querant
 Et quant bon vouloir lentretient
 Lon doit adresser lignorant

¶ Le vieulx

¶ Vaten droictement par la trasse
 Dont ie viens ensuyuant mon pas
 Tu trouueras vne grant place
 Ou tient amour court et estat;
 Nommee le desire soulas
 Ou les gens sont doucement pris
 Les auance; sont plus tost las
 Qui fait bien nest iamais repris
 Des lheure que tu entreras
 Congnoissance te conduyra
 Seans tant de dames verras
 Que sans cesser tout en bruyra
 Et tantost ton oeil choysira
 Par qui sera entretenu
 La coustume tenseignera
 Le dernier est le mieulx venu

¶ Le ieune

¶ Voire mais quoy est ce tont vng
 Fault il que par tout ie mauance
 Et y faire de limportun
 Seroit ce bonne contenance
 Quant iauray eu la congnoissance
 Seroye pour ce reboute
 Daultres que moy qui nont puyssance
 Ont biens par importunite

¶ Le vieulx

¶ Il en ya de grant maison
 Et de richement habillees
 Daultres de petite maison
 De moyen estat bien trouseees
 Tant de fretin mal atournees
 Par tout tu auras ton quignet
 Car a cela sont adonnees
 Chose nouuelle fort leur plaist
 ¶ Deuant toy en ya grant tas
 Qui sont premierement congneus
 Fort honnestes tous gorgias
 Et pour les dames soustenus
 Residamment si sont tenus
 Ausquelz te fault entretenir
 Des grans des petis des menus

Endurer fault pour paruenir

¶ Le ieune

¶ Je ne demande que seruir
 Car cest ce qui me fait troter
 Et se la ie puis aduenir
 Loyaulment me vueil acquitter
 Car damours ne vueil pas quitter
 Se que iespere y auoir
 Se iengaige riens lacquicter
 Qui fait ce quil doit fait deuoir

¶ Le vieulx

¶ Crestous ont eu ce bon propos
 A venir en ce doulx seruice
 Quant lon y est on na repos
 Je le scay car ie ay fait loffice
 Se ne ty trouues bien propice
 Lon te tiendra pis que varlet
 Car il ny fault pas estre nice
 Le beau y efface le let

¶ Coinct et ioly plaisant et debonnaire
 Ay veu le temps tandis que ie seruoye
 Plaisirs mondains que tant me souloient plaire
 Mentretenoyent ainsi que ie vouloye
 De riens qui soit iamais ne me doloie
 En accroissant venoit de mieulx en mieulx

Tant que iay peu me tenoit tousiours ioye
 Apres ieunesse qui ne meurt denient vieulx

¶ Le ieune

¶ Se bien ne sers ie nen veulx riens
 De ce qui auray demoure
 Mais ie ne scay vng tout seul bien
 A ce ne fus onc adonne
 Tentens y estre honore
 Espoir me fera estre appert
 Ja ny seray deshonore
 Bon guerdon attend qui bien sert

¶ Le vieulx

¶ Les vngs y seruent de la bouche
 Et leur cueur nentend riens quilz dient
 Ce nest a ceulx a qui fort touche
 Qui entierement a ce se lient
 Il en ya tant qui follient
 Tu le trouueras fort estrange
 Pour mentir iurent et regnient
 Ferme nest pas cellay qui change
 ¶ Aussi vng grant tas de coureurs
 Qui ne seruent que de rappors
 De mesdisans et de mocqueurs
 Qui font faire tous les discors
 Les ennueulx sont les plus fors

Car par leur trahyson couuerte
 Ils baillent quant sont leurs effors
 Entre deux meures vne verte

¶ Le ieune

¶ De quoy viuent doncques ceulx la
 Qui y sont long temps pour eulx faire
 Qui est ce qui leur fournira
 Pour recourir a leur affaire
 Ne quest ce que tant leur peult plaire
 Que de la demeure les contente
 De cela ie ne me puis taire
 Seure nest pas la longue attente

¶ Le vieulx

¶ Leans y a vng secretaire
 Qui a trestous donne a menger
 Cest penser par dire par plaire
 Auquel il te fauldra ranger
 Tu le prendras sans le changer
 En ioye ou melencolie
 Et ne len pourras desanger
 Car qui bien ayme tard oublie

¶ Le ieune

¶ Le penser que fait il auoir
 A ceulx qui ainsi le retiennent

Quel bien quel proffit quel anoir
 Ont tous ceulx la qui l'entretiennent
 Quelz gaiges ont ceulx qui le tiennent
 Pour amy et intercesseur
 Je suis de ceulx qu'apres vous viennent
 Lon dit tout a son confesseur

¶ Le vieulx

¶ Tu en verras de pensionnaires
 Qui ont les grandes pensions
 Aussi aux gaiges ordinaires
 En a de plusieurs nations
 Autres font lamentations
 Que penser a mis en ce trouble
 Par les grandes abusions
 Mauuais est le mal qui redouble

¶ Le ieune

¶ Qui deliure toutes ces choses
 A ceulx qui y veulent entrer
 Ou est ce quelles sont encloses
 Affin que men puyosse acointer
 Se vne fois me y puis bouter
 Je feray tant que iauray grace
 En faisant semblant descounter
 Sol est qui son bien ne pourchasse

¶ Le vieulx

¶ Les dames tiennent tout en main
Des seruiteurs tout leur salaire
Lun est ennuyt lautre demain
Chacun y est fait pour complaire
Et qui cela il ne scet faire
Ne si peult longuement tenir
En prosperite ou affaire
Tout seruiteur doit obeyr

¶ De bon vouloir a ceulx qui seruent
Pensions sont de beau semblant
A ceulx aussi qui les desseruent
Leurs gaiges ordinairement
Qui sont dentretenir contens
Et a toute heure ont bon accueil
Mais quant elles tournent le vent
Adonc pour chacun est grant dueil

¶ Le ieune

¶ Nont elles point iamais mercy
Du bon de lhumble du leal
Quant ung seruiteur a failly
Cuidant bien faire et fait mal
Qui a plus le pire ou le feal
De grace a leur oppinion
Je say bien tant soit cordial

Faulte requier punition

¶ Le vieulx

¶ Le bon en a tousiours du pire
 Le pire en a souuent respit
 Et quant elles sont en leur yre
 Elles cessent par grant despit
 Rongent pensions iour et nuyt
 Gaiges sont tous anichillez
 Et a chacun fort cela nuyt
 Esbatemens sont auillez
 Tant en ya de mal contens
 A lheure que leurs gaiges faillent
 Et tous ceulx qui ont eu le temps
 Agre sans cesser ilz traouillent
 Ilz vont ilz viennent a ce veillent
 Pour reconurer son en aguët
 Et quant les dames se resueillent
 Les craintifz sont tousiours bon guët

¶ Le ieune

¶ Reuiert chacum en son estat
 Quant leur yre est toute passee
 Est lon tousiours en ce debat
 Perseuerant en la fumee
 N'est iamais leur fureur cassee
 Alon tousiours delles le groing

Quant la grant chance est abessee
 Lon voit son amy au besoiing

¶ Le vieulx

¶ Selon que leur plaisir sera
 Aux vngz bailleront acointance
 Les plus prochains il semblera
 Que iamais neurent aliance
 Aux aultres la signifiante
 De bien vouloir soubz grans rigueurs
 Chacun le preigne en pascience
 A tous seigneurs toutes honneurs
 ¶ Wellesmesme ont bien le sens
 Pour estre par tout bien conduictes
 Quant on vient a milliers et a cens
 A les recueillir sont si duxtes
 Selon quilz sont font bien les suites
 Les mettent ou pres ou a part
 Les plus saiges sont plus reduytes
 Se sert a tousiours son brocard

¶ Le ieune

¶ Que nont elles tousiours lyesse
 Pour chasser hors meschancete
 Dont leur vient la folle tristesse
 Qui les met en diuersite
 Quant leur vient ceste aduersite

Ny peuent elles pas bien souyr
 Pour escheuer oysinete
 Lon doit bien viure et sesiouyr

¶ Le vieulx

¶ Le dieu damours est corrompu
 Qui tient tout ce gouuernement
 Les bonnes vertus a rompu
 Verite layssee entierement
 Suspicion a mis en auant
 Qui de tous pointz fiance anulle
 Et veult tousiours le moins scauant
 En son endroit amour est nulle
 De luy viennent tous les ostacles
 Qui courent a lheure presente
 Les tors faitz et tous les miracles
 De quoy chacun mal se contente
 Plus ne ten ditz prens ton entente
 A te conduire sagement
 Ne tassenre trop mais lamente
 Qui dit vray iamais il ne ment

¶ Le ieune

¶ Pourquoi ya vous tant tarde
 Que nestes vous plustost pary
 Quant vous eustes tout regarde
 Que ne printes aultre party

Vous veistes le ieu mesparty
Tandis que vous auiez ieunesse
Vous deussiez estre desparty
Cest mauuais peche que paresse

¶ Le vieulx

¶ Esperance de iour en iour
Me trompe et mon bon vouloir
Qui mont produit en leur seiour
Et si ne cessent de eulx douloir
Pas ne lauras a nonchalloir
Quant leans auras bien apris
Je y ay fait tout mon pouoir
Mais les plus rouges y sont pris
¶ Ainsi repris nen doit point estre
Car le plus fol comme iay fait
Le varlet y devient tost maistre
Qui moins vault est le plus parfait
Comme souloit nest pas le fait
A ceulx qui valent lon refuse
Et demeure lon imparfait
Pour cyder qui tousiours abuse

¶ Le ieune

¶ Viengne qui pourra
Je voys insque la
Deoir lesbatement

Comment men ira
 Ne scay que en sera
 A dieu vous comment

¶ Le vieulx

¶ Quant premierement
 Ont lanancement
 Tous ceulx qui nont rien
 Bon enseignement
 Sain entendement
 Sont auoir le bien
 Adieu ie suis tien
 Escoute et retien
 Garde que diras
 Pren et entretien
 Par tout bon moyen
 Apres moy viendras

¶ Explicit

POÉSIES GOTHIQUES FRANÇOISES.

SERMON NOUVEAU
ET FORT JOYEUX,

AUQUEL EST CONTENU TOUTES LES MAXIMES QUE L'HOMME A EN MARIAGE,
NOUVELLEMENT COMPOSÉ A PARIS.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1830.

A PARIS,
CHEZ SILVESTRE, LIBRAIRE,
RUE DES BONS ENFANS, n° 30.

Sermon nou

veau et fort ioyeux auquel est
contenu tous les maux que
l'homme a en mariage
Nouvellement
compose a
Paris.

Sermon nouveau et fort iopeulx

auquel est contenu tous les maulx que l'homme a
en mariage : nouvellement compose a Paris.

¶ In nomine bachi sileni

Matrimonie matrimonia
Viala producunt omnia.

¶ Le thesme que iay cy recite
Extraict dung liure bien dicte
Nomme les ioyes de mariage
Vault autant en commun languaige

Que qui diroit par mocquerie
L'homme est bien fol qui se marie

¶ Mais auant au commencement
Affin que puissions bonnement
Faire chose au corps proffitable

Et au dieu Bachus agreable
Nous prendrons de la medecine
Yssue de la noble racine

Que planta Noe le preudhom
Et pour acquerir le pardon

A tous ytrongnes a octroye
 Escript au registre Roys
 Et seigne ante et Retro
 Date nobis de oleo vestro
E Orca de par dien cest bien dict
 Pour venir au thesme predict
 Et deschiffrer le hariage
 Que le bon homme en mariage
 Je trouue quil est en tourment
 Toute sa vie seullement
 Parquoy il acquiert et attire
 Laureolle de vray martyre.
E Et pour le premier tout par cuer
 Au premier quant il met son cuer
 A aymer la ieune pucelle
 Pour acquiter lamour dicelle
 Et auoir anners elle acces
 Il fault quil face mille exces
 Et bragues dessoubz et dessus
 Et que tout voyse par dessous
E Quant vient le premier iour de May
 A son huys fault planter le may
 Et le premier iour de lannee
 Fault il pas quelle soit estrenee
 Et tant que durs ce sabat
 Ce gentil mignon par esbat

Cuydant la veoir en robe ou surcot
 Va et vient comme poys en pot
 Et souuent en dangier du guet
 A son huys pour faire le guet
 Cuydant la veoir nue ou vestue
 Gist en prison emmy la rue
 Soit quil neige : pleune ou verglaco
 Et si nen a ne gre ne grace
 ¶ Or disons selle est a la feste
 Il fauldra que soubdain s'appreste
 Pour luy donner ung tour de dance
 Mais sil fault a sa contenance
 Ou faict ung pas trop reculle
 Voyla mon homme recule
 ¶ Or disons sil est au monastier
 Je ne dis pas pour dieu prier
 Aupres d'elle et celle bourgeoise
 Luy faict chaperon de Ponthoise
 Ou gette a ung aultre loeillade
 Cest pour le rendre au lict malade
 Oultre sil accorde ou fiance
 Toute iour fault auoir la dance
 Et au soir fauldra le banquet
 Ou sera tenu maint cacquet
 De lestat dudict suppliant
 Je ne dis pas le mot friant

Vous entendez bien mon latin
 Et puis sil fault soir ne matin
 A venir veoir la fiancee
 Elle en fera la courroucee
 Tant que de la sepmaine entiere
 Il naura delle belle chere
 Et si luy donne des ioyaulx
 Comme demyssaintz et anneaulx
 Qui ne soyent au gre de la dame
 Cest assez pour le faire infame
 Voire et tout feust dauantaige
 Si aura elle si dur courage
 Quelle ne luy vouldra iournee
 Prester ung pain sur la fournee
 Combien quil soit tousiours apres
 Quant le iour des nopces est pres
 Il fault semondre a pompe grande
 Et achepter de la viande
 Louer menestriers et farseurs
 Maistres dhostelz et rotisseurs
 Avec la salle tapissee
 Paree de mays et de ionchee
 Et puis fault donner aux parens
 Les plus prochains et apparens
 Robes : pourpoinctz : chausses : bonnetz
 Panthouffles : chapperons : corsetz

Et aux filles de lassemblee
 Toute iour chappeaulx et liuree
 Ce nest riens : mais tout couste argent
 Et sil ne scait son entre gent
 Ou fault a quelqung recueillir
 Tantost le verrez accueillir
 Moequer : brocarder : et larder
 Et de toutes pars regarder
 Encores conuient il quil serue
 A la table toute la caterue
 Parquoy narreste en lieu ne place
 Ne na de boire ung coup espace
 Mais est bien ayse si en courant
 Peult happer quelque domourant
 Orca la vache en est lyee
 On couche au soir la maryee
 Et puis le monde se retire
 Et alors le poure martyre
 Recreu : tranaille : et lasse
 Du labeur prins le iour passe
 Aupres delle sen va coucher
 Mais sil vient a luy atoucher
 Tantost elle rechignera
 Se mordra : lesgratignera
 Tant quil sera tout escorche
 Et si diriez quil a couche

Ceste nuict en quelques pourchatz
 Ou iouste avec les chatz
 Encor a il paour qu'on lesconte
 Puis elle luy baille du coulte
 Des piedz et poingz coupz a reuers
 Et gecte lict et coustes a lenuers
 Meect a bas draps et conuerture
 Et sil se lieue dauenture
 Pour allumer fen ou chandelle
 Elle sen fuyt en la ruelle
 Et se prent a braire et huer
 Comme son la vouloit tuer
 En effaict voyla la suee
 Quil a ceste sainte nuictee
C Le lendemain que les parens
 Les plus prochains et apparens
 Viendront a grande compaignie
 Deoir la nouvelle mariee
 Sil est par quelcun rapporte
 Quen ceste nuict il nayt hurte
 Nonobstant le mal quil eut hier
 Saudra quil trayne le mortier
C Ce faict : viendront le cypsinier
 Les menestriers : le tauerrier :
 Les farceurs : et maistre dhostel
 Tous scauoir sil est a lhostel

Et quant il en voyt tant ensemble
 Il est si allene quil tremble
 Car vous diriez a leur iangler
 Que tous le doibuent estrangler
 Puis le marchant de Drap ou soye
 Luy vient dire : il fault que ie soye
 Paye monsieur ca de l'argent
 L'autre luy enuoye ung sergent
 Chascun cœurt a son habitacle
 Comme a ung saint qui faict miracle
 Et pour conclurre en brieft langaige
 Tout l'argent de son mariage
 Prendra vollee et sen courra
 Mais sa femme luy demourra
 Et lors peult dire la chanson
 De David : Miser factus sum
 Seigneurs affin quil ne vous ennuye
 Cest pour la premiere partie

¶ Secunda parte.

¶ Or ca pour entrer en mesnaige
 Il fault achepter du mesnaige
 Louer mayson et chamberiere
 Et que desormais on acquiere
 A grant labeur sueur et peine
 La vie a long de la sepmaine

Sil gaigne on lappelle le maistre
 Mais quant il viendra pour repaistre
 Tout mourant de soif et de fain
 Il ne trouuera vin ne pain
 Pot au feu nescuelle lauee
 Son luy dict madame estallee
 A la messe il fault quil attende
 Car si dauenture il la demande
 Ains quelle est acheue ses heures
 Bien sera ramene des meures
 Et sil en faict proces ne plaict
 Tantost elle ioue son couplet
 Et sault sur luy comme une agache
 Et de dueil iecte emmy la place
 Potz : platz et tables : et tresteaulx
 Et est aux espees et cousteaulx
 Apres luy pis que lucifer
 Tant quil semble dung droict enfer
 Dy estre a veoir le tintamarre
 Ou que la fouldre et le tonnerre
 Soyent descenduz sur leurs hostelz
 Desmoing le saige socrates
 Et le refrain de la chanson
 Est sil suruiuent noyse ou tenson
 Pour une febue mal partie
 Elle veult estre departie

Au soir quant il vient de besongne
 Si luy plaist elle sembesongne
 A luy faire ung peu de potaige
 Avec ung petit de fromaige
 Et une foys de ripope
 Dont il est grandement soupe
 Sil luy fault robe ne corset
 Riens qui soit iusques a ung lasset
 Bien le scaura patheliner
 Car elle est duxcte luy donner
 Affin de fournir la mise
 Par foys du vent de la chemise
 ¶ Sil a de l'argent sans rabat
 Tout contant elle vous labat
 Par force de pleurs et de plains
 Helas pource homme ie te plains
 Mais sil na grant blanc ou targe
 Je nose dire quoy quil targe
 Quelle est par faulte dung escu
 Femme pour le faire coqu
 Et si apres des couchees maintes
 Madame deuient ensaincte
 Il fault que le pource chetifz
 Fournisse a tous ses appetitz
 Adonc tout tant quil a gaigne
 Ne luy sera pas espargne

Mais sil ya riens qui la goust
 Il fault quelle en ayt quoy quil conste
 Et sil sen prent a murmurer
 On luy dict : il fault endurer
 Femme grosse a loy de tout dire
 Et fault selle estoit cent foys pire
 Qu'il aualle tout sans mascher
 Sinon quil sen voyse cacher
 Quant ce vient a crier les hault
 Les ieu ne luy sont gueres beault
 Car sil aduient quen plain minuyct
 Le mal luy prengne toute nuyct
 Vous le verrez par la cite
 Courir comme ung homme cite
 Dieu scait en quel peine et esme
 Pour trouuer une saige femme
 Et tant quelle ayt rendu le gaige
 Il faict veuz et pellerinaige
 Et ny a sainctz en la Syrielle
 Ne sainte qui nayt sa chandelle
 Est il reuenu de la ville
 Lung dict ca le fil ca lesguille
 Lautre les forces pour le tondre
 Brief il a de tout a respondre
 Cest bien faict elle est acouchee
 Il na pas la oeuvre laissee

Car comment quil cherche et fournisse
 Garde : compere : et nourrisse
 Et face tendre proprement
 Toute la chambre entierement
 Pour le moins de serges vermeilles
 Et puis qui luy rompt les oreilles
 Cest et neust il que trois naueaulx
 Vaillant il luy fault des carreaulx
 De veloux et menue verdure
 Tant que cest une grant ordure
 Et sil na de ce parement
 Plaisir que de iour seullement
 Car tandis quelle est en gesine
 Il fault quil couche en la rimesine
 Affin quelle ayt la main lenee
 De luy tant quelle soyt releuee
 Et quant il luy aura conste
 Or et argent et tout bien compte
 Le long de la douce gesine
 Il suruiendra une voisine
 Comment voulez vous releuer
 Sans pantouffles neufues anoir
 Ven anoir soubdain el le presse
 On el nyra point a la messe
 Ung bien ya que iay notte
 Que tant en yuer quen este

Il peult qui quen tienne cacquet
 Porter sur lauraille ung boucquet
 De mesnues pensees et soussyes
 Et de belles melencolyes
 Et pource son tiltre en deux mettres
 Veulx mettre en narre de ces lettres
 Royaulx de respit Amen amen.

Cel charge de femme et denfans
 Voyez en la tout le demaine
 Et quant il a long temps regne
 En ceste vie et chiere eslite
 Sil meurt denant il en est quitte
 Sil demeure cest a reffaire
 Car il fauldra quil ayt affaire
 Auecques tous ses heritiers
 Et quil porte neuf moys entiers
 Voire bien ung an iustement
 Et quil prie deuotement
 Tant quil viura pour sa partie
 Je croy quil ya plus grant partie
 De biens que de maulx en mesnaige
 Mais les biens sont a ladvantaige
 De la femme et les maulx de lhomme
 Parquoy conclud saint pol en somme

Quod miserere non expedit
 Dray est que aulcuns ont dict
 Disant en reprenant leurs dictz
 Il se fault marier tousdictz
 Pour conseruer nature en estre
 On faict des enfans sans estre
 Marie ce sont parabolles
 Ne croyez pas a leurs parolles
 Ilz nont pas la teste bien faicte
 Je me rapporte a la tablette
 Des docteurs a ce resolu
 Comme le bon Matheolus
 Grant docteur en ceste matiere
 Il en a faict ung gros breuiere
 Et a prouue par mainte hystoire
 Que mesnaige est ung purgatoire
 Jahan de meung na pas pratique
 Tant que a le docteur allegue
 Si en a il dict a trauers
 Ung mot en deux bien petis vers
 Nul nest qui marye se sente
 Sil nest fol quil ne sen repente
 Et si aulcun me venoit dire
 La reigle fault en moy beau sire
 Car ie ne men repentis oncques
 Je respons vous estes fol doncques

Et si vous nestes qu'une beste
Or prions dieu quen cest estre
Doint patience aux marys
Mesmement a ceulx de paris
Noz voysins nous sont de plus pres
Et puis ilz priront dieu apres
Pour vous la sus en paradis
Les saintz martyrs a dieu vous
La paix des chiens soyt avec vous.

Finis.

POÉSIES GOTHIQUES FRANÇOISES.

LE CAQUET
DES
BONNES CHAMBRIÈRES.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1830.

A PARIS,
CHEZ SILVESTRE, LIBRAIRE,
RUE DES BONS ENFANS, N° 30.



e caquet des
bonnes chamberieres declai-
rant aulcunes finesses dont
elles vsent vers leurs mais-
tres et maistresses.

Imprime par le commandement de leur
Secretaire maistre Pierre Gabillet.

C Avec la maniere pour congnoistre de quel boys se
chauffe Amour.

Le caquet des bonnes chamberieres.

Chamberieres veuillez moy pardonner
Si ie pretend descourir voz finesses
Je nentendz point les bonnes blazonner
Chamberieres veuillez moy pardonner
Aux mauuaises ie vueil le tort donner
Que chascun scait plus communes que asnesses :
Chamberieres veuillez moy pardonner
Si ie pretendz descourir voz finesses

Et Je ne voudroye aux bonnes faire oultrage
Marry seroyz si aultre le faisoit
Iaymeroiz mieulx mourir de malle raige
Que de vouloir aux bonnes faire oultraige
Chrestien nest qui pourchasse dommaige
A son voysin quoy que petit il soit
Je ne vueil donc aux bonnes faire oultraige
Marry seroyz si aultre le faisoit

Et Je parle a vans mes dames les seruantes
Qui chascun iour estes pour tout en ventes
Comme marce au macquereaulx es halles :
Ne demandans qua iouer des cymballes.

¶ Je parle a vous malheureuses putains
 Par qui honneur dung chascun sont estains
 Quant les blasmez de voꝝ langues infaites
 Je parle a vous non point que mayez faictes
 Facheries : mais a daultres assez
 Ausquelz auez des maulx tant amassez
 Qu'on ny scauroit aulcun remede mettre
 Tant au varlet : palfrenier comme au maistre

¶ Vous vous nommez chamberieres : mais dames
 Estes par tout : et en scauez voꝝ games
 Dames estes : car trop plus aysement
 Dinez quelles : oyez quoy et comment

¶ Il vous conuient auoir pour seruiteur
 Secret : dequoy : chascun son nom scait bien
 Car il n'ya par tout si grant seigneur
 Qui sans dequoy puist dire ou faire rien
 Si ne lauez il fault trouuer moyen
 De le trouuer : et tenir pour seruant
 Ou aultrement (que pour certain ie me tien)
 Par fin chemin vous lyrez poursuyuant

¶ Dequoy nourrist les macquerelles
 Dequoy nourrist les macquereaulx
 Dequoy faict vendre les pucelles
 Dequoy nourrist les larronneaulx

Dequoy faict maint rapporteur faulx
 Dequoy pucelles faict nourrisses
 Dequoy faict au monde maintz mauz
 Aux endormys en telz delices.

¶ Trouver conuient facon danoir demaine
 Escuyere de toute la mayson
 Et pour lanoir il fault quon se pourmaine
 En endurent de tous oultre royson
 On premier fault flater : tant quachoyson
 Elles trouuent destre la chamberiere
 Qui acheptra la chair et le poysson
 De celles la (dame) gard le derriere.

¶ Par le moyen de demaine ont dequoy
 Pour leur seruant et pour leur compaignie :
 Si demandez ou comment : ou pourquoy
 Je le vous dis pour vray : rien ne vous nye
 A icelle vous donnez grant poignye
 De monnoye pour aller au marcher
 y achepter viures pour la mesgnye
 Mais bien souuent iouent du desmarcher

¶ Or quant demaine a bien ferrer la mulle
 Et quant logir vient pour servir supson :
 Elle dira cest chose ridicule
 Vouloir tenir ceans ce faulx garson
 Passez vous en : dame ceste saison :

Je feray bien seulle ce quest a faire
 Contentez vous madame de rayson :
 Et par ainsi nul ne va au contraire.

¶ Des faulses clefs de la caue faict faire
 En abusant l'ouurier par son caquet
 Et puis apres pour tout le cas parfaire
 Autres semond pour faire le banquet
 Pensez dames pensez au grant acquest
 Quelle vous faict : O la bonne seruante
 Que vous auez : est il point vray marquet
 Folle despense est cest art scauante.

¶ Vous vous seruez de ces vieilles ridees :
 Cest pour scauoir quen faict en la mayson
 Quant ny estes : anesses desbridees
 On les doibt dire et nommer par rayson.
 Vostre logis est ou la garnison
 De macquereaulx se retire et putains.
 Pardonnez moy si nay par mesprison
 Doulu mentir : mais ay le vray attains.

¶ Puis quant ce vient que vous estes aux champs
 Pour que le cueur trop souuent ne leur faille
 Il fault du vin pour mieulx passer le temps
 Boire a plain pot sans en chaloir la maille
 Tousiours auoir ou flacon ou bouteille
 Ne demourer sans vin en la cypsine

Pour le cacher ne fault manteau ne fueille :
Car pour mentir font bien la bonne myne.

¶ Sus grant chiere madame ny est poinct
Deuons d'autant a tous noz bons amys
Sus grant chiere chantons en contrepoinct
Et ne craindrons en rien noz ennemys
Depuis le temps qua seruir mentremys
J'ay triumphe et si triumperay
Boyre d'autant ie nay iamais obmis
Et du meilleur : ainsi acheneray.

¶ Sus grant chere : mon maistre est riche assez
A ce iambon : sus menons rusterie
Sus sus bunons : les morceaulx sont passez
Sus quen noz faictz il ny ayt mocquerie
Sil n'ya rien : sus a la boucherie
Et grant chiere tandis qu'auons sayson
Garde nanons de coups d'artillerie
De nous deffendre entendons la rayson

¶ Auoir conuient paste; du patissier
Et les escrire au compte nostre maistre
Le myen amy mauoit promis cy hyer
Qua Gentilly feroit la nappe mettre
Et si me fist par ma foy luy promettre
Que luy feroye au retour compaignie

Mais dy aller ne mosay entremettre
 Tout seul y fut : amy dieu te benye.

C Sus grant chiere ayons le menestrier
 Pour acheuer nostre feste entreprise
 Chamberieres nont iamais qung estrier
 De cheuaucher la maniere ont aprise
 Prenons amys du tout a nostre guyse
 Chantons : dancons : des biens auons assez
 Malheureuse est qui de la mort deuise :
 Ceulx qui sont mors ilz sont tous trespassez.

C Et puis dames que dictes vous dicelles?
 Vous leurs laissez es mains tout vostre bien
 Pensiez vous point quelles fussent pucelles
 A les congnoistre a leur ruse maintien
 Et fine mine : ha tout nay dit rien rien
 Il fault auoir : en Karesme Raisins
 Figues : pruneaulx : et noix : par fin moyen
 Pour le banquet apprestez aux cousins.

C O quelz cousins vray dieu quel cousinaige
 Quelle amytié : quel consanguinite :
 Je crois quensemble ilz font ung beau mesnaige
 Toutes les nuyctz telle est la verite
 Craindez vous point iustice nequite
 Quant par voz cas luxurieulx parfaire

Assignez lieux : de telle iniquité
Veuillez sortir et du tout vous retraire.

¶ Madame vient il se fault retirer
Tost mon amy tost sortez par derriere
Ma maistresse se pourroit fort irer
Pourtant amy retirez vous arriere :
Dieu vous gard dame : et puis ma chamberiere
Auez vous bien nostre logis gardez ?
O quelle est saoulle : O que la premiere
Est encor pleine : et vous ny regardez.

¶ Respond Perrette et dict a sa maistresse
Que degoustee elle est et fort debille
Depuis huyt iour de soy plaindre neut cesse
Cest quel na point eu assez la bille
El ne dict point quil fault sortir la ville
Et quil est bon de prendre lair des champs :
Que son amy appreste son aiguille
Pour luy donner le petit passetemps.

¶ Puis maintenant il fault aux champs aller
Se recreer pour nestre plus malade
Et pource fault a madame parler
En souspirant et faisant la fanfado
Dire ne fault quelle veult lestrapade
Et que longtemps elle a soif enduree

Le sien amy appreste la sallade
 Le harenc sor : le pain : pinte : et bourree

¶ On est marry cest de la maladie
 De Perrette qui est mal disposee
 Et a fiebure : voulez vous que vous dye
 Le mal quelle a est quelle est fort lassee
 Huyet iours a quelle ne sest point couchee
 Car tout la nuict a fallu banqueter
 Boire gaudir sans nulle reposede
 Chanter danser triumpber caquetter

¶ Je laisse le surplus de laffaire
 Et ayme mieulx a daultre place faire
 Pour en escrire au long ce quil leur semble
 Mais iachepuray les dictz delles ensemble
 Quant elles sont a la riviere

¶ Dieu que vous estes bonne ourriere
 Guillemette nostre voisine
 Par mon serment ie ne vois signe
 Doysiute en vostre affaire
 Veuillez moy pres vous place faire

¶ Heu que vous estes matineuse
 Veu que nanez este oyseuse
 Toute la nuyet : dont vient cela

¶ Pardicques depuis que ceulx la

Onc heurte a l'huys de Perrette
 Enda mamey Guillemette
 La dame (tant est fort noysine)
 Na cesse parler de lessine
 Cest une tresmaulnaise dame

¶ La mienne est trop meilleure femme
 Mais nostre maistre ne vault rien
 Il est plus rechigne qung chien
 On ne peult rien a son gre faire
 Il ne faict que crier et braire
 Mais dis est ce apres desieuner

¶ Sur ma foy ie ne puis ieuner
 Tant me trouue mal au matin
 Si ie ne bois ung bon tatin
 Je ne fais bien tout la iournee

¶ Tu me sembles mal atournee
 Je te diray : ceste bigotte
 Ma maistresse ceste marmotte
 Hyer faisoit de la rencherie
 Et pensant faire fascherie
 Ne se vouloit aller coucher
 Pres le maistre : ne luy toucher :
 Mais vouloit faire ung lict a part
 Quoy quelle en voulsist pour sa part

Deux piedz : voire pour tout le moïn
 Plustost aujourdhy que demain
 Car elle ayme assez ung tel ieu :
 Elle disoit quauoit faict veu
 (Pour le mal de son amarry)
 Ne coucher avec son mary
 Les vendredys ne samedys
 Et sembloit a oyr ses dictz
 Quelle eust mal en son petit ventre
 Mais ie croys bien que lon y entre
 Assez souuent sans chausse pied

¶ Ma maistresse est femme de pied
 De faire telz veux el na garde
 Elle se met a l'aduantgarde
 Pour recepuoir les premies coups
 Le maistre ny pense beaucoup
 Et croys bien que point ne sen doute
 Aulcunesfoys de nuict iesconte
 Quant ilz sont ensemble couche
 La dame luy dict approche
 Mon mary : et pour ce matin
 Noubliez point mon picotin
 Incontinent pour le vray dire
 Contrainte suis (force de rire)

Mordre les draps pour mieulx me taire
 Oultre y a ung prothenotaire
 Qui souuent vient a nostre hostel
 (Je ne vous mentz le cas est tel)
 Seulement pour nostre maistresse
 Mais iay songe quelque finesse
 Et plus fine que tu ne pense
 Il luy faict dancier une dance
 Combien quil ne soit menestrier
 Il la cheuauche sans estrier
 Sans auoir esperon ne botte
 Le trihory en basse notte

E Mais pourquoy fusse que sortis
 Du logis chose ien partis
 Pour ung petit de fantasie :
 Sur moy y auoit ialousie
 Quoy que cause ny eust de lestre
 Sinon aulcunesfoys mon maistre
 Ale rioyt et faisoit des tours
 Par ioyeusete : mais damours
 Il ne men supplia iamais
 Or quant il meust prie : voir mais
 Il ne me la point faict pourtant
 Pose le cas quen sesbatant

Le plus souuent il me tastoit
 Quant personne au logis nestoit
 Mais au surplus il nya rien
 Par plusieurs foys (par fin moyen)
 Mais promis de faire ma feste
 Mais ie nay pas este si beste
 Et quoy quon dit quil m aime fort
 Et au regard de ce rapport
 Je nen compte pas une maille
 Au fort aller vaille que vaille
 Jen congnois ung a marier
 Qui me requiert sans me lyer
 A ces rechignardes maistresses
 Qui me donra pour moins les gresses
 Et quatre ou cinq francs nesse rien
 Et me promect faire aultre bien
 Mais (pour finer tous mes propos)
 Jauroye faulte de repos :

¶ Vienca que dis tu Perrette
 Qui de chascune ainsi caquette
 Je te dis verite ma foy
 Elle dict merueille de toy
 Que tu nes queune larronnesse
 Une villaine : menteresse

Orde : puante : becquerelle
 Et dit que tu es macquerelle
 De ta maistresse et dung gros moyne
 Et dict que la nuict tu la meine
 Au cloistre faire sa raison
 Que tu es dame en la maison
 Mesmes que couche avec le maistre
 y veulx tu point remede mettre

¶ Or regarde lorde truande
 Et le faict a qui luy demande
 Lorde infaiete vieille pourrie
 Je ne seroye point marrye
 Si elle dysoit verite
 Cest pource que iay recite
 A son maistre la grant finesse
 Que feist chez la recommandresse
 Elle a seruy a leur valet
 Celluy qui sappelloit Raoullet
 Dray est : ie lose maintenir
 Car ie luy veis ung iour tenir
 Son cas en louuroir en passant
 Et croy questoit en ma pensant
 Une aultresfoys derriere luy
 La veis tout au plus pres de luy

Et croy que tant elle approcha
Que toute platte il la coucha
Au reste ilz feirent la leur feste

E Parlons daultre cest une beste
Infaiete orde plaine de vice
Auez vous point une nourrisse
Pour garder le petit enfant?
De vostre hostel? Je la hay tant
Elle est tant orde et flateresse
Delle on feroit bien une farce
Mais iamais en maison que sache
Ou soit enfant a nourriture
Ne seruिरay : ce nest quordure
Cela me faict tant mal au cueur
Encore ay ie plus grant douleur
Qu'il fault aller a la riuiera
Et luy estre sa chamberiere
A ceste nourrisse breneuse
Et si encore est enuiense
Des gens cest tresmal faict
Tout mon cas est laue et faict
Veulx tu venir : ie te diray
Une aultrestroys te compteray
De ma maistresse bon propos
Comment elle boit a plains pots

Quant nostre maistre ny est point
Comme elle chante en contrepont
Auec son amy par amours
Mais pour present le temps est cours
Heure est que la nappe ie mette
Adieu ie te dis Guillemette

¶ Finis

De quel boys se chauffe Amour.

¶ Amour faict feu de tremble et de serment
 Qui couleur rouge en palle font changer
 Car dautant plus quil se chauffe ardamment :
 Plus fort il tramble es glassons de danger.
 Quant au second amour scait vendanger
 Jusquan serment : durant le doux martyre
 Il nest substance il nest rien quil nattire
 Si vous auiez de biens une montioye :
 Et vert et sec tout y va tout y tire
 Au feu damour quon nomme courteioye.

¶ Quoy quil aduienne.

POÉSIES GOTHIQUES FRANÇOISES.

SERMON JOYEUX
DE
MONSIEUR SAINT HARENG.

MONOLOGUE
DES NOUVEAUX SOTS
DE LA JOYEUSE BANDE.

A PARIS,
DE L'IMPRIMERIE DE CRAPELET,
RUE DE VAUCIRARD, N° 9.

1830.

A PARIS,
CHEZ SILVESTRE, LIBRAIRE,
RUE DES BONS ENFANS, N° 30.

QUELQUES amateurs nous feront peut-être le reproche d'avoir réimprimé la première pièce qui fait l'objet de cette publication ; ils allégueront qu'elle l'a déjà été par M. F. Didot, en 1825, sous le titre de *La vie de saint harenc , glorieux martyr ; et comment il fut pesché en la mer, et porté à Dieppe*. Nous les priérons d'observer que la découverte que nous avons faite d'une édition probablement antérieure à celle qui a servi à la réimpression de M. F. Didot, et offrant des différences dans l'orthographe et dans le nombre des vers, nous a paru une raison suffisante de la reproduire. Nous avons aussi pensé que ces mêmes amateurs ne verroient pas sans intérêt les variantes d'orthographe entre ces deux éditions, et peut-être aussi quelques traces du progrès de notre langue dans l'intervalle qui a séparé leur publication.

Dans ce même intervalle, nous avons lieu de croire qu'il a paru encore une autre édition de la même pièce, dont nous avons sous les yeux le *fac-simile*. Cette autre édition a pour titre : *La vie saint harenc glorieux martir et comment il fut pesché en la mer et porté à Dieppe*. Elle contient un vers de plus que celle réimprimée par M. F. Didot ; mais l'édition que nous publions aujourd'hui a l'avantage de contenir treize vers de plus que cette dernière.

Nous recommandons aux bibliophiles le *fac-simile* que nous venons de mentionner ; il est très bien exécuté, et n'a été tiré qu'à quarante exemplaires. Ils en trouveront à notre librairie.

ermon ioyeux

De monsieur Sainct Haren :

Nouvellement imprime.

Sermon ioyeulx de Monsieur Sainct Haren

C Gratilicus Harengis
Super ignem tribulatio
Vinagria sinapium
Bonnes gens oyez le sermon

En celuy temps que saint Haren
Si faict trotter maint auarlan
Il veult de ce siecle finer
Aussi au meillen de la mer
Entre boulongne et angleterre
Ou lon ne trouue point de terre
Fut prins le corps de saint haren
Qui souffrit pis que saint laurens
Martyrise fut mis a mort
Quarante tirans tous dung accord
Medans ung bateau se bouterent
De nuict de iour tant pescherent
A leurs raitz et a leurs filez
Que saint haren fut atrapez
Incontinent quil fut pesche
Il fut prins et esgosille

Et de ces freres plus de cent
 Mais il leur vint ung si grant vent
 Que a peu quilz ne se noyerent
 Adonc saint haren apporterent
 A diepe fut son corps mis
 Il vint ung yurongne estourdi
 Entour minuiet a la chandelle
 Qui le porta a la taverne
 Sur le gril le mist pour rostir
 Et puis le gourmant sans faillir
 Se mengea avec les aulx
 Les aultres charge sur cheuaulx
 Et les maine on a Paris
 Et puis il fut mis sur le gris
 Au beurre frais il fut transmis
 Et si ont se mest aduis
 Qui en cacques forment sallerent
 De telz y eurent qui le bruslerent
 Tout vif dont ce fut grant dommage
 Oncques on nen fist tel oultrage
 Comme on fist ceste annee
 Car il fut mis en la fumee
 Pendu en guise de larron
 Et depuis menge au cresson
 A huille doline et oygnons
 Pour faire boire tous champions

Au vinaigre et la moustarde
 Mais ne me donnay de garde
 Que ce saint dont nous parlons
 Fut mis avec des oygnons
 En ung pot par maintz morceaulx
 Et fut happe de deux ribaulx
 Qui lempoient a grant haste
 Depuis fut mis ce saint en paste
 En ung four chault si le bouterent
 Quant fut cuyt si le tirerent
 En Karesme certainement
 Il se faict crier bien souvent
 Dedans paris en plusieurs lieux
 Saint haren est moult precieulx
 ¶ Il faict des miracles souvent
 Il faict tousser assez de gens
 Chascun scet bien que pas ne mens
 Il faict gagner le taulernier
 Saint haren est moult a priser
 Qui tant est renommee en france
 Saint haren donne grant puissance
 Aux carmes et aux augustins
 Aussi faict il aux iacopins
 Saint haren qui bien le nomme
 Il est congneu iusques a romme
 Aussi est il en angleterre

En flandres et en plusieurs terre
 En bourgongne et en auuergne
 En portingal et en espaigne
 Et du coste des grans montaigne
 En prouuance et en lombardie
 Et en tous les pays dytalie
 En normandie et en lorraine
 En Berry et en acquitaine
 Et sur la riuiera de loire
 Se faict porter a mainte foire
 Par le monde se faict porter
 Car se saint dont ouy auez
 Fut nez au meillen de la mer
 Et en son corps neust point damer
 Ne nen mengea onc en sa vie
 De cela ie vous certifie
 Mais bien souuent vouloit il boire
 Mes bonnes gens vous deuez croire
 Que quant on menge saint haren
 On y doit boire bien souuent
 Aussi comme morrez retraire
 Il y en a de deux maniere
 Lung est sor et lautre est blanc
 Et si en a de bien puant
 Car on dit tout communement
 En ung prouerbe bien souuent

Se haren put cest sa nature
 Si fleure bon cest aduenture
 Poures gens ne le dient mye
 Car souuent leur sauue la vie
 Tant est gratieulx et courtois
 Ou le menge avec les pois
 En Karesme cest tous les ans
 Car chascun scait bien se ie mens
 Depuis le iour sainte agathe
 On en menge de plusieurs cacque
 Et ses bonnes gens de village
 En font souuent de bon potaige
 Cest grant pitie que saint haren
 Est martire ainsi souuent
 Car en ce saint temps de Karesme
 Dicy iusques en angoulesme
 Est martire se saint martir
 Car souuent le faict on rostir
 Sur le gril ou sur le charbon
 Mais il viendra une saison
 Que saint haren fera miracle
 Quon doit mieulx priser que triacle
 ¶ Vous auez ouy le sermon
 De saint haren si pardonnou
 Tous les pechez de ceste annee
 Et de celle qui est passee

Et tous ceulx qui sont oubliez
 Voeillez nous a tous pardonner
 Et trois cens ans de vray pardon
 Et dix moys cest ung noble don
 Nous prions pour les pources gens
 Que dieu leur doint faulte d'argent
 Et silz veullent au besoing secours
 Qui leur face tout au rebours
 Pour cardinaulx ou archeuesques
 Ne pour abbez ne pour euesques
 Ne fault il ia faire priere
 Car tout va sen deuant derriere
 Mettons nous trestous a genoulx
 A dieu ne souuiengne de vous
 Ne vous chault comme tout en aille
 Dessous ou dessus; vaille que vaille
 Dictes Amen deuotement.

¶ Cy fine le Sermon ioyeux de monsieur
 saint Haren. Nouuellement faict et
 imprime.

Le Monologue des nou- ueaulx Sotz de la ioyeuse bende

Faict et compose nouuellement.

M Arguet surnomme rage en teste
Allant par faulte de beste
A son beau pied le plus souuent
Noble seigneur dangoulleuent
A reuerent pere prieur
Des andouilles : et prouiseur
De toulte la ioyeuse bende
Salut et gloire pour prebende
Descus et nobles grant plante
Et aussi plaisir et sante
Noble prieur et triumpgant
Combien que soyes ieune enfant
Considerez vostre excellence
Hault regnon et magnificence
Je vous constitue maistre et prince
De tous les sotz de la prouince

Je vueil quilz vous portent honneur
 Comment a leur souverain seigneur
 Sur peine de punition
 Ou de mectre en confiscation
 Tous les gaiges de leurs offices
 Et les fructz de leurs benefices
 Et de ce nen excepter nulz

Sotz glorieux et sotz cornus
 Sotz grans sotz petis moyens
 Sotz villagoys sotz citoyens
 Sotz gras sotz maigres sotz refaitz
 Demy sotz et sotz tous parfaits
 Sotz vieulx sotz ieunes innocens
 Sotz affollez sotz hors du sens
 Sotz anciens et sotz nouveaulx
 Sotz yuongnes comme pourceaulx
 Sotz passaulx et sotz gentillastres
 Manluais sotz et sotz bons follatres
 Sotz dangereux et sotz lunatiques
 Sotz estourdis sotz fantastiques
 Sotz cours sotz longz sotz clers sotz lais
 Sotz villains sotz beaux et sotz lait
 Sotz esbays sotz estonnez
 Sotz larges sotz habandonnez
 Sotz taquins sotz gours sotz chisches
 Sotz marchans sotz clers et sotz prestres

Sot; plains sot; pources sot; riches
 Sot; piteux et sot; ypocrites
 Sot; qui font bien les chatemittes
 Sot; forts : sots foibles : sots paoureux
 Sots hardis : sots aduventureux
 Sots felons : sot; espouentables
 Sots malheureux sots miserables
 Sots maries : sots amoureux
 Sots maistres comme sieux dais
 Maistre louys et guillemine
 Ung tas de nonnains et beguines
 Et tous les sots de la vatine
 Aussi sots de la religion
 Car il; sont la legion

¶ Sot gros. sot; menus. sot; estroit;
 Sots blons. sot; bruns. sots chaulx. sot; froitz.
 Sots biberons : et sot; bons rustres.
 Sot; lordaux et sot; burelustres
 Sots iungz. sots plains iusques aux yeulx
 Sots rechinez. et sots ioyeux
 Sots subiects au feminin genre
 Et tous les sots qui sont sur terre
 De tous sots generallement
 Vous baille le gouuernement
 Et pour lesquelz entretenir

De boire et menger soubstenir
 Ven que auez petite prebende
 Pour mener la ioyeuse bende
 Je vous en donne largement
 Ensuyuent.

Et premierement
 Quatre muys de bled mis en miches
 Douze sengliers : six serfs. neuf biches
 Soixante oysons. trente cheureaux
 Et la chair de quatre vingtz veaulx
 Cinquante liepures. cent congains
 Et autant de petis lapins.
 Deux centz paons et trois mille chappons
 Mille ramiers. et vingt herons
 Soixante et dix poulles a fleur
 Trente en rost et quarante en four
 Cent plinges : deux centz cormorandes
 Trois mille perdris toutes grandes
 Cinq centz videquos mille cercelles
 Autant de cailles et de merles.
 Dallouetes quatre milliers
 Deux cens manluis cent cheualiers
 Mille faisans cent morillons
 Trois septiers dautres oyillons
 Deux centz butors : cent cochons gras
 Soixante huit brotz dypocras

Quatre centz canars de rinier
 Vingt quatre hambours de bierre
 Cinquante deux gasteers de trippes
 De cernoise trente deux pipes
 Cinq cens bouteilles bienournies
 De muscades et rommenies
 Trois cens poinsons de vin vermeil
 Et de cleret nombre pareil
 De vin blanc danion cinq cens queux
 La chair de quatre vingtz boeufz
 De beurre vingt sept queux
 Quatre cens corbeilles doeufz
 Deux cens tartes trois cens tourteaux
 Troys milliers de tourteaulx
 Pain fleury dix mille pains blans
 Cent fromaiges durs deux centz flantz
 Sept cheuaux chargez doignons
 Dix de cocombres huit de pompons
 Vingt cheuaux chargez de nauez
 Autant de raues et de panez
 De saulses rouges et saulpiquetz
 Ponces et aultres sabaretz
 Troys barilz et que ne loublie
 Quatre cheuaux chargez doubliés
 Les boudins de troys cens pourceaux
 Trente fournees de paste; chaux

Desquelz biens vous metz en saisine
Et de present vous les assigne
Sur les plumes de vingt corneilles
Ou a prendre sur les oreilles
De lasne a monseigneur de laual
Ou sur les roches doriual
Donne apres demain iendy
Ung tantinet apres midy
Au chasteau ou il uy a que frire
Ainsi signe : et chiens de fuire.

Explicit.

POÉSIES GOTHIQUES FRANÇOISES.

LA RÉFORMATION
SUR
LES DAMES DE PARIS,
FAITE PAR LES LYONNOISES.

RÉPONSE ET RÉPLIQUE
DES DAMES DE PARIS
CONTRE CELLES DE LYON.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1830.

A PARIS,
CHEZ SILVESTRE, LIBRAIRE,
RUE DES BONNS ENFANS, N° 30.

La Reformation:
sur les Dames de Paris,

Faictte par les Lyounnoises.

Responce, et Replicque des Dames de Paris,
contre celles de Lyon.

C Quatrain
Du Seigneur du Rouge et Noir
Aux Lecteurs.

DEdans Lyon, ou femmes sont famees
Et renomnees, par leurs chariuaris
Fut ordonne, que celles de Paris
Seroient du tout, par elles reformees.

Reformation des dames de Paris.

Faictte par les Lyonnoises.

¶ L'acteur.

POur reformer, voz estas tant diuers
De mauſx couuers,
Notez ce qui sensuyt
Premierement, voz huys laissez ouuers
Et a lenuers,
Les genoulx descouuers
Droict ou trauers,
Appetez le deduyt
Argent vous duyt,
Et du tout vous seduyt
Dont auez brinyt,
Qui nest pas trop propice
Car ce que faictes, ce faict par auarice.

¶ Parisiennes, qui ainsi voz culz bardez
Vous vous fardez,

Pour anoir plus beau taint
 Nous vous prions, que plus ne vous fardez
 Mais regardez,
 Noz moꝝ entrelardez
 Et les gardez,
 Sans que rien soit enfraint
 Chascun se plaint,
 Et dit quil est contraint
 Pour vostre train,
 Rompre banque en la ville
 Par tropt serrer, on perd souvent languille.

¶ On dit par tout, que pour voꝝ grands bombans
 Sur selles et bancz,
 Vous mettez cul au vent
 Pour souliers de drapt: ou pour aucuns passemens
 Plusieurs mignarts,
 Rongneurs, grateurs, gallans
 Foullent dedans,
 Vostre trou bien souuent
 Vostre deuant,
 Sera doresnauent
 Mis bien auant,
 Au royaume de surie
 Puis que telz gens, ont sur vous seigneurie.

¶ Nul ne vault rien, qui ne se faict valoir
 Noble vouloir,
 Doit tascher a cela
 Parisiennes, pour quelque bague auoir
 Comme on peult voir,
 Et pour petit daouir
 Sans dire gare,
 Chascun vous faict cela
 Puis ca, puis la,
 Sans iamis dire hola
 Courez, allez, voila
 Vostre entregent
 De voz personnes, on fine a peu d'argent.

¶ Se on vous prie, prenez argent a sommes
 Ou a grands sommes,
 Sans tant vous metre au bas
 Solliciteurs, qui nont vaillant trois pommes
 Ce sont voz hommes,
 Et les vrays gentilzhommes
 Nobles personnes,
 Vous chassez des esbas
 Dessus voz bas,
 Pour les vieulx combas
 On voit a tas,

Monter gents bas persez
Dont voz honneurs, sont bien tost renuersez.

¶ Pour voz facons, on voit du temps qui court
Fuyr la court,
De Paris et frontieres
Vostre maintien, est orgueilleux et lour
Pour faire court,
Tout mignon frisque et gour
A nous acourt,
Pour noz douces manieres
Vous estes fieres,
Rebelles et routieres
Grandes ourrieres,
De moquer en tout lieu
Mais qui trop moque, il est moque de Dieu.

¶ Plus ne portez, les pantofles bridees
Mais debridees,
Pour mieulx faire clac clic
Par ce point la, sont plustost deschauses
Des piedz otees,
Pour estre tost montees
Bien echaufees,
Dessus quelque chalit
Souvent on dist,

Que pour prandre delit
 Sus un beau lit,
 De peur qu'on ne le gaste
 Il fault auoir, nectz piedz et nete pate.

¶ Un temps qui fut, vous eustes de lyon
 Passe fillion,
 Pour bailler conduyte
 De noz fins tours, vous monstra un million
 Cest lesguillion,
 Et vrays emerillion
 Plus que villion,
 A telle finesse dayte
 Par grand poursuyte,
 A nous laions reduyte
 Et est instruite,
 A lyon de nouueau
 Chascun oyseau, doit trouuer son nic beau.

¶ Vous contrefaictes, du tout les ytalienues
 Dea Parisiennes,
 Ce cas la a vous defendons
 Damoysselles, marchandes, courtisiennes
 Jeuns et anciennes,
 Noires comme egyptiennes

Sont praticiennes,
 Se coiffer en passefillions
 Le cuer nous creue,
 Car un porteur de greue
 Non vaillant feue,
 Souffrira a sa femme
 Un grand estat, pour contenter ma dame.

¶ Vous demandez, les gorgias frairez .
 Cloz et serrez,
 Pour cacher la poitrine
 Dor et de soye, dessus billebarrez
 Corcestz fourrez,
 Chapperons garenses
 Trop plus que assez,
 Pour mieulx faire la mine
 Orgueil vous mine,
 Folle vous domine
 Sur vous se fine,
 Le bien de voz marys
 Cest tout lestat, des dames de Paris.

¶ Il fault auoir, la grande vertugalle
 Que lestat gaste,
 Pour mieulx braguer a point

Des patenostres, dambre fin : ou dagaste

Par langue plate,

Quainsi le ienin flate

Fault a grand haste,

Auoir l'argent au poin

Tel na pourpoint,

Ne robe a un besoin

Que pour ce point,

Ne faille mettre en gaige

Il est bien fol, qui croit en tel langaige.

C Quand vous trouuez, es festes et banquetz

Par voz caquestz,

Euidez quon vous reclame

Pour caquester, cuydez faire comquestz

Et par gands musquestz,

Paruenir aux comquestz

Damour tout prest,

Mais cela est infame

Et gardez fame,

Pour fuyr tout diffame

Car toute femme,

Doit estre attrempee

Parolle dicte, nest iamais recouree.

C ypocrites estes, et plaines de bigotages

Darlectz et paiges,
 Auez apres la queue
 Aux esglises, il vous font les messages
 Macquerelages,
 Sans craindre Dieu nimages
 Dont telz outrages,
 Fault que viennes en veue
 Sortez en rue,
 Ne craignez destre veue
 Car place deue,
 N'est le temple de Dieu
 Pour tel cas faire, fault chercher autre lieu.

¶ De voz maris, iouez a la plote
 Qui est chose sotte,
 Dont deussiez auoir honte
 Vostre babil, que faulcete denote
 ydiod les note,
 Et du tout les assote
 Oncq de mariote,
 Sol ne tint si grand compte
 Chacune dompte,
 Le sien et le surmonte
 Comme on racompte,
 En tresnaumaise guise

Tel pluye vient, du vent de la chemise.

¶ Vous faictes croire, que de quines sont ternes
 Et de quaternes,
 Que se sont ambesars
 De veries, que sont claires lanternes
 Et de cauernes,
 Que sont belles tauernes
 Ou les caternes,
 y ioue par hazars
 Et que liepars,
 Se sont petiz poupars
 Ainsi que mars,
 Ne vient point en Karesme
 Alenteries, composent vostre proesme.

¶ Voꝝ contenances, sont par nous sincopees
 Et esclopees,
 Pour vostre granite
 On vous nomme, de paris les poupees
 Paintes fardees,
 De grace mancipees
 Enuelopees,
 De folle vanite
 Alondanite,
 En a lauctorite

Fragilite,
 Dedans ses liens vous maine
 Mal auise, endure tousiours peine.

¶ Se nous bragons, nous le pouuons bien faire
 Car nostre affaire,
 Le peult bien supporter
 La court auons, qui nous est necessaire
 Pour nous refaire,
 Et nostre estat parfaire
 Et contrefaire,
 Pour mieulx contrepeter
 On doit noter,
 Que brague fault porter
 Pour contenter,
 Gents de voullente franche
 Selon le bras, on doit faire la manche.

¶ Nauons nous pas, gents Deglise, Gens darmes
 Faisans vacarmes,
 Par ioustes et iournoictz
 En noz frontieres, donnent maintes alarmes
 Pour toutes armes,
 Du deuant sommes fermes
 Puis a tous termes,

Recepuons maintz tournois
 Francoys, angloys,
 Lombars, et geneuois
 Par plusieurs fois,
 Nous apportent du comptant
 Un doulx acueil, rend tout homme content.

¶ Pouuoir auons, de voz cas reformer
 Et dinformer,
 De voz bragues haultaines
 Le train de court, nous a voulu nommer
 A droict former,
 Noz edictz confermer
 Pour diffamer,
 Vo3 coustumes villaines
 Combles et plaines,
 De grans folies vaines
 Toutes certaines,
 Dune imperfection
 A faulx abus, il fault correction.

¶ Corrigez vous, amendez vostre faict
 Ou par effect,
 Il y fauldra pourueoir
 Laissez lestat, qui vostre honneur deffait

Ord et infaict,
De folie restaict
Tout imperfait,
Cler a appercevoir
Venez scavoir,
Que nous auons pouuoir
Et bon vouloir,
De reformer voz bas
Nous le ferons : ou mourons au pourchas.

¶ *Fin de la reformation.*

La Responce

Et Replicque faicte par les Dames de Paris, contre
la reformation sur eulx faicte par les Lyonnoises.

Pour replicquer, a ce qu'auetz dict
Par interdict,
La responce notez
Nous reformer, il vous est interdict
Par faict et dict,
Sur nous nauez credit
De droict escript,
Les coustumes hantez
Nombrez comptez,
Mesurez limitez
Et vous mettez,
De ce faict en amende
Car droict le veult, et raison le commande.

¶ Dedans Paris : damoysselles, bourgeois,
Bonnes galloises,
Seront priuilegees
Le cuer auons, de loyalles francoyses

Humbles courtoises,
 Suyans debat; et noises
 Mais lyonnoises,
 Sont tousiours eshonteës
 Whonte dompteës,
 De plusieurs frequenteës
 Et trop hanteës,
 Pour porter un bon fruit
 Ce nest pas tout, que daquerir grand bruit.

➤ Puis que parlez : si auant de noz fardz
 Par noz brocardz,
 Vous voulons brocarder
 Premièrement, touchant voz fiers regardz
 Botz et coquars,
 Sectez en plusieurs pars
 Que sont espars,
 De loyante garder
 Pour bien larder,
 Sur vous fault regarder
 Sans plus tarder,
 Lors verres par effaict
 Qui bien corrige, doit corriger son faict.

➤ Un chacun dict, que pour or et argent

Vostre entregent,
 Vous vendez tout aplain
 De decevoir, dictes que cest argent
 Conte et regent,
 Vous rendez indigent
 Don toute gent,
 De vous se deul et plain
 Qui honneur ne craint,
 Il doit estre contrainct
 Charge et ataint,
 De reproche et diffame
 Car chastete, doit abunder en femme.

Lubricite, vous tient en son cercueil
 Aussi orgueil,
 Vous atrait dans ses las
 Alondanite, faict de vous a son veul
 Par veue doiell,
 Et faintise dacueil
 Plusieurs ont deul,
 Et en disent helas
 Vostre soulas,
 En fin rend l'homme las
 Priuez desbatz,
 Et naurez par douleur

Un faux regard, decoit maint noble cuer.

☞ Si nous bragons, par noz brauez haultaines
 Portant grands chaines,
 Vous en fault il parler
 Nobles sommes, et dames souueraines
 Humbles et humaines,
 De toutes vertus plaines
 Par montz et plaines,
 Nostre bruyt voller
 On peult aller :
 Rire, chanter, galler
 Sans raualler,
 Pompes comme constantes
 Mieux vault honneur, que richesses ne rentes.

☞ Touchant la court, ne faisons pas grand conte
 De duc ne conte,
 Ne tenons riens que en frische
 Gardez la bien, car elle vous remonte
 Sur vous on monte,
 Par argent on vous dompte
 Comme on racompte,
 Vous rendez cerf et biche
 Pauvre ou riche,

Liberalle on chiche
 Ne vault pas miche,
 Quant met son corps a pris
 En voz filetz, les plus rouges y sont pris.

☞ De voz pantofles, vous parlez follement
 Arrogamment,
 Et en mauuaise sorte
 Si nous chaulsons, sur le gay mistement
 Et frisquement,
 Pour estre proprement
 Honnestement,
 Selon lestat quon porte
 Vostre cohorte,
 A deshonneur se porte
 Comme on rapporte,
 Ca et la en tous lieux
 Nul ne mesdist, sil nest faulx enuieux.

☞ Touchant voz culz, que voulez garsonner
 Et blasonner,
 Par voz sottres parolles
 Ilz sont formez, riens ny fault fasonner
 Ne massonner,
 Pour fason leur donner
 Ne ordonner,

Soubz faintes parolles
 Vous estes folles,
 Et usez de bricolles
 En voz escolles,
 Na que faulx exercisse
 Que vous ensuyt, de follie et complisse.

☞ Vous receuez, toutes gents pour ostage
 A bref langaige,
 Vous prenez blanc et bis
 Sur vous sestend, le masculin lignaige
 Jeune ou hors daage,
 De vous recoipt lhommage
 Pour le truage,
 Tout prenez pro vobis
 Pour voz abis,
 Et raminagrobis
 Maintz alibis,
 Cherchez trop deshonnestes
 Au kalendrier, on y met les grands festes.

☞ Vers vous viennent, diuerses nations
 Et mansions,
 Pour le faict de la guerre
 Pour les auoir, vous faictes pactions

Adiunctions,
 De basses regions
 Commotions,
 De mettre cul a terre
 Pour le caterre,
 Que descent a grand erre
 Sans aller guerre,
 Des frontieres de rains
 De telz honneurs, tous voz coffres en sont plains.

☞ On congnoist bien, vostre vouloir auare
 Que se compare,
 A feu qui brusle et ard
 Un gros marane, ayant force denare
 Ou un messare,
 Pourveu quil vous repare
 Sans dire gare,
 Damour luy monstre; lart
 En toute part,
 Come un vieulx iaune lard
 Sans autre esgard,
 Vous estes reclamees
 Lyonnoises, pour argent diffamees.

☞ Fin du replique des dames de Paris.

POÉSIES GOTHIQUES FRANÇOISES.

DÉPLORATION
DE ROBIN.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1831.

A PARIS,
CHEZ SILVESTRE, LIBRAIRE,
RUE DES BONS ENFANS, n° 30.



Exploration de Robin

Et les regretz faitz dens son cueur
Dauoir eu pour son larrecin
Le fouet tout nud en deshonneur.

✍ Espistre faicte en deploration

Qua faict Robin a samye Deuernon.

✍ Espistre de la muniere Deuernon

Respondant a celle de Robin bon compaignon.

✍ La grace de Robin, et remission

Presentee par la muniere Deuernon.

¶ Plus les priez, et dons faictz par Robin

A celui qui la marie, et burent bon vin.

¶ Espistre du reuerend seigneur
Et maistre Robin au Lecteur.

Nobles Seigneurs, ie vous prie d'amplytie
Que vous lisez trelous en grand pitie
Les miens regretz qui sont icy escriptz
Vous protestant puis qu'on ma chastie
Ne faire tort a nul ne mauuaistie
Par quoy ie sois de iustice repris.

¶ Les Regretz.

Regretz, pleurs, et grande facherie,
Jay dans mon cuer de la grand mocquerie
Qui a tousiours desus moy sera faicte
Pauvre Robin ton oeuvre est trop infecte
A ceste fois larron es reprouue
La larrecin sur toy on a trouue
Tu ne le peulx a personne nyer

¶ Or qui plus est toy estant prisonnier
Las confesse a toute la iustice
Par quoy chascun a de ton faict notice
Et a la fin que fusses mieulx congneu
Le iuge a faict mettre ton corps tout nu
Pareillement aussi a ordonne
Que tu serois sur un asne mene

Et puis souette avec cinq compagnions
 Lesquelz estoient ainsi que toy larrons

☞ Pour abreger un teigneux bien abille
 Ma bien fese par les coings de la ville
 Qui est a moy honte perpetuelle
 Pas ne pensois auoir fortune telle
 Car a me veoir ainsi comme ie croy
 Il y auoit gens plus qua lentre d'un Roy
 Lesquelz disois entre eulx voilla Robin
 Dessus son asne et gentil baudouin
 Lequel bien fort est de verges escarmouche
 De peur quil soit mordu de mouche

☞ Ainsi sen vont les gens mocquant
 De moy Robin dont ie suis fort dolant,
 Mais toutesfois iay encore reconfort
 Que ie suis vif, et non pas du tout mort
 Aussi de bref lon mettra en oubly
 Le mien mal faict et seray restably
 Ainsi questois avec les gens de bien
 Quilz ne voudroient men reprocher en rien

☞ Pareillement iay assez bonne ruse
 De bien iouer a tout ma cornemuse
 Et de la fluste ien scez a dire voir
 Presque a peu pres ce quil en fault scauoir

Parquoy ie dict; quencor du bon vin
 Dedans Paris boira le bon Robin
 Et de Robin tousiours on parlera
 Et des chansons de Robin on fera
 Et a tousiours sera bruiet de Robin
 Qui ent le fouet un mardy au matin

☞ En parle dont qui en parler voudra
 Le temps passe iamais ne reuiendra
 Je ne pensois ie le prens sur ma vie
 Avoir iamais si grande villanie
 Peult estre dont tel est de moy moquant
 Qui en aura quelque iour bien autant ,
 Nul donc de vous ne soit de moy moqueur
 Je vous supplie humblement de bon cueur
 Ce que iay faict cestoit par importance
 Parce que estois en tresgrand indigence
 Davoir un asne pour mon corps supporter
 Car autrement ie ne me puis porter

☞ Quand on me voit chascun se prent a rire,
 Et les enfans se preignent tous a dire
 Quand ilz sen vont au soir querir du vin
 A haute voix ma mere ie veulx Robin
 Il nya ville ainsi quil mest aduis
 Ou de Robin on ne face deuis
 Ne vueillez donc Robin mettre en oubly

Sil a vers vous aucunement failly
 Je vous requiers a tous benignement
 Grace et pardon vous faisant bon serment
 De son viuant ne faire larrecin
 Pardonnez donc messeigneurs a Robin.

¶ Fin de la deploration Robin.

¶ Epistre faicte en deploration
 Qua faict Robin a sa mye Deuernon.

MA bien aymee et tresloyalle amye,
 Je nay repos, ne heure ny demye,
 Sinon penser incessamment a vous,
 Aussi ie croys que auez en grand courroux
 Du grand malheur las quil mest suruenu
 Pour un larron suis maintenant tenu.
 A ceste foys iay perdu mon honneur,
 Dont cest a vous et a moy deshonneur,
 Auant cela ie estois du tout ayme,
 Et de chascun grandement estime,
 Il nya pas la personne du Roy
 Quil naye sceu le bruit quon faict de moy
 Nestce pas donc maintenant grand dommage,
 Dauoir fouete un si beau personnage,
 Comme ie suis, et aussi scauant,

Croyez ma mye, que ien suis fort dolant,
 Je croys aussi que auez le cueur marry
 De veoir ainsi vostre pauvre mary,
 Ahontaige maintenant dun chascun,
 Car tout partout est son fait tant commun
 Pour dire vray mamye cordialle
 Jay eu le fouet par Paris et aux halles,
 Tant que le sang de mon corps depuroit,
 Et si chascun de moy si se mocquoit
 Non voila pas une pauvre amyte
 Que de Robin on nauoit autre pitie?
 Vous rescriuant ie vous iure mon ame,
 Que de mes yeulx y tumboit grosse larme
 Pareillement ie me tiens tout a seur,
 Que lire icy vous naurez pas le cueur,
 Car il auroit le cueur bien endurcy,
 Non pas plourer en lisant ce mal cy,
 Et encor plus, qui mest grand desconfort
 Je vins a pied, car mon asne estoit mort
 Dont a present ie suis a grand esmoy,
 Car tout le monde en ha chanson de moy,
 Disant tout hault voila comme Robin,
 Ha eu le fouet pour son grand larrecin,
 Pource vous prie et requiers ma mignonne
 Que de ce faict autre ordre on ny donne
 Si ie pouuois aller sachez de vray

Que de bon cuer ie vous fusse alle veoir
 Et si vous eusse compte plus amplement
 La fascherie que iay iournellement,
 Tant pour mon asne, et le fouet que iay eu,
 Et vous mamye a qui ie suis tenu
 Monstre; moy donc a ce coup par douceur
 Si vous maymes fermement de bon cuer
 Il vous fault doncq sans plus guere arrester
 Ma douce amye vers moy vous transporter
 A celle fin que ie vous puisse dire
 Cela que pas ie nay loysir descrire
 Ce nonobstant il ne fault pas cesser,
 Ainsi la chose et du tout la laisser,
 Je vous supplie que vous ne faillez pas
 Vous en aller plus viste que le pas,
 Deuers le Roy luy faire humble requeste,
 Que sois receu en banquetz et festes,
 Et si larron suis iamais par saint Pol
 Je veulx que soys estranglé par mon col
 Allez y donc puis que ainsi ie le veulx,
 Et vous serez tousiours mon cuer amoureux,
 Les gentilz hommes, bourgeois, et marchantz,
 Quand ilz oront de toy les iollys chantz
 Ilz te iront veoir dune bonne amyte,
 Tu auras donc une tresgrand pitie,
 Les receuant humblement a ton lieu,

Fust pour argent, ou pour lhonneur de Dieu,
 Donc a present monstre toy charitable,
 A ton amy, et aussi amyable,
 Toy suppliant de me enuoyer responce,
 Ou autrement ie ne te estime une once.

¶ Fin de lepistre a Robin.

¶ Epistre de la musniere Deuernon
 Respondant a Robin bon compaignon.

A Pres auoir ouy ta grand complaincte,
 Je mesuis presque de grosse larmes esteinte
 Mon doux amy, vous auez fort souffert,
 Vous estre ainsi a telle peine offert,
 Neussiez vous sceru de ce faict faire apeau
 Que vous laisser ainsi battre la peau
 Ce nonobstant ainsi quay ouy dire,
 Le mot dapeau ne vous faillloit pas dire
 Car bien peult estre eussiez este pendu,
 Dont de douleur mon cuer se feust fendu,
 Ce fust donc faict bien saigement a vous,
 Je nen auray ammoins si grand courroux
 Et voila donc qui me donne confort,
 Que dieu mercy vous nen estes pas mort

Dont ne lerrons a nous bien resiouir,
 Et nous henter pour noz amours iouir
 Si vous auez en le fouet fermement,
 Cest peu de cas, on en donroit autant
 A un enfant sil auoit offense,
 Je prens le cas que vous ayez danse,
 Et fait voz monstres par les rues de Paris
 Une autre fois ne soyez pas repris,
 Vous fustes certes un peu trop diligent
 Daller ainsi haper ce plat dargent,
 Une autre foys ne faictes pas ainsi,
 Et dautre part vous mandes quen soucy
 Vous languisez tout pour lamour de moy,
 Nen prenez point un si grand esmoy,
 Car vous scauez quil est par tout renom
 De la musniere que lon dict de vernom,
 Si vostre nom a bruit vous scauez bien,
 Pareillement que aussi en ha le mien,
 Je men vois donc pour le faire plus court
 Pour vostre fait tout fin droit a la court
 Et aux seigneurs ie seray ma complincte,
 Affin que soit ceste grand faulte estaincte,
 Et si ie puis de largent deulx auray
 Et puis apres ie vous achepteray,
 Une iument pour vous porter par voye
 Mais toutefois ie nay pas au cuer ioye

Car on ma dict que vous este paillard,
 Et que tousiours hantez le champ gailard
 A tout le moins ne gaignez la verolle,
 Car ie vous dis, notez bien ma parolle,
 Que ne voudrois iamais matin ne soir,
 En mon logis aucunement vous veoir,
 Quand vous aurez le chancre et les poulains,
 Ce mest toutun, pour cela plus ny moins
 Mais dautre cas ie vous veulx bien mander
 Expressément de vous en bien garder,
 En ce faisant vous me ferez plaisir,
 Pareillement iay assez bon desir,
 De bien pourueoir a tout vostre affaire,
 Parquoy amy ne vous vueille deplaire
 Prenez tousiours le mal en patience,
 Et si dieu plaist ie feray diligence,
 Sur les propos lesquels mauez mande,
 Pourtant a Dieu soyez recommande,
 Bien plus a plain ie vous eusse rescript,
 Mais tant trouble iay mon pauvre esprit
 Que ie nay plus ne force ne courage,
 Une autre foys ien diray dauantage.

C Fin de lepistre de la musniere Deuernon.

E La grace de Robin, et remission,
Presentee par la musniere Deuernom.

Bien heureux est, qui ha tousiours vesu,
Toute sa vie sans reprehension,
Bien heureux est a qui oncq ne mescheu,
Et de iustice, ne eut oncq punition,
Bien heureux est qui print correction,
De soy mesme sans que nul en eust peine,
Et a autrui neut onc dissention,
Bien heureux est la chose est certaine.

E Fusse un Roy, un duc, ou capitaine,
Un bailly, prenost, ou aduocat,
Fusse un abbe, euesque, ou chanoine,
Bourgeois, marchans, ou usant de quelque art,
Tant soit begnin, doux et de belle part,
Saige discret, ou de autre efficace,
Que de malheur il nen ayt quelque part
Ou quelque faulte en sa vie il ne face.

E On ne peult pas tousiours estre en grace
De son seigneur, maistre ou du commun,
Que aucunesfois on ne se troue en place,
La ou on ne soit diffame par quelque un
Ou du dyable qui est tant importun
Aucunement il nait tentation,

En ce monde ie nen sache point un,
 Et qui puisse estre sans imperfection.
 Et qui a faict tort fault satisfaction,
 Faire en ce monde, qui nest que transitoire,
 Ou bien souffrir la condennation,
 Du puyx denfer la chose est notoire.

Et si aucun par quelque mesprison,
 A este pris et boute en prison,
 Et aduenü luy soit quelque fortune
 Si ne fault il que chascun limportune,
 Mais suruenir a sa necessite,
 Pour acquerir le don de charite.

Or est ainsi que le pauvre Robin,
 Puis peu de temps auoit faict un butin,
 En quelque lieu sans aller a la guerre,
 En Bourgongne, flandres, ou angleterre
 Duquel forfaict il a este puny,
 Par sus le dos, et de son asne bany,
 Mais sa femme tant bonne et honneste,
 De qui on a dedens Paris faict feste,
 Nous ha requis par humble amytié,
 Que nous eussions de son Robin pitie,
 Et que eussions a le remestre en grace
 Pource trouuer en tous bons lieux et place
 Ou il puisse iouer de sa musete

Pour resiouir iuenceaux, et fillettes,
Et par la ville se puisse pourchasser
Sans que nully le puisse empescher.

Et pour ces causes nous de grand pitie mue,
Après auoir sa requeste receue
Mais toutesfois ne voulons arroguer,
Que a iustice ie puissions deroguer,
Ains supplier de ne prendre a iniure,
Ce passetemps cy mis par escripture.
En suruenant a tous mal auises,
Selon le cas dont fus abuses.

Nous entendons que Robin doresnauant
Soit dessus un quaualin, ou bien une iument,
Sans contredict yra parmy Paris,
Ou il pourra requerir ses amys,
Et si faisons a tous enfans defence,
Que au dict Robin il ne facent nuyssance
Ains le laissent iouer paissiblement
Parmy Paris de son doulx instrument,
Pour resiouir les femmes tant prisees,
Et sur peine de tauerne brisees,
Luy defendant de plus ne retourner,
A tel mesfaictz, mais bien sen destourner
De peur destre chatoille par la gorge,
Donne et faict le propre iour saint george,

Que lon dict cinq cens cinquante six,
Le treziesme iour d'april.

¶ Fin de la remission.

¶ Les prieres et dons faictz par Robin
A celluy qui la marie dont burent bon vin.

Je prie a dieu quil vous doint pauurete
Yuer sans feu, viellesse sans maison,
Grenier sans bled en larriere saison,
Caue sans vin tout le long de leste.

¶ Je prie a dieu qua bon droict ou raison
Nayez chez vous riens qui ne vous desplaise,
Tant que pour estre un peu mieulx a vostre aise,
Vous pourchassiez estre mis en prison.

¶ Je prie a dieu que vous rencontriez seize
Toutes les fois que liurerez de dix,
Et quil vous doint deux maistres estourdis
Et une femme qui iamais ne se taise.

¶ Je prie a dieu que sans hoste ou fourrier
Vous poursuyviez a la court quelque affaire,
Et quil vous doint pour diligence faire
Le trot rompu dun cheual de courrier.

¶ Je prie a dieu le Roy de paradis,
Que despourueu aduventure allez querre,

Seul incongneu en estrangiere terre
Non entendu par signes ne par dictz.

¶ Je prie a dieu qui seul peult tout parfaire,
Qua vous se vienne un marchant atacher
Qui nuyct et iour ne face que prescher.
De vostre debete et de luy satisfaire.

¶ Je prie a dieu que pour honneur acquerre
Et meriter couronne de Laurier,
Vous ne pensiez qua vous tenir gorrier
Braue en la court et couard en la guerre.

¶ Je prie a dieu que pour vous empescher
Il vous doint six douzaines de proces,
Forte partie un iuge sans acces,
Foible aduocat fors qua prendre et pescher.

¶ Je prie a dieu quil vous preigne un acces
De longue peur et froide ialousie,
Que un autre nait vostre femme choisie,
Pour lesponser apres vostre deces.

¶ Et si cest trop a vostre fantasie,
Ayez sans plus un amoureux soucy,
Tel que le mien, et dame sans mercy,
Qui du chault mal vous mette en frenasie.

¶ Je prie a dieu que quand vous mentires,
Hors de la bouche une dent puisse yssir,

Ou autrement quil vous puisse sortir,
Un gros estront dont vous deiuneres.

¶ Je prie a dieu que quand voudres chier
Que vous naye; clarte en nulle sorte,
Et quen la main une ortie bien forte,
Puissiez trouver pour torcher le brodier.

¶ Je prie a dieu que vous soye; coqu
Et sur la teste aye; la forte taigne,
Et la fieure incessamment vous tiengne,
Ayant tousiours amauruyttes au cul.

¶ Encores veulx ie apres tous ces maulx cy,
Quil ny ait homme au monde qui vous pleigne
Et que chascun vous estime et vous tienne
Non digne de pris, ie le veulx il sera ainsy.

¶ Guictain faict aux seigneurs de Paris,
criant mercy.

Noblessseigneurs, Bourgeois, aussi marchands
Quand vous lirez ma deploration
Tant a la ville, aux faulxbourgs, comme aux champs
Aiez de moy humble compassion
Ce nonobstant par recreation
Noubliez pas le soir ny le matin
De chanter tous par bonne affection
A haulte voix ma mere ie veulx Robin.

**¶ Sonnet comprenant sommairement
la complaincte de Robin.**

Jay perdu en un coup ma bonne renommee
Casne qui me portoit ma vescelle d'argent
L'amour du Cardinal, ma pucelle au corps gent
La femme de Robin vulgairement nommee.

¶ Ma belle cornemuse est desia abismee,
Ma chanson outre plus un chascun va forgeant
Ma deploration, et mon estat changeant
Par plusieurs a Paris est desia imprimee.

¶ Jay perdu tout cela, et troys foys encor plus,
Parquoy de ma pitie les arrestz sont conclus
Quapres auoir souffert si rudes algarades.

¶ Mille emprisonnementz, mille chansons escriptz,
Je nay finablement gaigne dedans paris
Que des mains dun gallant cent mille fouetades.

De fortune une.

¶ Bien plus a plain ferois relation
Des faictz Robin si ianoys le loisir
Ce que iay faict ce nest que pour plaisir
Et pour donner a aucuns recreation.

¶ Qui en voudra si se transporte
Deuant le Palays la grand porte.

POÉSIES GOTHIQUES FRANÇOISES.

LE SONGE DORÉ

DE

LA PUCELLE.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1831.

A PARIS,
CHEZ SILVESTRE, LIBRAIRE,
RUE DES BONNS ENFANS, N° 30.

La ballade qui se trouve à la suite du *Songe doré* n'a certainement aucun rapport avec cette pièce, et nous eussions pu nous dispenser de la reproduire ; mais comme le *Songe doré de la Pucelle* a déjà été réimprimé dans le dix-huitième siècle, et que cette ballade ne l'a pas été, nous avons pensé qu'il étoit essentiel de la joindre à cette nouvelle réimpression, pour la rendre plus complète que celle que nous venons de citer.



e songe dore

de la pucelle.

Cy commence le songe dore de la pucelle.

A Leure du songe dore
Lors que laube du iour se lieue
Quon se treuve trop essore
Souuant dune nuyt asses grieve
Mendormis pour la faire briefue
Trestout le premier iour de may
En ieunesse na point desmay.

Sitost que ie fus endormie
Deux personnages vis venir
Qui me dirent. Ma belle amye
Il te fault autre deuenir
Reprens vng nouveau souuenir
Car denfance tu es deliure
Laage enseigne com on doit viure.

Tu es moult belle fresche et ferme
Et de tous membres auenue
Et dist lune ie le tafferme

Autant qu'autre dessoubz la nue
 Soit dessoubz robe ou corps nue
 Blanche. souefue. dure et refaite
 Chose de saison est parfaite.

Jamais plus gaye ne te tiens
 Plus drue ne en meilleur point
 Beau visage. gent corps te tiens
 Qui font ores leur premier point
 Du surplus dire ne fault point
 Car on te tient par vng chief deuure
 Bel est louurage qui mieulx euvre.

Tu as asses d'entendement
 Et sens pour fille de ieune aage
 Je ny voy point d'amelement
 Ne querir autre personnage
 Tu es nee de bon lignage
 Comme puis auoir entendu
 Bien qu'on ne congnoist est perdu.

Se comme femme ie fusse homme
 Je te priasse pour ma dame
 La singuliere cest en somme
 Qui oncques fut nee de femme
 Car ie tasseure sur mon ame

Que tu es belle tout a droit
 Qui a belle dame il a droit.

La firent vng peu d'intervalle
 Les deux semblables que ie vis
 L'une monte l'autre deualle
 Chascune asses bien se cheuist
 Et sur ma foy ie vous pleuis
 Que dormis iusques a la lie
 Bien dort qui na melencolie.

Ainsi que personne qui songe
 Me semble bien quant ie mauise
 Des deux personnes de mon songe
 Congnoistre selon leur devise
 Labit mesmes le me devise
 En grosse lettre a peu de plait
 Ades chose nouvelle plait.

Je prins aux lettres exemplir
 Ainsi que femme mal lisant
 L'une apres l'autre recueillir
 Pour veoir quelles alloient disant
 Et tant les alay auisant
 Que de leurs noms ie fis lespreuue
 Je croy qui bien charche bien treuue.

Je trouuay que lune auoit nom
 Amours richement atournee
 Comme dame de grant renom
 A bien porter son atour nee
 L'autre fut a part destournee
 Ce fut honte qui sesbaudit
 Selon la personne labit.

Amours me print a raisonner
 Si fit puyz honte a son tour
 Moult bien me sceurent sermonner
 Et me venir tout a lentour
 Elles menerent grant estour
 Par parolles bien assaillans
 Il nest assault que de vaillans.

Amours

Cest amours qui parle premiere
 Ma ieune fille gente et tendre
 Amours est tousiours coustumiere
 De tout son temps a ioye tendre
 Pource vueilles moy bien entendre
 De moy nes pas encores quitte
 Il fault que ieunesse sacquitte.

Honte

Adonc respond honte tout court
 Ma belle amye non feras
 Car vng si mauuais monde court
 Certes que trop te mesferas
 Sitost quamoureuse seras
 Je te tiens pour toute esperdue
 Femme sans honneur est perdue.

Amours

Honte quest de paour engendree
 Auercq celle faulce vergoigne
 Oncques ne fit bonne cendree
 Mais tousiours est pleine de groigne
 Faisant vne mauuaise troigne
 Pour faire son bec clacqueter
 Vielles ne font que cacqueter.

Honte

Haa ma fille que feras tu
 Se tu crois ceste male femme
 Ton fait ne vaudra vng festu
 Folle deuiendras et infame
 Pour dieu garde ta belle fame

Ne pers point ta virginite
Pucelage est grant dignite.

Amours

Se honte croys tu es affollee
Jamais ne vaudras vng oignon
Tu es a prendre ta volee
Pour auoir ioye ou iamaïs non
Choisis quelque beau compaignon
Mais quil souffrise a ta plaisance
Il nest tresor que souffisance.

Honte

A croire conseil de legier
Et puy en prendre maladie
A grant peine peut aleger
Puy quil conuient que ie le die
Tantost aimer a lestourdie
Ne seroit pas bonne accointance
Haster engendre repentence.

Amours

A ieune pucelle appartient
Destre frisque ioyeuse et gente
Et quant en ce point se maintient

Cest noblesse qui la regente
 De ce ne doit estre indigente
 Dance et vole com vne aronde
 On na que sa vie en ce monde.

Honte

Las auise se tu tassers
 Tu seras vne esseruellee
 Ceste leuee com vng sers
 De tout le monde rauallee
 Soyex en maniere attelée
 Tousiours simple et coye te tien
 En pucelle na que maintien.

Amours

Aime ma fille car sans faille
 Tu peux aimer secretement
 En bien et honneur. ne te chaille
 Prisee en seras haultement
 Huchee en tout esbatement
 En grans festes et en tournoys
 Trop craindre ne vault vng tournois.

Honte

Craindre en ieunesse se me semble

Est vng signe bien a priser
 Et si doiuent aller ensemble
 Ou lon se feroit mespriser
 Cest enseignement ie prins hier
 Crestout ainsi que ie le compte
 Tout noble cuer doit craindre honte.

Amours

Est ce honte destre ioyeuse
 Ne de faire les gens valoir
 Sans plus riens destre enuiieuse
 Car du surplus ne pent chaloir
 Quant on se met en nonchaloir
 Cest trop fait de lasche courage
 Tost ou tard leste fait aurage.

Honte

Faire valoir pour valoir moyns
 Les autres ne seroit pas sens
 Je te iure de mes deux mains
 Tu es folle se tu lassens
 Monstree a milliers et a centz
 Seras comme beste sauvage
 Male est eau hors de rinage.

Amours

Veulx tu plus domneur ne dauance
 Que de veoir ces gentilz salotz
 Courir cheuaulx bondir la lance
 Et espinguer saultz et galopz
 Deuant toy qui auras les loz
 Que pour lamour de toy le font
 Noble cueur en ioye se fond.

Honte

Veulx tu plus estre diffamee
 Que danoir nom destre amoureuse
 Dun qui te dit sa bien aimee
 Toutesfoiz il ment maleureuse
 Garde toy pouure douleureuse
 De toy bouter a tel azard
 Busche verte pas a pas ard.

Amours

Recongnoys les biens que nature
 La donne et si largement
 Faite si belle creature
 Que cest vng grant enragement
 Si que non au grant iugement

En rendras compte et reliqua
Il fault garder le rebecca.

Honte

Tant plus ta nature formee
De toutes vertuz acomplie
Tant plus tu dois estre informee
Et de trestous grans biens remplie
Se ton cueur a mal faire plie
Ton compte ne sera pas bon
Qui volee a nattendre bon.

Amours

Se nulle neust aime iamais
Je ne ten voudroye semondre
Ne tesmouuoir a cecy. mais
Les grandes ten peuvent resondre
Toutes aiment sans en escondre
Une tant soit haulte princesse
Quant vient leste le prim temps cesse.

Honte

Pluseurs fois se sont consentues
Aucunes dames par amours

Qui puis sen sont bien repentues
 Et en ont fait maintes clamours
 Mieux te vault faire tes rimours
 Que ten repentir se dieu maide
 A chose faite na remede.

Amours

Ne fut celle du roy arthus
 Et medee et pollissaine
 Et maintes pleines de vertus
 Qui aimerent de teste saine
 Pourtant ne soyez si haultaine
 Que tu naimes qui taimera
 Amer morcel trop amer a

Honte

Qui liroit insques a la fin
 La fin nen fut pas honnourable
 Mais douleureuse a la parfin
 Ainsi me soit dieu secourable
 Pourtant ny soyes saorable
 D'exemple ny fault vng ne deux
 Amours dune ioie a cent deulz.

Amours

Narcisus qui ne vould aimer
 Fut neye dedens la fontaine
 Par iugement qui fut amer
 Des dieux. de ce suis ie certaine
 Je te demande en bonne estraine
 Ne fut bien martyr cestuy la
 Oncques neut ioye qui naima.

Honte

Susanne fut de dien amye
 Qui ne vould aimer follement
 Gardee fut destre perie
 Pour garder honneur seulement
 Belle eut vng dur commencement
 La fin fut bien victorieuse
 Dieu craindre est vie glorieuse.

Amours

On peut bien aimer sans follie
 Ne quil en vieigne deshonneur
 Se villain penser le fol lie
 Ja dieu ne luy soit pardonneur
 Aime ma fille car donneur

Est qui par nature tresprent
Qui fait ce quil doit ne mesprent.

Honte

Lentree est douce et attrapant
Car cest miel de venin confit
Dont on nest iamais attrayant
Sitost quon se sent desconfit
Non y entrer est du prouffit
A tout le sexe feminin
En la queue gist le venin.

Amours

Honte trop lourdement lestrange
Il ny fault point tant destrinees
Celles qui font tant de lestrange
Sont bien souuant les plus priuees
Et quant elles sont destrinees
Dauoir trop tarde se repentent
Beaucoup de choses femmes templant.

Honte

Sages sont celles qui se gardent
Daller en lien pour faire escontes
Car si bien a point ny regardent

Tost y seront iusques aux coutes
 Les parolles prens et escoutes
 Ensuir telz esbatz nest pas mocque
 Tel flatte autruy qui puyt sen mocque.

Amours

Quant on treuve vng homme discret
 On le peut aimer seurement
 Mais quil soit loyal et secret
 Pour bien aimer entierement
 Ainsi garde on legierement
 Sa plaisance si est friuolle
 Fol est qui attend loysel qui vole.

Honte

Il nest chose tant soit secreete
 Qua la parfin on ne la sache
 Tousiours nest pas femme discrete
 De bien sauoir courir sa tache
 Quant lun bonte et lautre fache
 Sauoir le fault de quelque part
 Amours a sa guise despart.

Amours

Helas mamye ce nest pas ce

Ne croyes pas cest ypocrite
 Que feras tu de ta ieunesse
 Quest si belle et si bien escripte
 La veulx tu perdre toute fritte
 Sans faire ton loyal deuoir
 On peut maintesfoiz trop deuoir.

Honte

Deuoir trop ou peu qui emprunte
 Sur son honneur blasme ou reproche
 Ja nacquittera ceste emprunte
 Celle qui soymesmes reproche
 Plus sesloigne et moyns saproche
 Destre par tout bien renommee
 Jamais ne meurt la renommee.

Amours

Dont vient renom fors que des preux
 Dont viennent les preux que des dames
 Par amours qui se sert entre eulx
 Qui font esprouuer ses heaulmes
 Si que vng tout seul vault. x. royaulmes
 Pour vne a qui seruant se clame
 Prouesse double a cueur qui aime.

Honte

Ma seur a iouer sans nul fatras
 Seroit bonne amour et loyale
 Mais apres le cop du matras
 Au long aller nest pas fiable
 Car humanite cordiale
 Sy fourre trop a lauenture
 A peine oublie on sa nature.

Amours

Se nature se veult forfaire
 Dame raison est par dessus
 Pour la corriger et retraire
 Affin quil nen soit pas deceuz
 Pource peut on et ius et sus
 Qui resister veult si maist dieux
 Raison domine soubz les cieulx.

Honte

Qui seroit seur de la raison
 On pourroit tout auenturer
 Mais veoir bruler autrui maison
 Fait pour la sienne procurer
 Que feu ny puisse pasturer

Et quelle ne soit desbastie
Sage par antruy se chastie.

Amours

Chascun scet bien ce nest pas bourde
Que pucelle qui na amy
Toute sa vie est sotte et lourde
Et ne scet ne bien ne demy
Et tousiours a lueil endormy
Sans peu de contenance auoir
Cest belle chose que sauoir.

Honte

Sauoir pucelle sobrement
Doit sans vouloir estre suttile
Cest sa nature proprement
Ou faillir pourroit cop et quille
Tout ne vault pas vne coquille
Quant de languager sentremet
Qui trop parle mensonge y met.

Amours

Trop de bien sauoir ne peut on
Ne de mal mais que lon nen ose
Qui riens ne scet cest vng mouton

Une brebis ou une buse
 Chascune foyz on se rabuse
 Quant on ne scet son entregent
 Ung mot est bel quant il est gent.

Honte

Parler a point quant il est heure
 N'est pas vice ie le confesse
 Combien que femme sen esmeune
 Si doit de parler faire cesse
 Chascune nest mye maistresse
 Qu'en elle on ne treuve a redire
 Mieux se vault taire que mal dire.

Amours

On dira ce que lon voudra
 Mais sen pucelle na du bien
 Nully daimer ne lassaudra
 Pardieu cela sauez vous bien
 Pour samour l'ame lon. combien
 Que dautrement elle soit belle
 Femme ne doit estre rebelle.

Honte

Rebelle nest qui se defend

Pour son honneur entregarder
 Soymesmes courrouce et offend
 Celle qui ne se sçet garder
 Tant se peut on bien mesgarder
 Que le chat se prent au fromage
 Sens est de fouyr son dommage.

Amours

Il nest ma seur mye besoing
 Que toutes celles qui bien aiment
 Soyent gettees pres ne loing
 Saucuns pour dames les reclament
 Trop y en auroit qui se clament
 Bonnes et vaillans preudefemmes
 Sens mesdisans sont trop infames.

Honte

Dangier. enuie. malebouche
 Sont tout par tout faulx helequins
 Garde que leur fait ne te touche
 Car ilz valent pys que coquins
 Pys font que donner les boucquins
 Pource prens garde a ton affaire
 Nully nest blasme de bien faire.

Amours

Peche seroit de toy blasmer
 Et te mettre villain chappel
 Se les gens te veulent aimer
 Doys tu de ce faire vng appel
 Non non. se iestoy en ta pel
 La voudroye ie condescendre
 Amours fit dieu du ciel descendre.

Honte

Lamour de dieu et la mondaine
 Ne se mettent point en vng compte
 L'une est bonne lautre est fredaine
 L'une paye lautre mesconte
 Ceulx qui veulent narrer ce compte
 Se coeuurent bien dun sac moille
 Beau drap ne doit estre soille.

Amours

Cest bonne amour que bien vouloir
 A vng autre com a soy mesmes
 Et se vng galant a ce vouloir
 De tant quil la te met a mesmes
 Ne luy dois tu vouloir ce mesmes

Ainsi dois tu ton honneur sauue
 Bonne femme quant veult se sauue.

Honte

Qui veult escheuer le peril
 Il doit fouyr loccasion
 Pucelle nette craint venin
 Toute ordure et corrupcion
 Affin que par communion
 Ne se puist trouuer entachee
 Blanche couleur est tost tachee.

Amours

Je ne sauroye tant prescher
 Mais aime bien se tu men croys
 Vers moy tu te doys adresser
 Par le dieu qui pend en la croix
 Ja bien nauras se ne me croys
 Ne plaisance en iour de ta vie
 Aimer autrui nest pas enuie.

Honte

Comment tes secretz vergoigneux
 Pourras a honneur descourrir
 Qui doivent estre si soigneux

Destre bien gardez de courir
 Tu ne doys iamaïs loeil ouurir
 Pour regarder vng homme en chere
 Honneur est doreure bien chere.

Amours

Homme et femme sont tout vng
 Dune mesmes masse creéz
 Pource doivent estre commun
 Sans honte en tous lieux asseurez
 Deux sont en vne chair encrez
 Silz sentraiment cest raisonnable
 Toute chose aime son semblable.

Honte

Ma seur tant que seras honteuse
 Et auras crainte de faillir
 Jamais ne seras souffraitense
 Biens ne te pourront defaillir
 Ne te seuffre trop assoaillir
 De ces ioliz fringuans verboys
 Bon fait auoir vng oeil aux boiz.

Amours

Fille tu es a ta franchise

Fais ce que bon te semblera
 Tu as temps de viure a ta guise
 Espoir riens on ne temblera
 Ton fait dantres ressemblera
 Sur le col la bride ten laisse
 Jeune chien enuis va en laisse.

Honte

Honte auras deuant tes yeulx
 Quant tu seras damours esprise
 Le monde ten aimera mieulx
 Et nen seras de dieu reprise
 Conduys sagement ton emprise
 Sur le col la bride ten laisse
 Jeune chien enuis va en laisse.

La pucelle

A Donc les prins a mercier
 De ce que me voudrent aprendre
 Et dis pour les pacifier
 Que me garderay de mesprendre
 Lors me vint le grant iour surprendre
 Quant plus riens ne vis ie mesueille
 Maintz songes plaisent a merueille

Et quant ie fus bien esueillée
 Je pensay a ce que iauoye
 Beaucoup bruge a la veillee
 En moy pourmenant par la voye
 Et ainsi comme ie sauoye
 Recorday tout deux ou troys foiz
 Songes sont vraiꝫ aucunesfoiz.

Jalay daenture trouuer
 Vng qui sauoit lire et escrire
 Si messayay de lesproouuer
 Et si luy dis. Amy beau sire
 Voulez vous point mon songe escrire
 Que iay songe presentement
 Maint songe donne alegement.

Je luy recitay mot a mot
 Ce que dessus est contenu
 Selon ce queste me dit ot
 Lequel la tresbien entendu
 Se iay failly ne soit tenu
 A mespris ie vous en supplie
 A peine est personne accomplie.

Et sil ya riens tant soit peu
 Qui soit digne destre en memoire

Et dont on doiue estre repeu
On fera bien son le veult croire
Et qui voudra de cest ystoire
Que le nom point ie ne vous celle
Cest le songe dune pucelle.

Cy finist le songe dore autrement appelle dune
pucelle.

Ballade

faite a la rescripcion de sa dame.

O R voy ie bien que mon dueil renouuelle
 Et que ma ioye prent son desfinement
 Quant il me fault partir de la tresbelle
 Qui a mon cuer a son commandement
 Si ne say pas la maniere comment
 Viure puisse longuement sans mourir
 Puyz quil me fault de ma dame partir

Car tant mon cuer dedens moy estincelle
 Et iour et nuyt fremist si asprement
 Qu'en moy paour par dangier si se reueille
 Et desespoir qui dun consentement
 Sont aliez pour me faire torment
 Si ne voy pas qui me puist garentir
 Puyz quil me fault de ma dame partir

Mort vien a moy si me prens ie tappelle
 Car iaime mieulx mourir prochainement
 Que recevoir si tresmale nouvelle
 Com de mamour faire deppartement

Mais sans seiour iay le definement
Destrains mon cueur et le vien assaillir
Puis quil me fault de ma dame partir

Prince ie vous supply treshumblement
Que me vueillez donner alegement
Car grief douleur fait mon cueur espartir
Puis quil me fault de ma dame partir

POÉSIES GOTHIQUES FRANÇOISES.

LA COMPLAINTÉ
DE
LA GROSSE CLOCHE
DE TROYES EN CHAMPAGNE.

(PAR NICOLAS MAUROY.)

A PARIS,
DE L'IMPRIMERIE DE GRAPELET,
RUE DE VAUGIRARD, N° 9.

1831.

A PARIS,
CHEZ SILVESTRE, LIBRAIRE,
RUE DES BONS ENFANS, n° 30.



a complainte
de la grosse cloche de Tropes
en Champaigne

La complainte de la grosse cloche de Tropes en Champagne.

A V mois de may que les oiseaux des champs
De tous costez renouellent leurs chantz
Vng peu apres que iulius mourut
Dedans mon lict vng songe me apparut
Dautre fiction que celui de patmos
La ou saint iehan pour le dire a briefz motz
Comme lon scet a faict lapocalypse
Ce fut en lan que se monstra leclipse
Mille cinq cens et treize sans faillir
Que sa fantasme me vint assaillir
Auis me fut quen ce songe nocturne
Je apperceuoye vne femme bien brune
Par son maintien aiant triste esperit
Pour son honneur que veoit preterit
Laquelle auoit dune cloche la forme
Lors quant ie vy ce monstre tant difforme
Je fuz remply de grant sollicitude
Dont me conuint mettre la mienne estude

A me esueillier quasi tout en sursault
 Car elle vint a moy du premier sault
 Plus estourdie que vng vieil verrat qui fume
 En me disant leue toy prens ta plume
 Puis que tu es vng moderne factiste
 Je ne congnois orateur qui soit mixte
 En ceste ville mon cher amy sans faincte
 Pour rediger par escript ma complaincte
 Laquelle veulx en bref estre imprimee
 A celle fin que nen soye blasmee
 Sinon toy seul et pourtant prens couraige
 Litz par escript mon dit et mon langaige
 Car ma douleur ne scanroys plus celer
 A la ville de troyes vueil parler
 Il est besoing que ores la harie
 Je perceu lors et congneu bien marie
 La grosse cloche de troyes en champaigne
 Qui longuement cestoit monstree brehaigne
 Parler a moy lors pour anoir sa grace
 Je me lenay puis en changeant de place
 La ou iestoye couche tout a lenuers
 Escripre vins ce qui sensuit par vers

¶ Paix ou Rien

C La cloche parle a la ville de Troyes

J En vueil a vous troyes cite iolye
 Des champenois le seiour pacifique
 Ville plaisant gorgiasse polye
 Ou tout chascun en amours se ralpe
 Ville de nom ville tresmagnifique
 Ville en laquelle tout le peuple se applique
 A nourrir paix dont on na iamas plainte
 Ville ou ne gist trahison ne traficque
 Entendez moy escoutez ma complainte

C Las ay ie tort se ie me denilz et plainz
 Considerant ma gloire deperie
 Dont a present a vous ie me complains
 Gettant souspirs larmes pleurs criz et plains
 Pour mon honneur que ie apperceoy tarie
 Je suis nommee comme lon scait marie
 Sur toutes cloches digne destre exaulcee
 Mais qui pis est cela vous contrarie
 Marie suis vne cloche cassee

C Dolente moy malheureuse meschante
 Toute plongee en source lacrimable
 Je ne sonne ie ne balle ne chante

Ne plus ne moins que vne pource pechante
 Dont iay conceu douleur inextimable
 Ville de troyes ville tant amiable
 Qui instement tous vices reprimez
 Oyez mon pleur et mon cry lamentable
 En vostre cuer mes souspirs imprimez

E J'ay bien raison de gemir et plorer
 Incessamment sans me donner confort
 Veux que ne puis avec vous implorer
 Que me fessez vng petit reparer
 Nul de voz gens ne sen met en effort
 Se ie men plains certes ie nay pas tort
 Car ie apperçoy ma pompe rabaissee
 Loue soit dieu mais touteffois au fort
 Dire vous vueil ce que iay en pensee

Ces estrangers venans de loing passaige
 Disent de moy et ny puis correspondre
 Par ce quon ne oyt mon son ne clicotaige
 Quant il me voyent certes cest grant dommaige
 Que lon ne fait telle cloche refondre
 Vng autre dit que dieu si puist confondre
 Cil quil premier la cassa et rompit
 Oyant ces motz ausquelz ne puis respondre
 Je meurs de dueil ie creue de despit

Et touteffoys ne scay a qui me plaindre
 Si non a vous venerable cite
 Las ie ne puis mes larmes plus restraindre
 Je men complains et au grant et au maindre
 Ayez pitie de mon aduersite
 Deue me suis en grant prosperite
 Mais ie apperceoy quil en est bien decheu
 Puis que voyez ma grant perplexite
 Secourez moy car il mest trop mescheu

Long temps y a que lon nouyt mon son
 Messieurs de troyes cela nest point honneste
 Guerres de gens nen prisent la facon
 Je ne scay plus ne note ne chancon
 Ains suys icy ainsi que vne muette
 Jadis sonnoye tant iour ouurier que feste
 Dont ie faisoye par tout mon bruit estendre
 Cela mennuye cela fort me moleste
 Ville de troyes vous y deussiez entendre

Deusse ie point par la vostre prudence
 Aux communs fraiz de tous vo; habitans
 Sonner si hault que de mon accordance
 Armonieuse et doulce resonance
 Boys et forest; en fussent retintans
 Si que bergiers par le pais estans

Puissent ouyr de sept lieues a lentour
 Comme iadis en leurs parcz circonstans
 Alon son yssant du hault de ceste tour

¶ Dame atropos auer ses deux deesses
 Cest lachesis et cloto la rebelle
 Ains que bastir alarmes ne proesses
 Sur les humains en suyuant leurs promesses
 Souffriront bien quon me refasse belle
 Quon y pense quon forge quon martelle
 Quon mette auant tous les oultis de fonte
 Si que ma gloire en demoure immortelle
 Et que de moy par tout sont bruyt et compte

¶ Ne deussent pas orpheus et les dieux
 Associez des nymphes et driades
 En delaissant tous debat; odieux
 Au son de moy descendre des hault; cieulx
 Pour faire saulx panuades et gambades
 En regardant par attrayans oeillades
 De vng quignet de oeil les faunes et satires
 Conioinct; aux faees et aux amadriades
 Las ce me sont tres douloureux martyres

¶ Mercure mars ensemble saturnus
 Deussent laisser colaphizans soufflet;

Pour ayder au fentre vulcanus
 Par le moyen du doux vent vulturnus
 Avec mydas et autres mitoufletz
 A redresser leurs forges et souffletz
 Si que fusse par fonte resouflee
 Mais ie voy bien quilz ne font nulz apprestz
 Parquoy ien suis grandement boursouflee

¶ Les oysillons garrulans sur la pree
 Deussent ouyr mes sonoreux tintins
 Beufz mugissans sur lherbe diapree
 Brebis paissans tout du long de la vespree
 Deussent laisser leurs repas serotins
 Pour aux rayons (de phebus) matutins
 Ensemblement vng peu se coniouyr
 Et qui plus est tous les corps celestins
 Au son de moy se deuroient resiouyr

¶ Biches et serfs et autres creatures
 Irraisonables comme bestes reptilles
 Wayns et sangliers serchans leurs aduentures
 Deussent laisser les verdoyans pastures
 Pour escouter mes sons doux et fertilles
 Que diray plus des autres volatilles
 Deuroient ilz point tant les nuytz que les veilles
 Par leurs facons aggresstes et subtilles

Pour mesconter dresser leurs deux oreilles

¶ Brief tous les lieux qui sont circunuoisins
 Du hault beffroy ou lon me voit en train
 Gens estrangers et mesmes les voisins
 De la banlieue bourgeois et citadine
 Deussent trembler de ouyr mon son haultain
 Et qui plus est cela est tout certain
 Les bourguignons iusques a bar sur seine
 Oyans mon son deussent crier a plain
 Viue le roy de france aussi la royne

¶ Et touteffoys sans ce que me remue
 Vous me laissez en vne tour de boys
 Ne plus ne moins que se iestoye en mue
 Je ny dy mot ne que vne beste mue
 Vous me tenez longuement aux aboys
 Entendez y noble ville de troyes
 Ne me laissez tousiours en nonchaloir
 Pensez pour dieu pensez a ceste foys
 Par mon moyen de vous faire valoir

¶ Quant on me orra au trauers de ces champs
 Bien hault sonner ce sera vostre honneur
 Pareillement des bourgeois et marchans
 Qui sont souuent par les pays marchans

Du roy aussi vostre prince et seigneur
 Onc ne vous vint vng mal si tres greigneur
 Qu'il aduiendra se ne suis refondue
 Lon dit de moy tant le grant que mineur
 Et il est vray que suis cloche fendue

¶ Quant vous me aurez refaict et engrossie
 Raison sera que lhonneur en redonde
 Du tout a vous et que vous en mercie
 Car lon pourra sans grant controuersie
 Ayr ouyr sonner de sept lieues a la ronde
 Lon dit de moy quil ny a cloche au monde
 A tout le moins en la crestiente
 Qui soyt plus grant plus grosse plus parfonde
 Lhonneur a vous en demoure exalte

¶ Aucuns ont dit et voulu maintenir
 De la cloche du bon george de amboise
 Faicte a rouen sil men scait souuenir
 Que de grosseur ie ny puis paruenir
 Je nen scay riens a eulx en soyt la noise
 Mais tant y a se lune et lautre on poise
 On trouuera puis quil le conuient dire
 Qu'il ne sen fault la longuer de vne toise
 Conclusion il ny a guere a dire

¶ Quant au regard de la cloche de mets
 Au pris de moy cest bien petite chose
 Et dabondant pour vng autre entremet;
 Celles de tours sont assez belles mais
 Cest riens ou peu ie suis la passerose
 Cloche ny a deca les mons qui ose
 Pour sa grosseur largeur ou magnitude
 Par dessus moy ainsi que ie suppose
 En se exaltant employer son estude

¶ Dedans paris es tours de nostre dame
 Deux beaulx vaisseaux cela scay ie trop bien
 y sont trouuez; lequelz point ie ne blasme
 Mais ie soustien deuant tout homme et femme
 Que au pris de moy cest peu de chose ou rien
 Il y en a ie ne scay pas combien
 En dautres lieux de cela ne fais doubte
 Raison pourquoy car ie ny voys ne vien
 Ce neantmoins ie suis la passe route

¶ Il y en a des autres anciennes
 Comme a saint fleur a chartres et a bruges
 Pareillement dedans valenciennes
 Qui de sonner sont plus praticiennes
 Que ie ne suys et font plus gros deluges
 Mais au rapport des maistres et des iuges

Bien approuuez en lart de fonderie
 Pour tous apuys pour tous autres refuges
 Il nest que moy que lon nomme marie

¶ Or pour monstrier mon yssue et naissance
 Vous scauez bien sans faire plus grant noise
 Que long temps a au beffroy dexcellence
 Fut vne cloche de grande precellence
 Qui honnoroit la terre champenoise
 Celle la fut mon ancestre courtoise
 De qui iay prins origine premiere
 On la nommoit marie la bourgeoise
 Sa fille suys et elle estoit ma mere

¶ Mais pour scauoir comment elle fut faicte
 Aucuns ont dit que vne femme la fit
 A ses despens qui fut tres grosse emplette
 Affin de auoir de vne prison secrette
 Le sien mary qui iadis se forfit
 Je ne scay se en eustes le proffit
 Je ne men vueil mesler ne entremettre
 De ce me tais et a tant me suffit
 Riens on nen trouue ne par dit ne par lettre

¶ Il est bien vray que certain temps apres
 Voz habitans fondirent ce vaisseau

Qui bel estoit plus riche que cypres
 Et peu a peu firent tous leurs apprest;
 Pour en bastir vng nouuellet trousseau
 Puis en faisant ce chef doeuvre nouveau
 Subtillement lon fondit ceste cloche
 Dont suis yssue honorable ioyau
 Celle des autres quon nomme sans reproche

C Le bon ploton concierge du beffroy
 Dedans lequel ie suis sans fiction
 Auec proco homme de bonne foy
 Et nicolas le feure comme croy
 Eurent de vous plaine commission
 De circuyr toute la nation
 Citramontaine de la crestiente
 Affin de veoir par affirmation
 Toutes les cloches qui y auoyent este

Ils furent lors parmy diuers pays
 Pour apporter la mesure certaine
 De toutes cloches dont gens sont esbahis
 Cela fut fait au temps du roy loys
 Vnziesme lan second de son regne
 Mais pour tout vray ie suis la souueraine
 Car en tous sens ie les passe et surmonte
 Quil soyt ainsi de quel coste quon viengne

Me visiter lon tient de moy grant compte

¶ Mon ayeulle qui tant fut exaltee
 Pour sa grosseur ainsi que lon disoit
 Lorsquelle fut la ou ie suis bouttee
 Tant seullement de matiere gettee
 Peu plus peu mains quinze milliers pesoit
 Dont grandement chascun lauctorisoit
 Et venoit lon comme lon peult scauoir
 En ce beffroy ou quel elle posoit
 De toutes pars la visiter et voir

¶ Mais moy quon dit le ioyau de la ville
 Par mes raisons ie soustien et conclus
 Que ie ne suis si drogue ne si vile
 Raison pourquoy ie poise trante mille
 Qui est beaucoup cest bien la moitie plus
 Vingt huit piedz ou trante au surplus
 Jay de mon tour cest chose merueilleuse
 De la longueur le nombre est superflus
 Par quoy ie suis sur autres sumptueuse

¶ Ceulx qui me firent ie croy sont expirez
 Dignes de auoir regial epitaphe
 Leurs noms sont mis en tiltres azurez
 De lettres dor enrichiz coullorez

Crimphamment dedans mon cronographe
 Simon magret qui nauoit couleur blafe
 Et son nepueu natif de haillecourt
 Avec son filz selon mon epitaphe
 Eulx troys mont faicte pour le vous faire court

¶ Ce fut en lan se le voulez scanoir
 Mil quatre cens avec soixante deux
 Que de sonner faisoie grant denuoir
 En ce temps la fournistes gros auoir
 Pour mettre sus mon estat sumptueux
 Doz habitans nobles et vertueux
 En sont prisez iusques en tartarie
 Mais ce depuis le sort defectueux
 En est tumbé sus moy poure marie

¶ Cinq ans apres ou guerres ne sen fault
 Par vng dispos comme ie croy fatal
 Vng estourdy vng coquart vng brifault
 Quant men souuient helas le cueur me fault
 Me vint casser pour deshonneur total
 Et qui plus est nagueres mon batail
 Par cinq ou six lancequenais pietons
 Si fut rompu dont il me fait bien mal
 Aux malheureux tousiours les viretons

Cinquante ans a et vng que ie suis faicte
 A bien compter la date de l'annee
 Grosse massiue pesante fort replete
 La plus puissant que fut iamais de mette
 Homme vinant ne creature nee
 Mais ie me sens si treffort estonnee
 Pour mon hault bruit qu'on laisse exterminer
 Que ie vaulx pis que vne vieille arrenee
 Et si ne scay comment me demener

En ce grief mal en ceste passion
 Ville de troyes sur toutes opulente
 Aurez vous point de moy compassion
 Participez a mon affliction
 Je vous en prie sans vous monstrier trop lente
 Chascun vous dit estre plus vigilante
 En voz affaires que nulle antre cite
 Resueillez vous ne soyez somnolente
 Oyez mon dueil et mon aduersite

Entreprenez ce chef doeuure notable
 Ville de troyes qu'on me face refaire
 A tout iamais en gloire pardurable
 Vous acquerrez vne grace notable
 Se ainsi le faictes nul ne dit du contraire
 Vous me oyez plaindre crier et braire

Serez vous point de mon mal compassiue
 Trop y mettez ha ie ne men puis taire
 Ja ne conuient estre si fort actiue

¶ Ne differez y mettre la despense
 Preparez tout et si vous aduancez
 Mil cinq cens francs ainsi comme ie pense
 Sans obtenir ne bulle ne dispense
 y souffriront grandement et assez
 Si vous auez des deniers amassez
 Exposez les en ma refaction
 Louenge auez en ce faisant pensez
 Digne de honneur et collaudation

¶ Nobles bourgeois de troyes la cite
 Gentilz marchans vous aussi mecaniques
 Ne sera point vostre cueur incite
 A me bouter 'en grant felicite
 Plus que iamais par voyes autenticques
 Gens exercens les ouures politiques
 Comme escheuins de ville aussi mayeurs
 Deussent penser par leurs haultes pratiques
 A me refondre cela disent plusieurs

¶ La cloche conclud

¶ Conclusion autre chose ne prie

Fors que ie soye refaïcte et refondue
 Croysiens a tous ie vous supplie
 Ayez pitie de la pource marie
 Qui est cassee aussi toute fendue
 Faïctes si bien que ie soye entendue
 Et que ie face vng gros et grant effroy
 Ja ne sera vostre peine perdue
 Quant on me orra sonner en ce beffroy

¶ Vous tisserrans et gens de tous mestiers
 Drays citoyens et ceulx des enuirons
 Soulons laueurs couturles chaussetiers
 Drappiers merciers macons bibelottiers
 Amassez potz paesles et chauderons
 Casses godetz lumieres lucerons
 Mectez metal matiere et aultres metz
 Cuiure laton charbons et flamerons
 Pour me refaire plus grosse que iamais

C Par les premieres lettres des treize vers subsequens lon trouuera le nom et le surnom du compositeur de cest oeuvre.

Ne dormez plus troysiens gentil;
 Jeunes et vieulx autant grans que petit;
 Chascun de vous maintenant se reueille
 Ouurez les yeulx dressez voz appetiz
 La grosse cloche de ce vous aduertiz
 A ce comp cy vous met pulce en loreille
 Seigneurs de troyes il conuient quon trauaille
 Mieux que iamais a la fondre et refaire
 Assez auez des biens pour la refaire
 Vous y deuez sus tous auoir le cueur
 Raison le veult qui ne dit du contraire
 Or en pensant a ce hault mistere
 ymaginez qua vous en est lhonneur

C Paix ou Rien

Finis

POÉSIES GOTHIQUES FRANÇOISES.

LES SOUHAITS
DU MONDE.

A PARIS,
DE L'IMPRIMERIE DE CRAPELET,
RUE DE VAUGIRARD, n° 9.

1831.

A PARIS,
CHEZ SILVESTRE, LIBRAIRE,
RUE DES BONS ENFANS, N° 30.



Les souhaiz du monde.

Lacteur

A Pres le nocturne repos
Au matin ie me mis en voye
Vng iour passay par fol propos
Sans scauoir en quel part ialoye
Mais fantasie qui conuoye
Esperitz ioyeux inuenteurs
Me guida sans trouuer montioye
Dont ie receuz en mon cuer ioye
Dedans la rue des souhailleurs
La trouuay gens destatz plusieurs
De souhaiter faisans merueilles
Des aucuns par leurs grans clameurs
Et comme lung des auditeurs
Jentendis choses nompareilles
Alors destouppay mes oreilles
Et les souhaiz quilz auoient faictz
En rime ie mis tous parfaictz

Le Pape

Sieutenant suis du filz de dieu en terre
Souhaiter vueil pour mon souhait parfaict

De veoir les iours que vit le bon saint pierre
 Moyennant dieu qui congnoist tout ce fait
 Et force plomb tousiours mettre en effect
 Pour le prouffit du siege apostolique
 Des grans vacquans souuent estre refaict
 Adnichiller le contenu et faict
 De certains poinctz aussi la pragmatique

L'empereur

Pour mon souhait ne prendray pas le pire
 Je souhaite estre preux et vaillant
 Pour augmenter et regir mon empire
 Ne plus ne moins que fist charles le grant
 Des bons rommains me demonstrent garant
 Acquerir loz par luniuersel monde
 Au grant temple dhonneur tresexcellent
 Et de vertu sur tous bel et plaisant
 Mentretenir avec la pomme ronde

Le Roy

Avoir tousiours dhonneur la preference
 Dame a mon gre pour successeurs produire
 Chiens/oyseaulx pour prendre ma plaisance
 Sens naturel pour mes subiectz conduire
 Et iustement faire les armes luyre
 Doubte et craint aux estranges pays

Sans que iamais homme ne me peust nuyre
 Mais par force debeller et reduire
 Dessoubz ma main mes traitres ennemys

Le Cheualier.

Aussy hardy que fut Hector de troye
 Aussi puissant que le preux hercules
 Sans craindre riens/passer par toute voye
 Et assaillir donions/chasteaulx/palais
 Cheuaulx puissans/et de mesmes bardez
 Que sans cesser fissent ruades et saultz
 Estre rente pour dire iay assez
 Et quant viendray au renc des trepassez
 Que mon vray dieu me pardonne mes maulx

Le mignon de court

Frisque et gaillard/des dames estre en grace
 Plaisant maintien/contenance asseuree
 Bel entregent/doulx parler plain daudace
 Corps de mesmes/face bien collore
 Habit; nouueaulx/tous les iours de liuree
 Pour me trouuer/es festes et banquetz
 Tresbien pigne/perrucque testonnee
 Estre appelle par bruyt et renommee
 Le principal des mignons perrucquetz

Le praticien

Pour le comble de tous mes bons souhaits
 Je demande maison et heritaige
 Plaitz et causes/procedures/proces
 Subtil engin/et auoir beau langaige
 Les cautelles scauoir par vray vsaige
 Pour attraper dons et presens mondains
 Tenir faueur en asseure estage
 Et auengler iustice en maint passage
 Daboc/dabac/tousiours prendre a deux mains

Le medecin

Et moy qui suis docteur en medecine
 Je souhaite pour mieulx faire mon cas
 Auoir tousiours lurinal et lurine
 Entre mes mains pour serrer les ducatz
 Autant scausir quoncques fist ypocras
 L'air corrompu/infaict/puant/espez
 Plain de venin/et de mauuais brouillas
 Et renuerser malades a grans tas
 Pour donner cours a tous mes recipez

Le chirurgien

Je souhaite pour mes ioyeux esbatz

Paix entour moy et guerres aultres lieux
 A celle fin que noyses et debat
 Ayent leurs cours sur ieunes et sur vieux
 Playes/bosses/sur le fronc ou aux yeulx
 Il ne men chault comme voudra fortune
 Dagues/poygnars/halebardes/espieulx
 De mon prouffit sont tousiours curieux
 Car par iceulx ie attrappe la pecune

Le prestre

Cest mon souhait de faire bonne chere
 Auoir de quoy pour remplir les entrailles
 Et veoir bossu tousiours le cymetiere
 A celle fin quon face funerailles
 Et chicaneurs dedans grosses murailles
 Bien emmurez autant grans que petis
 Car pour margot ie doubte leurs batailles
 Exempt ie suys des impostz et de tailles
 En ce monde ne crains que citetis

Le saige

Tousiours mon cueur en dieu le souverain
 Viure en sancte tout le cours de nature
 Et posseder lheritaige certain
 Apres la mort laquelle est a tous seure
 Des grans tresors ie ne prens soing ne cure

Pompeux habitz ie metz en oubliance
 Car dieu pournoit tout ainsy quon procure
 Par mon souhait souhaite par droicture
 De peu assez et de tout souffisance

Le fol

Pour mon souhait qui nuyt et iour massotte
 Je souhaite des choses nompareilles
 Premièrement vne belle marotte
 Et chapperon garny de grans oreilles
 Des sonnettes faisant bruyt a merueilles
 Sy de soucy/de chagrin/et de deul
 Dancer de hait dessoubz buyssons et treilles
 Bon appetit pour vuidier potz/bouteilles
 Et a la fin pour tresor vng linceul

Lamoureux

Puis quil conuient par souhait souhaiter
 Je souhaite auoir la iouyssance
 De vne pour qui le gris me fault porter
 En demonstrance que vis en esperance
 De ses regars tousiours estre en presence
 Et recepuoir vng baiser de sa bouche
 Que sans rigueur nous fissions alliance
 Et nud a nud pour toute ma plaisance
 Faire cela sur vne belle couche

Le mendien

En verite pour tout mon beau souhait
 Je souhaite bribes en ma besasse
 A desjeuner auoir vng oeuf mollet
 A disner humer la soupe grasse
 Vng grant godet en lieu dune grant tasse
 Plain de vin blanc au retour de matines
 Reformateurs estre plonge; soubz glaces
 Lors verriez bigot; en toutes places
 Mieux que iamais faire trembler courtines

Lusurier

Souuentesfoys ie regarde et aduise
 Pour mon prouffit si le vent tournera
 Je souhaite pour vent marin la bise
 En esperant que le fruit gelera
 Dont mes greniers a mon pris videront
 Et mon souhait du tout se parfera
 Quant temps destre pour yuer se passera
 Tous mes coffres de biens se rempliront

Le laboureur

Sain et gaillard en cultinant ma terre
 Temps attrempe/asseuree sayson
 Viure cent ans sans veoir dominer guerre

Et estre en paix tousiours dans ma maison
 Alengant mes poiꝝ au pres dung gros tison
 Petter/ronfler en prenant mes repoz
 Et que chascun me fist droit et raison
 Pain bis et lard en lieu de venaison
 Et estre franc des tailles et impostz

Le gueux

Soubz le caignart ou ie faitz mon repaire
 Je souhaite millie frisque et gaillarde
 Et le rouart estre au dela du caire
 Car cest celuy qui dessus moy regarde
 Pour tout cheuet vne grosse royllarde
 Pleine de vin pour resionir le gueux
 Grasses trippes a force de moustarde
 Hors du massis ie fusse en saulue garde
 De ce tollart qui est si dangereux

Le coquin

Je souhaite par monsieur saint mathieu
 Bribes/lopins/tousiours pour ma demande
 Estre pourueu de viande autre que dieu
 Car plusieurs foyz ien ay trespoure offrande
 Quant on me dit dieu par sa pitie grande
 Te pouruoie/or ten va mon amy
 De tristesse nay veine qui ne tende

Mais en baillant/ie dit; dieu le vous rende
Et suis ioyeux par monsieur saint remy

Le prisonnier

De fol iuge enitter la sentence
De faulx tesmoings les confrontations
Grace obtenir/rigueur mettre en absence
Pour le danger des grans vexations
Sans amendes faire digestions
Il mest aduis que iay bien souhaite
Mais de rechet pour mes conclusions
Hors de prison eslit; mes mansions
Il nest tresor que dauoir liberte

Le sergent

Je souhaite pour bien faire mon floc
Trouuer larrons saisir a lauantaige
Pour les griffer prendre en tache et en bloc
Tout le butin quilz ont eu au fourage
De les mener en prison par ostage
Il ne men chault/car ce nest pas mon gaing
Quant le contant me fournissent pour gaige
Tres vouldentiers leur foyz voye et passaige
Car pour argent a telz gens suis humain

Le coqu

De souhaitter il fault que ie mauance

Pour tout souhait ie nen demande que vng
 Auoir femme que pour or ou cheuance
 Preste son bas a messire chascun
 Car iappete viure sur le commun
 Porter velours au despens de son cul
 Autant prise le blanc comme le brun
 Mais quon baille par diem ce mest tout vng
 Il ne men chault son mappelle coqu

Laduenturier

Tant a millan a napples que dans romme
 Guerre tousiours pour la poulle menger
 Je souhaite dessus iacques bon homme
 Viure de hait/villains faire renger
 Trouuer butins apres les grans assaulx
 Et puis apres quant fauldroit desloger
 A mon retour ie me puisse loger
 Sans rencontrer preuost des marechaulx

Le hazardeux

Troys dez au poing pour tout passe temps
 Quinze sur dix/et sur huyt faire seize
 Ou rencontrer tout ainsi que ientens
 Six/cinq/et deux au per pour faire treze
 Faire cent mains pour me rendre bien aise
 Que chascune fust de cinq cens ducat;

Cest mon souhait par monseigneur saint blaise
 Et nen scay point dautre que plus me plaise
 Car a ce ieu ie prens tous mes esbatz

Lacteur

Auoir tousiours en ma bource vng escu
 Et estre exempt de toute maladie
 Que ma mye ne me fist point coqu
 Et que nulluy ne print sur moy enuye
 Sans enuieillir ie finasse ma vie
 Que nature ne fist son payement
 De ma personne iusques au iugement
 Et quant la mort prendroit sur moy son droit
 Qu'en paradis fusse porte tout droit

¶ Finis.

POÉSIES GOTHIQUES FRANÇOISES.

LA FARCE
DU MEUNIER
DE QUI LE DIABLE EMPORTE L'AME EN ENFER,

COMPOSÉE PAR N. DE LA VIGNE (1496)

ET JOUÉE PUBLIQUEMENT EN LA VILLE DE SEURRE, EN BOURGOGNE,
L'AN 1496.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1831.

A PARIS,
CHEZ SILVESTRE, LIBRAIRE,
RUE DES BONS ENFANS, N° 30.



a Farce
du munper de qui le deable
emporte lame en enffer.

NOTE.

CETTE farce, dont le sujet a été pris dans le fabliau du *Pet au Villain*, par Rutebœuf (Barbazan, édit. de Méon, T. III, p. 67; et *Le Grand d'Aussy*, édit. in-8°, d'Onfroy, T. II, p. 112), est ici imprimée pour la première fois. Elle se trouve dans le manuscrit de la Bibliothèque Royale, fonds de La Vallière, n° 51 (fol. 241, *recto*), décrit dans le Catal. de cet amateur, T. II, p. 418, n° 3362. Elle est sans nom d'auteur, ainsi que les autres pièces dramatiques que contient le même volume; mais à la fin d'une espèce de procès-verbal très curieux qui le termine, et où toutes les circonstances de la représentation du *mystère de Saint-Martin* et de la *farce du Meunier* sont racontées, on trouve la signature de *N. de La Vigne*, de la même écriture que celle qui règne dans le manuscrit. Or, comme les ratures, les corrections, et une foule d'autres particularités, prouvent qu'il est autographe, nous avons donc raison de croire que N. de La Vigne est l'auteur des ouvrages qu'il renferme. Nous croyons même que cet auteur étoit frère, ou tout au moins parent d'Andry de La Vigne, collaborateur d'Octavien de Saint-Gelais; car le nom du second se trouve, 1°. dans la liste de ceux qui ont joué les deux pièces, et il y est désigné comme *portant le registre*; 2°. dans le procès-verbal, comme étant un de ceux qui ont commandé le *mystère de Saint-Martin*. Il y est appelé *maistre Andrieu de La Vigne, natif de la Rochelle, facteur du Roy*.

La *farce du Meunier* fut jouée publiquement le dimanche 9 octobre 1496, le jour de la fête de saint Denis, à trois heures de l'après-midi, dans le parc du marquis de Seurre.

FRANÇOISQUE MICHEL.

Farce du munyer

De qui le deable emporte lame en enffer.

Le munyer

(couche en vng lit comme malade.)

M R suis ie en piteux desconfort
Par maladie griefue et dure
Car espoir ie nay de confort
Au grant mal que mon cuer endure.

La femme.

Fault il pour vng peu de froidure
Tant de fatras mettre dessus.

Munyer.

Jay moult grant peur si le froit dure
Quaulcuns en seront trop deceux.
A/les rains.

Femme.

Sus de pardieu sus.
Que plus grant mal ne vous coppie.

Munyer.

Femme pour me mettre audessus
Baillez moy.

Femme.

Quoy.

Munyer.

La gourde pie
Car mort de si tres pres mespie
Que ie vaulx mains que trespasse.

Femme.

Mais qu'avez vous toujours la roupie
Au nez.

Munyer.

C'est bien compasse.
Avant que iaye au moins passe
Le pas pour dieu donnez ma boire.
A/. dieu le ventre.

Femme.

Et voire voire
Jay vng tresgracieux douaire
De vostre corps quant bien ie y pence.

Munyer.

Le cueur me fault.

Femme.

Bien le doy croire.

Munyer.

Mort suis pour toute recompense

Se ie ne refforme ma pence
 De vendange delicieuse.
 Ne me plaignez poinct la despence
 Femme soyez moy graciense.

Femme.

Estre vous doybs malicieuse
 A tout le moins ceste iournee
 Car vie trop mauigraciense
 Alanez en tous temps desmenee.

Munyer.

Femme ne scay de mere nee
 Qui soit plus aise que vous estes.

Femme.

Je suis bien la malle assenee
 Car nuyt ne iour rien ne me faictes.

Munyer.

Aux iours ouuriers et iours de festes
 Je foyz tout ce que vous voulez
 Et tant de petis tours.

Femme.

Parfaictes.

Munyer.

Haaa.

Femme.

Dites tout.

Munyer.

Vous vollez

Vous venez et/.

Femme.

Quoy.

Munyer.

Vous allez

Un gauldissez lautre gallez

Puis chetz gaultier puis chetz martin

Aultant de soir que de matin

Pencez que dens mon aduertin

Les quinze ioyes nen ay nuy.

Femme.

Lauez vous dit villain mastin

Vous en auez.

(Elle fait semblant de le battre.)

Munyer.

Dites mamye

Ou nom de la vierge marie

Maintenant ne me batez poinct

Malade suis.

Femme.

Tenez tenez.

(Elle le bat.)

Munyer.

Qui se marie
Pour auoir vng tel contrepoinct
Je ne scay robe ne pourpoint
Qui tantost nen fust descousu.
(Il pleure.)

Femme.

Cella vous vient trop bien a poinct.

Munyer.

A cest le bon temps quauex heu
Et le bien.

Femme.

Comment.

Munyer.

Ho Ihesu
Que gaignez vous a me ferir.

Femme.

Il en est taille et cousu.

Munyer.

Vous me voulez faire mourir

Mais se ie puis vng coup guerir
Mort bien ie le /

Femme.

Vous grongnez
Encore faictes.

Munyer.

Requerir
Mains iointes vous veulx.

Femme.

Empoignez
Ceste prune.

(Elle frappe.)

Munyer.

Or besongnez
Puis que vous lauez entrepris.

Femme.

Par la croix bien se vous lougnez.

Munyer.

A poure munyer tu es pris
Et trop a tes despens repris
Que bon gre saint pierre de romme.

Femme.

Vous manez le mestier appris

A mes despens/mais.

Munyer.

En somme
De grant despit vey vng homme
Mort pour toute solucion.

Femme.

Je nen donne pas vne pomme.

Munyer.

En lonneur de la passion
Je demande confession
Pour mourir catholiquement.

Femme.

Mais plus tost la potacion
Tandis quaez bon satement.

Munyer.

Vous vous morguez/par mon serment
Quant mes douleurs seront estainctes
Se par vous vois a dampnement
A dieu ie feray mes complainctes.

Le Cure.

Il y a des sepmaynes maintes
Que ie ne vis nostre munyere
Pour ce ie men vois aux actaintes

La trouuer.

Munyer.

Constumyere

A ceste estremyte dernyere

Estes trop/.

Femme.

Quesse que tu dis.

Munyer.

Je conteray vostre mannyere

Mais que ie soye en paradis.

Avoir tous les membres roidis

Estre gisant sur vne couche

Et battre vng homme/ie mauldis

(Il pleure.)

Leure que iamais/bonne bouche.

Femme.

Fault il quencore ie vous touche

Quesse cy/faictes vous la beste.

Munyer.

Laissez men pay/trop fine mouche

Estes pour moy.

Femme.

Ho/qui barberte

Qui gronde qui/Quesse cy quesse.

Comment seraige poinct maistresse
Que meshuy plus vng mot ie noye.

Le Cure.

Madame dieu vous doinct lyesse
Et plante descus vous enuoye.

Femme.

Bien venu soyez vous/ianoye
Vouloir de vous aller querir
Et maintenant partir debuoye.

Cure.

Pour quoy.

Femme.

Pour ce que mourir
Veult mon mary dont ien ay ioye.

Cure.

Il faudra bien quon se resioye
Sainsi est.

Femme.

Chose toute seure
A son cas fault que lon pouruoye
Sagement sans longue demeure.

Munier.

Hellas et fault il que ie meure
Hon hon hon ainsi meschamment.

Femme.

Jamais il ne viura vne heure
Regardez.

Cure.

A par mon serment
Est il vray. A dieu vous commant
Munyer/haa il est despesche.

Femme.

Cure nous viurons gayement
Sil peult estre en terre perche.

Cure.

Trop long temps vous a empesche.

Femme.

Je ny eusse peu contredire.

Munyer.

Que maudict de dieu sans peche
Toutes fois le puisse ie dire
Soit la pu/.

Femme.

Quesse cy a dire
Conuient il qua vous ie renoise.

Cure.

Gauldir fauldra.

Femme.

Chanter.

Cure.

Et rire.

Femme.

Vous me verrez bonne galloise.

Cure.

Et moy gallois.

Femme.

Sans bruyt.

Cure.

Sans noyse.

Femme.

Des tours ferons vng million.

Cure.

De nuyt et de iours.

Munyer.

Quelz bourgeoise.

Tu en es bien pource munyer.

Femme.

Hon.

Munyer.

Robin a trouue marion

Marion tousiours robin treuve.
Hellas pour quoy se marie on.

Femme.

Je feray faire robe neufue
Si la mort vng petit s'espreneue
A le me mettre d'une part.

Cure.

Garde na que de la se meue
Ne que plus en face depart
Mamy.

(Il leembrase.)

Munyer.

Le deable y ait part
A lamyte tant elle est grande.
A/en faict on ainsi.

Femme.

Paix coquart.

Cure.

Vng doulx baiser ie vous demande.

(Il leembrase.)

Munyer.

Orde vielle putain truande
En faictes vous ainsi non mye
Decy pour moy trop grant esclandre

Par le saint sang/.
 (Il fait semblant de se leuer et la femme vient a
 luy et fait semblant de le battre.)

Femme.

Quoy.

Munyer.

Rien mamye.

Femme.

Hoon.

Munyer.

Cest le cueur qui me fremye
 Dedens le corps et me fait braire
 Il a plus dune heure et demye.

Cure.

Mais commant vous le faictes taire.

Femme.

Sil dit rien qui me soit contraire
 Couser le fois a mon denis.

Cure.

Vous auez pouoir volontaire
 Dessus luy selon mon aduis.

Munyer.

Conge me fault prandre des vifz.

Et men aller aux trespassez
 De bon cuer et non pas enuis
 Puis que mes beaux iours sont passez.

Cure.

Auez vous rien.

Femme.

Assez assez
 De cella ne fault faire doubte.

Munyer.

Ouesse que tant vous rabassez.

Femme.

Je cuyde moy que tu radoubte.

Munyer.

Vous semble il que ie noy goucte
 Si fois dea qui est ce gallant
 Il vous guerira de la goucte
 Bien le scay.

Femme.

Cest vostre parent
 A qui vostre mal apparent
 A este par moy figure.

Munyer.

De lignaige est trop differant.

Femme.

Par dieu non est.

Munyer.

Cest bien iure.

Commant deable nostre cure
Est il de nostre parentaige.

Femme.

Quel cure.

Munyer.

Cest bien procure.

Femme.

Par mon ame.

Munyer.

Vous dictes raige.

Femme.

Hee.

Munyer.

Ho.

Femme.

Tant de langaige
Cest il a payne dun escu.

Munyer.

Sainet iehan sil est de mon lignaige

C'est du cartier deniers le cu.
Je scay bien que ie suis coqun
Mais quoy dieu me doint pascience.

Femme.

A paillart esse bien vescu
De dire ainsi/. ma conscience
Vous verrez vostre grant science
Car ie le vois faire venir.

(Elle vient au cure.)

Cure.

Qui a il quoy.

Femme.

Faictes scilence
Pour mieulx a noz fins paruenir
Bonne myne vous fault tenir
Quant serez denant mon villain
Et veillez tousiours maintenir
Questes son grant cousin germain.
Entendez vous.

Cure.

Oy.

Femme.

La main
Luy mettrez dessus la poitryne
En luy affermant que demain

Le doit venir voir sa cousine
 Et aduenra quelque voisine
 Pour luy donner alegement
 Mais il vous fault legyrement
 De ceste robe reuestir
 Et ce chappeau.

Cure.

Par mon serment
 Pour faire nostre effect sortir
 Si vous ne voyez bien mentir
 Je suis contant que lon me pendre
 Sans plus de ce cas maduertir.

Munyer.

A tresorde vielle truande
 Vous me baillez du cambouys
 Mais quoy vous en paires lamende
 Se iamais de sante ioy.
 Quesse cy dea ie mesdais
 Qui deable la tient somme toute
 Jen despeschere le pays
 Par le sang bien quoy quil me couste.

Cure.

Que faictes vous la.

Femme.

Desconte

La complainte de mon badin.

Cure.

Il fault quen bon train on le bonte.
Dieu vous doinct bon iour mon cousin.

Munyer.

Il suffit bien destre voisin
Sans estre de si grant lignaige.

Femme.

Regardez ce grox lymosin
Qui a tousiours son hault couraige.
Parlez a vostre parentaige
Sil vous plaist en luy faisant feste.

Cure.

Mon cousin quelle est vostre raige.

Munyer.

Hay. vous me rompez la teste.

Femme.

Par mon serment cest vne beste
Ne pencez poinct a ce quil dit
Je vous en prie.

Munyer.

Ceste requeste
Aura deuers luy bon credit.

Cure.

Vous aige meffait ne mesdit
Mon cousin/dont vous vient cecy.

Femme.

Sus sus/. que de dieu soit maudit
Ce villain/. et parlez icy.

Munyer.

Laissez men paix.

Femme.

Est il ainsi.

Voire ne parlerez vous point.

Munyer.

Jay de dueil le corps tout transsi.

Cure.

Par ma foy ie nen doute poinct.
Ou esse que le mal vous poinct
Parlez a moy ie vous emprie.

Munyer.

Las mettez moy la teste appoinct
Car la mort de trop pres mespie.

Femme.

Parlez a regnault croque pie
Vostre cousin qui vous vient voir.

Munyer.

Croque pie.

Femme.

Oy pour voir

Pour faire vers vous son debuoir

Il est venu legierement.

Munyer.

Se nest il pas.

Femme.

Si est vrayment.

Munyer.

Ha mon cousin par mon serment

Humblement mercy vous demande

De bon cuer.

Cure.

Et puis commant

Mon cousin dictes moy samende

Vostre douleur.

Munyer.

Elle est si grande

Que ie ne scay comment ie dure.

Cure.

Pour scauoir qui se recommande

A vous mon cousin/. ie vous iure

Ma foy dea poinct ne me pariure
 Que cest bictris vostre cousine
 Ma femme/. Jehenne turelure
 Et melot sa bonne voisine
 Qui ont pris du chemin saisine
 Pour vous venir reconforter.

Munyer.

Loue soit la grace divine
 Cousin ie ne me puis porter.

Cure.

Il vous fault vng peu deporter
 Et pencer de faire grant chiere.

Munyer.

Je ne me puis plus comporter
 Tant est ma malladie chiere.
 Femme sans faire la renchiere
 Mettez acoup la table icy
 Et luy apportez vne chiere
 Si se serra.

Cure.

A grant mercy
 Mon cousin ie suis bien ainsi
 Et si ne veulx menger ne boire.

Munyer.

Jay si tresgrant douleur par cy.

Cure.

A cousin il est bien a croire
Mais sil plaist au doux roy de gloire
Tantost recouvrerez sante.

Femme.

Je vois querir du vin.

Munyer.

Voire voire

Et apportez quelque paste.

Femme.

Oncques de tel ne fut taste.
Sceez vous.

Munyer.

Cousin prenez place.

Femme.

Very pain et vin a plante.
Vous serrez vous.

Cure.

Sauf vostre grace.

Munyer.

Fault il que tant de myne on face
Par le sang bien/cest bien iure
Vous vous serrez.

Cure.

**Sans plus despace
Que vous ne soyez pariure.**

Munyer.

**A si sestoit nostre cure
Pas tant ie ne len prieroye.**

Cure.

Et pour quoy.

Munyer.

**Il ma procure
Aulcun cas que ie vous diroye
Voluntiers/mais ie noseroye
De peur/.**

Cure.

Dictes hardiment.

Munyer.

Non feray car batu seroye.

Cure.

Rien nen diray par mon serment.

Munyer.

**Or bien donc/.vous scauez comment
Les prestres sont aduentureux
Et nostre cure mesmement**

Est fort de ma femme amoureux
 De quoy iay le cuer douloureux
 Et rempli de proplexite
 Car coqu ie suis maleureux
 Bien le scay.

Cure.

Benedicite.

Munyer.

Le poinct de mon aduersite
 Cest illec sans nul contredit
 Gardez quil ne soit recite.

Cure.

Jamais.

Femme.

Quesse quil dit
 Je suis certayne quil mesdit
 De moy ou dancun myen amy
 Ne fait pas.

Munyer.

Non par saint remy.

Cure.

Il me disoit quil na dormy
 Depuis quatre ou cinq iours en ca
 Et quil na si grox cuy fremp

Le cuer ne les boyaulx.

Femme.

Or ca

Beuvez de la / mengez de sa
Mon cousin sans plus de langaige.

Luciffer.

Harro deables denffer ientraige
Je meurs de dueil ie pers le sens
Jay laisse puissance et couraige
Pour la grant douleur que ie sens.

Sathan.

Nous sommes bien mil et cinq cens
Deuant toy que nous veulx tu dire
Fiers fors felons deables puissans
Pour tout le monde a mal produyre.

Luciffer.

Coquin paillars il vous fault dnyre
Daller tout fouldroyer sur terre
Et de mal faire vous deduyre
Que la sanglante mort vous serre
Sil conuient que ie me defferre
De ceste gouffronieuse lice
Je vous mettray sans plus enquerre
En vng tenebreux maleffice.

Astaroth.

Chascun de nous a son office
En enffer. que veulx tu quon face.

Proserpine.

De faire nouuel ediffice
Tu nas pas maintenant espace.

Astaroth.

Je me contente.

Sathan.

Et ie me passe
De demander une aultre charge.

Astaroth.

Je ioue icy de passe passe
Pour mieulx faire mon tripotaige.

Serith.

Luciffer a peu de langaige
En enffer ie ne scay que faire
Car ie nay office ne gaige
Pour ma volunte bien parfaire.

Luciffer.

Quon te puisse au gibet deffaire
Filz de putain ort et immunde.
Doncques pour ton estat reffaire

Il te fault aller par le monde
 A celle fin que tu confonde
 Bauldement ou a lauenture
 Dedens nostre habisme parfonde
 Lame daucune creature.

Gerith.

Puis quil fault que ce mal procure
 Dy moy doncques legierement
 Par ou lame fait ouuerture
 Quant elle sort premierement.

Luciffer.

Elle sort par le fondement
 Ne faiz le guet quan tron du cu.

Gerith.

Ha ien auray subtillement
 Vng millier pour moins dun escu.
 Je ny en voys.

Munyer.

Dauoir vescu

Si long temps en vexation
 De la mort est mon corps vaincu
 Pour toute resolution
 Doncques sans grant dilacion
 Allez moy le prestre querir

xxx

**Qui me donrra confession
Sil luy plaist avant que mourir.**

Cure.

**Or me dictes/fault il courir
Ou se ie yrai tout bellement.
(Il se va desuestir et reuestir en cure.)**

Munyer.

**Sil ne me vient tost secourir
Je suis en vng piteux tourment.**

Derith.

**Vella mon faict entierement.
Munyer ie vous voys soulager.
Lame en auray soubdaynement
Avant que dicy me bouger.
Or me fault il pour abreger
Soubs son lit ma place comprendre
Quant lame voudra desloger
En mon sac ie la pourray prendre.
(Il se musse soubz le lit du munier atout son sac.)**

Cure.

**Commant dea ie ne puis entendre
Vostre cas munyer quesse cy.**

Munyer.

A la mort me conniient estandre

Anant que ie parte dieu
 Pourtant ie crie a dieu mercy
 Deuant que le dur pas passer
 Sur ce poinct mettez vous icy
 Et me veillez tost confesser.

Cure.

Dictes.

Munyer.

Vous deuez commencer
 Me disant mon cas en substance.

Cure.

Et comment ie ne puis pincer
 L'effect de vostre conscience.

Munyer.

A/.cure ie pers pascience.

Cure.

Commencez tousiours ne vous chaille
 Et ayez en dieu confiance.

Munyer.

Or ca doncques vaille que vaille
 Quoy qua la mort sort ie trauaille
 Mon cas vous sera relate.
 Jamais ie ne fus en bataille

Mais pour boire en vne bouteille
 Jay tousiours le mestier hante
 Aussi fust diner fust destre
 Jay bons champions frequente
 Et gourmetz de fine vinee
 Tant que rabatu et conte
 Quelque chose quil mait coste
 Jay bien ma face enluminee.
 Appres tout le long de lannee
 Jay ma volunte ordonnee
 Comme soauez a mon moulin
 Ou plus que nul de mere nee
 Jay soumant la trousse donnee
 A gaultier guillaume ou colin.
 Et en sacs/. de chanure ou de lin
 De bled valent plus dung carlin
 Pour la doubte des aduentures
 Atout vng petit picotin
 Je pris de soir et de matin
 Tousiours dun sac doubles monstures.
 De cela fis mes nourritures
 Et rabatis mes grans constures
 Quoy quil soit faisant bonne myne
 Somme de toutes creatures
 Pour surporter mes forfaictures
 Tout mestoit bon/. bran et faryne

Cure.

Celuy qui es hault (cieulx) domine
Et qui les mondains enlumyne
Vous en doint pardon par sa grace.

Munyer.

Mon ventre trop se determine
Hellas ie ne scay que ie face.
Ostez vous.

Cure.

A. sauf vostre grace.

Munyer.

Ostez vous car ie me conchye.

Cure.

Par saint iehan sire preu vo face
Sp.

Munyer.

Cest merde reffreschie
Apportez tost vne brechie
Ou vne tasse sans plus braire
Pour faire ce quest necessaire.
Las a la mort ie suis eslis.

Femme.

Pencez si vous voulez de traire

Pour mieulx prandre vostre delit
 Vostre cul au dehors du lit
 Par la sen peult vostre ame aller.

Munyer.

Hellas regardez si vollez
 La verrez poinct par ler datemps.
 (Il met le cul dehors du lict et le deable tend
 son sac cependant quil chie dedens puis sen va
 cryant et hurlant.)

Merith.

Jay beau gauldir/iay beau galler
 Roy luciffer a moy entens
 Jen ay fait de si maulxcontens
 Que proye nouvelle iapporte.

Luciffer.

Actens vng bien petit actens
 Je te voys faire ouurir la porte.
 Deables denffer sus qnon luy porte
 Une chaudiere en ce lieu cy
 Et saichez comme se comporte
 Le butin quil admayne icy.
 (Ilz luy apportent une chaudiere puis il vnyde
 son sac qui est plain de bran moulle.)

Sathan.

Quesse la.

Proserpine.

Que deable esse cy
Ce semble merde toute pure.

Luciffer.

Cest mon ie la sens bien dicy
Sy sy osterz moy telle ordure.

Berith.

Dun munier remply de froidure
Voy en cy lame toute entiere.

Luciffer.

Dun munyer.

Sathan.

Sy quelle matiere.

Luciffer.

Par ou la prins tu.

Berith.

Par derriere
Voyant le cu au descouvert.

Luciffer.

Or quil ny ait coing ne carriere
Densfer que tout ne soit ouuert.
Vng tour nous a baille trop vert.
Brou. ie suis tout enpuanti.

xxxvj

Tu as mal ton cas reconuert.

Sathan.

Oncques telz chose ne senty.

Luciffer.

Sus acoup quil soyt assorty
Et batu tres villaynement.

Sathan.

Je luy feray mauuais party
(Ilz le batent.)

Berith.

A la mort.

Luciffer.

Strappe; hardiment.

Berith.

A deulx genoulx treshumblement
Luciffer ie te cry mercy
Te promectant certainnement
Puis que congnoys mon cas ainsi
Que iamais napporтерay cy
Ame de munyer ne munyere.

Luciffer.

Or te souuiengne de cecy
Puis que tu as grace planyere

Et garde dy tourner arriere
Daultant que tu ayme ta vie.
Aussi denant ne de costiere
Sur payne de hayne assonuye
Deffens que nully par enuie
Desormais lame ne procure
De munyer estre icy raue
Car ce nest que bran et ordure.

Finis.

POÉSIES GOTHIQUES FRANÇOISES.

MORALITÉ
DE L'AVEUGLE
ET DU BOITEUX,

PAR ANDRÉ DE LA VIGNE.

C

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1831.

A PARIS,
CHEZ SILVESTRE, LIBRAIRE,
RUE DES BONS ENFANS, N° 30.

Moralite

de l'aveugle et du boiteux.



NOTE.

CETTE pièce, qui se trouve dans le manuscrit de la Bibliothèque Royale, fonds de La Vallière, n° 51, décrit dans le Catal. de cette collection, T. II, p. 418, n° 3362, ne porte aucun titre *, et commence au folio 234, recto, immédiatement après le *mystère de Saint-Martin*, auquel elle paroît faire suite. Ce mystère, composé par *André de La Vigne* lui-même, et non pas par *N. de La Vigne*, comme je l'ai dit par erreur dans la *Farce du Meunier* **, fut jouée publiquement à Seurre (en Bourgogne), le lundi 10 octobre 1496, le lendemain de la représentation de la farce précitée, ainsi qu'il est indiqué dans le procès-verbal qui termine le volume.

FRANCISQUE MICHEL.

* Sur les titres mis par le relieur au dos du volume, on lit celui-ci : *Mort de l'Aveugle et du Boiteux*, mais il est inexact ; car, comme on peut le voir dans cette pièce, il n'est nullement parlé de la mort des personnages. Le propriétaire de ce manuscrit avoit probablement donné au relieur le titre suivant : *Mort de l'Aveugle*, etc., que celui-ci aura mal interprété.

** Paris, Silvestre, 1831, in-8°, faisant partie de la collection des *Poésies gothiques françoises*. Cette erreur provient de ce que, dans la signature d'*André de La Vigne* qui se voit à la fin du manuscrit, l'*A* (abrégé d'*André*) est réuni au *D* de *De La Vigne* de manière à être difficilement distingué ; de plus, une grande N, au milieu d'un trait de plume, se trouve précéder la signature, et est même répétée sous la première syllabe du nom.

Puisque j'en suis aux rectifications, je rétablirai ici dans un meilleur ordre un passage de la *Farce du Meunier* (page x), qu'on doit lire ainsi qu'il suit :

**Estre gisant sur vne couche
Et battre vng homme / ie mauldis
Ceure que iamaïs /**

(Il pleure.)

Femme.

Bonne bouche

Fault il quencore ie vous touche.

Etc.

Moralite

de l'aveugle et du boiteux.

L'aveugle.

Laumosne au pource diseteux
Qui iamaiz nul iour ne vit goucte.

Le boiteux.

Faictes quelque bien au boiteux
Qui bouger ne peult pour la goucte.

L'aveugle.

Hellas ie mourray cy sans doubte
Pour la faulte dun seruiteur.

Le boiteux.

Cheminer ne puis somme toute
Mon dieu soye; moy protecteur.

L'aveugle.

Hellas le maunai; detracteur
Qu'en ce lieu ma laisse ainsi
En luy nanoye bon conducteur
Robe ma puis ma plante cy.

Boiteux.

Hellas ie suis en grant soucy
Meshouay de gaigner ma vie.

Partir ne me pourroye dicy
En eusse ie bien grant enuie.

Aueugle.

Ma pourete est assouuie
Sen brief temps ne treuve vng seruant.

Boiteux.

Maleurte ma sy fort suppye
Qua elle ie suys asservant.

Aueugle.

Pour bon seruice desservant
Trouueraige poinct vng valet
Vng bon en eus en mon viuant
Qui iadis sappelloit giblet.
Seur estoit / combien quil fust let.
Jay beaucoup perdu en sa mort
Plaisant estoit et nouuellet
Mauldit celle qui la mort.

Boiteux.

Naurai de nully confort.
Ayez pitie de moy pour dieu.

Aueugle.

Qui es tu qui te plains si fort.
Mon ami tire ten ce lieu.

Boiteux.

Hellas ie suis cy au millieu
Du chemin ou ie nay puissance

Waller auant /. A saint mathieu
Que iay de mal.

Aueugle.

Viens et taence
Par deuers moy pour ta playsance.
Vng petit nous esioyrons.

Boiteux.

De parler tu as bien laisance
Jamais de bien ne ioyrons.

Aueugle.

Viens a moy grant chiere ferons
Sil plaist a dieu de paradis.
A nully nous ne mefferons
Combien que soyons estourdis.

Boiteux.

Mon amy tu pers bien tes ditz.
Wicy bouger ie ne scauroye
Que de dieu soyent ceulx maulditz
Par qui ie suis en telle voye.

Aueugle.

Sa toy aller droit ie pouuoye
Contant seroye de te porter
Au moins se la puissance auoye
Pour vng peu ton mal supporter.
Et toy pour me reconforter
Me conduyroye de lieux en lieux.

Boiteux.

De ce ne nous fault depporter
Possible nest de dire mieulx.

Aueugle.

A toy droit men voys se ie peulx.
Voige bon chemin.

Boiteux.

Oy sans faille.

Aueugle.

Pour ce que tomber ie ne veulx
A quatre piedz vault mieulx que iaille.
Voige bien.

Boiteux.

Droit comme vne caille.

Tu seras tantost deuers moy.

Aueugle.

Quant seray pres la main me baille.

Boiteux.

Aussi feraige par ma foy.
Tu ne vas pas bien tourne toy.

Aueugle.

Par deca.

Boiteux.

Mais a la main destre.

Aueugle.

Ainsy.

Boiteux.

Oy.

Aueugle.

Je suis hors de moy.

Puis que ie te tiens mon beau maistre

Or sa veille toy sur moy mettre

Je croy que bien te porteray

Boiteux.

A cella me fault entremectre

Puis appres ie te conduyray.

Aueugle.

Es tu bien.

Boiteux.

Oy tout pour vray.

Garde bien de me laisser choir.

Aueugle.

Quant en ce point ie le feray

Je proy dieu quil me puist meschoir

Mais conduys moy bien.

Boiteux.

Tout pour voir.

A cella iay le serement

Tiens cecy ie feray debuoir

De te conduyre seurement.

Aueugle.

A dea tu poise grandement.

Dont vient cecy.

Boiteux.

Chemine bien

Et fais nostre cas sagement.

Entens tu. Hay.

Auengle.

Oy / combien

Que trop tu poise.

Boiteux.

Et rien rien

Je suis plus legier cune enclume

Ventre bien.

Auengle.

Tien te bien tien

Se tu veulx que ie te remplume

Par le saint sang bien onc enclume

De mareschal si trespesante

Ne fut. / de grant chaleur ie fume

Dont vient cecy.

Boiteux.

A ie me vante

Que charge iamais plus plaisante

Ne fut au monde que tu as

Maintenant.

Auengle.

Mais plus desplaisante.

Trois moys y a que ne chyas.

Boiteux.

Mesdieux quant de ce ralias
Six iours a par saint nycolas
Que bien ne fus a mon relect.

Auengle.

Et ma vous ioue de relect
Par mon serment vous descendrez
Et yrez faire aulcun pourtraict
Dun estron ou que vous vouldrez

Boiteux.

Contant suis pourveu quatendrez
Que venu soye.

Auengle.

Oy oy.

(Sur ce poinct le boiteux descent et lofficial va
voir se les moynes dorment et quant les cha-
noynes emportent le corps ilz recommencent a
parler.)

Auengle.

Que dit on de nouveau.

Boiteux.

Commant

Lon dit des choses sumptueuses.
Vng saint est mort nouvellement
Qui fait des eures merueilleuses.

Maladies les plus perilleuses
 Que lon sauroit pincer ne dire
 Il guerist celles sont ioyenses
 Icy suys pour le contredire.

Aueugle.

Comment cela.

Boiteux.

Je nen puis rire.

Lon dit que sil passoit par cy
 Que guery seroye tout de tire
 Semblablement et vous aussey.
 Venez ca sil estoit ainsi
 Que neussions ne mal ne douleur
 De viure aurions plus grant soucy
 Que nous nauons.

Aueugle.

Pour le milleur

Et pour nous oster de malleur
 Je diroye que nous alissons
 La ou il est.

Boiteux.

Se iestoye seur

Que de tout ne garissons
 Bien le vouldroye / mais que feussions
 De tout gueris ryen nen seroy
 Trop myeux vauldroit que fussions

Bientost dicy.

Auengle.

Dy tu vray.

Boiteux.

Quant seray gary ie mourray
De fain car vng chascun dira
Allez ouurez. Jamais nyray
En lieu ou celuy saint sera
Sen pinct suis lon mappellera
Ernant en disant quel paillart
Pour mettre en gallee velle la
Assez propre miste et gaillart.

Auengle.

Onques ne vps tel babillart
Je confesse que tu as droit
Tu sces bien de ton habil lart.

Boiteux.

Je ne vouldroye pinct aller droit
Ny aussi estre plus adroit
Que ie suis ie le vous promectz.

Auengle.

Qualler la vouldroit se tordroit
Et pourtant ny allons iamais.

Boiteux.

Se guery tu estoye ie mectz
Quen brief courrouce en seroyes

Lon ne te donroit pour tous merz;
Que du pain / iamais tu nauroyes
Rien de friant.

Auengle.

Mieulx iameroye
Que grant maleurte me fust echue
Quau corps lon mostast deux courroyes
Que se quon menst rendu la veue.

Boiteux.

La bourse seroit despourueue
Tantost dargent.

Auengle.

Bien ie ten crois.

Boiteux.

Jamais iour ne seroit pourueue
Ne ny auroit pille ne crois.

Auengle.

Mais dis tu vray.

Boiteux.

Oy par la crois
Ainsi seroit que ie deuise.

Auengle.

Jamais de rien ne te mescrois
Quant pour mon grant bien tu mauise.

Boiteux.

Lon ma dit quil est en leglise.

Aller ne nous fault celle part.

Auengle.

Se la nous trouuons sans saintise

Le deable en nous auroit bien part.

(Pause.)

Boiteux.

Tirons par dela a lescart.

Auengle.

Par ou.

Boiteux.

Par cy.

Auengle.

Legierement.

Boiteux.

Ma foy ie seroye bien coquart

Sa luy ialoye presentement.

Auengle.

Allons.

Boiteux.

A quel part.

Auengle.

Droictement.

Ou ce gallant ioyeux si verne.

Boiteux.

Te vella parle saigement.

Ou yrons nous.

Auengle.

En la tauerne

Y voys bien sonnans sans lanterne.

Boiteux.

Je te dis qu'ausi soyge moy

Plus voluntiers quen la citerne

Qui est playne deau par ma foy.

Allons a coup.

Auengle.

Escoute.

Boiteux.

Quoy.

Auengle.

Cella qui mayne si grant bruyt.

Boiteux.

Se vestoit ce saint.

Auengle.

Quel esmoy

Jamais nous ne seryons en bruyt.

Que puist ce estre.

Boiteux.

Chascun le suyt.

Auengle.

Regarde voir que se puist estre.

Boiteux.

Maleurte de pres nous poursuyt

Cest ce saint par ma foy mon maistre.

Auengle.

Fuyons nous en tost en quelque estre

Hellas iay grant peur destre pris.

Boiteux.

Cachons nous soubz quelque fenestre

Ou au coing de quelque pourpris.

Garde de choir.

Auengle.

Jay bien mespris

Destre tumber si mal appoint.

Boiteux.

Pour dieu quil ne nous voye point

Car se seroit trop mal venu.

Auengle.

De grant peur tout le cuer me point.

Il nous est bien mal aduenue.

Boiteux.

Garde bien destre retenu

Et nous traynons soubz quelque vis

Auengle qui le regarde.

A ce saint suis bien entenu.

Nas ie voy ce quonques ne vis

Bien sot estoie ie vous plenis

De mestre de luy escarte

Car rien ny a a mon aduis

Au monde qui vaille clarte.

Boiteux.

Le deable le puisse emporter
Et qui luy scet ne gre ne grace
Je me fusse bien deporté
Destre venu en ceste place.
Las ie ne scay plus que ie face
Mourir me conuiendra de fain
De dueil ien machure ma face.
Mauldit soit le filz de putain.

Aueugle.

Jestoye bien fol ie suis certain
Dainsi foyr la bonne voye
Tenant le chemin incertain
Lequel par soleur pris iauoye
Hellas le grant bien ne scauoye
Que cestoit de voir clerement.
Sourgoigne voys france scauoye
Dont dieu remercey humblement.

Boiteux.

Or me va il bien meschamment
Alaschant que na douurer appris
Pris est ce iour manluaisement
Manluais suis destre ainsi surpris
Seur/. pris seray aussi repris
Reprenant ma malle fortune

Fortune suis des folz compris
Comprenant ma grant infortune.

Aueugle.

La renommee est si comune
De tes faitz noble saint martin
Que plusieurs gens viennent comme vne
Merueille vers toy ce matin.
En francoys non pas en latin
Ce rens grace de ce bien fait.
Se iay este vers toy mutin
Pardon requiers de ce meffait.

Boiteux.

Puis que de tent ie suis reffait
Maulgre mes dens et mon visaige
Tant feray que seray deffaict
Encore vng coup de mon corsaige
Car ie vous dis bien que encor scaige
La grant pratique et aussi lart
Par onguement et par herbaige
Combien que soye miste et gaillart
Que huy on dira que ma iambe art
Du cruel mal de saint anthoyne.
Relupsant seray plus que lart
A ce faire ie suis ydoyne.
Homme naura qui ne me donne
Par pitie et compassion.

xviii

**Je feray bien de la personne
Playne de desolacion.
En lonneur de la passion
Diraige /. voyez ce pource homme
Lequel par grant extorcion
Est tourmente vous voyez comme
Puis diray que ie viens de romme
Que iay tenu prison en acce
Ou que dicy men vois en somme
En voyage a sainte fiacre.**

Finis.

POÉSIES GOTHIQUES FRANÇOISES.

LA FARCE
DE
LA PIPÉE.

A PARIS,
DE L'IMPRIMERIE DE CRAPELET,
RUE DE VAUGIRARD, N° 9.

1832.

A PARIS,
CHEZ SILVESTRE, LIBRAIRE,
RUE DES BONNE ENFANTS, N° 30.



Farce de la Pippee.

NOTE.

CETTE pièce, que nous avons cru devoir appeler *la Farce de la Pipée*, se trouve dans le manuscrit de la Bibliothèque Royale, fonds de La Vallière, n° 156, où elle ne porte aucun titre. C'est probablement la raison pour laquelle le savant M. Van-Praet ne l'a pas comprise dans la liste des pièces que contient ce manuscrit, décrit dans le *Catalogue des Livres de la Bibliothèque du duc de La Vallière*, tome II, page 413, n° 3343.

La copie de cette Farce nous a été communiquée par M. Monmerqué, dont le monde littéraire connoît l'obligeance et l'érudition. Nous regrettons, et les amateurs regretteront comme nous, que le plan sur lequel cette collection a été commencée ne nous ait pas permis de publier les notes savantes et judicieuses dont il a illustré cette pièce, qui en a grand besoin pour être bien comprise; car l'obscurité qui y règne est encore augmentée par les leçons douteuses résultant de la mauvaise exécution graphique du manuscrit.

FRANCISQUE MICHEL.

Farce de la Pippee.

Verdier commence.

Est il bien foul.
Rouge gorge.
Qui.
Verdier.

Mais bien plus beste

Le gallent qui se ront la teste
Cuydet estre le mieulx ayme
Il y pert.

Rouge gorge.
Qui.

Verdier.

On la blasme

Se croys cent foys de sa follie
Mais y virest cest pollie
De si long temps que ne luy chault.

Rouge gorge.
Mais qui qui.

Verdier.

Fasse froit ou fasse chant
Il sen ira la teste au vent

A.

Tremblant les sieures bien souuant
Tant quen lit ne dort ne repouse.

Rouge gorge.

Qui.

Verdier.

Cest la plus sote chose
Quoncques teste domme songea
Il vay vient hay ha ha
Tant que sa teste fut debrisee.

Rouge gorge.

Maist dieux vez cy venir rizer
Mais dy moy de quoy si tu veulx.

Verdier.

Ouy dea il en a troyz tout neufs
Il cuida trancher au logis
Mais on le fait bien deslogier
Trompetes dehors le port pys.

Rouge gorge.

Encore.

Verdier.

Fusse pas bien pis
De luy faire perdre ses poynes.

Rouge gorge.

Et va va tes siebures quartaines
Que va tu cy baibillant le papier.

Verdier.

Touttesfoys touffant et brillant
Le sot en eut sur son arimpier

Tel cop a luyz dung drappier
Que tout le corps luy en trembla.

Rouge gorge.

Lon ne demande point cela
Que malle feste en aist saint gryz.

Verdier.

Et quoy doncques.

Rouge gorge.

De quoy esse que tu rys

Affin que ien rye ma part.

Verdier.

Je me rys dung maistre coquart
Le plus follas que ie viz oncques.

Rouge gorge.

Mais qui.

Verdier.

Taist toy.

Rouge gorge.

O dyables doncques

Fault il songer si longuement
Et dea maistre verdier vrayment
Reuerdi comme vert montant
Vous farsez vous a vous bon temps
Vous auez beau cryer de gorge.

Verdier.

Cest bien dit
Mais bien toy rouge gorge
Qui est plus roge qun coq

Aj.

Il ni passe si grosse garsse
 Qui net son lardon ou sa farse.
 Quant est du baston a deux boutz
 Vous en iouez bien.

Rouge gorge.

C'est vous verdier

Acqui ses lettres sadresset
 Vous auez voysins qui les dresset
 Mais vous en seruis a tous metz.

Verdier.

De quoy.

Rouge gorge.

Nen parlez iamais

Je vous cognoy comme vne pomme
 Ce nest pas pour nyent quon vous nomme.

Verdier.

Comment.

Rouge gorge.

Si ie le nomme.

Verdier.

Dy hardyement.

Rouge gorge.

Destre fin homme

La mer ne tan sauroit lauer.

Verdier.

Et va va

Que va tu yci bauer
 Tu ne vouldroys dire aultre chose.

Rouge gorge.

Sy fayz mont dea mais ie nose
Sages gens sont tousiours douteux.

Verdier.

Ha le pouure quil est honteulx
Et plain de simple regnardie.

Rouge gorge.

Puis quil fault que ie le dye
Tu es fin fol naturel.

Verdier.

A Rouge gorge.

Rouge gorge.

A verderel

Comme sont ses rouses de may
Vous vous donnez beaucoup desmoy
Pour cella qui point ny panse.

Verdier.

Mais toy qui portes la despence
De cinq ou seix veillez matrones
Acqui robbes et chausses donnees
Euident que toy simple estallier
Estre le chien au gros collier
Est il bien foul et estourdy.

Rouge gorge.

Tais toy quar pour vray ie le te dy
Je scay le tour de mon baston
Et men fays fors quancoy; dit on
Que ie suys auxi bien venu

Aij.

Entre les dames et chier tenu
Je croy qu'on ne men fait tort en rien.

Verdier.

Et moy.

Rouge gorge.

A pour vng homme moyen

Tu es bien taille a vray dire
Et croy que a le faire de sire
On y fauldroit a mon aduis.

Jaune bec.

Et dieu gard dieu
Hay et qui sont les deuis
Dieu gart chacun et moy avec.

Verdier.

Et dont nous vient se iaune bec
Ou bec iaune toust mest vng
Qui veult le secret dung commun
Sa mon beau sire dictez lui.

Rouge gorge.

Mais prayment dont il est sailly
Je regarde moult sa faiczon
Esse vng merle.

Verdier.

Cest vng moesson.

Rouge gorge.

Tu las perdu.
Cest vng mauuy
Ad ce que puis cognoistre au signe.

Jaune bec.

Et vous estes deux ouetz de cigne
Vous monstrez bailleurs de brocquars.

Verdier.

Quesse a dire.

Jaune bec.

Deux grans ponnars
Touz auxi solz que ie vouloye.

Rouge gorge.

Il est en plume comme vne raye
A dieu que ses plumes sont belles.

Verdier.

Il cuyde ia voller sans elles
Que tu lantends.

Jaune bec.

Cest du moins.

Rouge gorge.

Pleust a dieu quil fut es mains
De la bonnete que tu scez
Il auroit du plumage assez
Se il en rapportoit ia plume.

Jaune bec.

Scauez vous comment elle plume
Vous qui en parles masse
Je croyz que vous auez passe
Maintesfoiz par son estamynne

Verdier.

Pes iaune bec.

Aüj.

Rouge gorge.

Pes lourde mine

Faut il parler des gentilz hommes.

Jaune bec.

Pour dieu tenons nous ou nous sommes

Nen rougissez ia pour le pris

Rouge gorge sen trouue pris

Et verdier a tel coulebec

Auxi bien que le iaune bec

Il nen fault ia faire la lippe.

Verdier.

Se iaune bec ne se esment

Comme vng chacun dauent ieu.

Jaune bec.

Parlons a droit par fine amour

Nous somme; soub; la cheminee

Soit bien la queue examinee

Dung chacun de nous quiouldra

Je men fays fort qui men fauldra

Cinq ou six plumes par ce compte.

Rouge gorge.

Se fol yci nous faira honte.

Se nous ne ranssons le lieu.

Verdier.

Allons nous en.

Jaune bec.

Adieu adieu

Sont il bien pellez les bailleurs.

Bryt damours.

Se suys ie
 Qui suys dit bruyt damours
 Triste pansif; en mes sai;
 Aduis mest que point meffai;
 Affaire plaintes et clamours
 Car ceulx qui les plaisans tours
 Ne deussent estre plus parfaiz
 Dont en pirant tous les iours.
 O le bon temps de iadis venu
 O le bon temps de iadys
 Que tant triste ie le dys
 Quant mest soubuenu
 Du doulx champ et ioyeulx dys
 Et de lumain paradis ou tu mas tenu
 Or est souruenu que les gens sont enradis
 Se temps est venu
 Bon temps qui oneques ne mesdi;
 Ques tu deuenu
 Ou est la beaute de iason
 Dassalon et de meschins
 Or ne seruent il que a bacus sus
 Toute fleur de beaulte est passee.
 Ou est loutrageuse entreprise
 De dymedes et de perseux
 Pireteulx et esteux
 Ales moy moy leur semblance prandre
 Envoient aux enfers dessendre

Pour auoir dame proserpine.

Cuider.

Jay bacques iay danrree fine
Argent my fault argent my fault.

Bruyt.

Ou est le cuer tresnoble et hault
De dydo qui tant reclama
Enee et qui tant fort lama
Qui la morut par son default
En vng grant feu.

Cuider.

Argent my fault argent my fault.

Bruyt.

Et billus la douce et la clere
Qui tant ama cadmus son frere
Quen le poursuyuant mourent
Par folle amour.

Cuider.

Argent my fault argent my fault.

Bruyt.

Cilles et pilles et pollusaine
Coulons avec philomene
Aldre cassandre au surplus
Savous quoy ie nen diray plus
Si ne faictes taire se marpault.

Cuider.

Argent my fault argent my fault
Sa mes enfans sa mes minos

Venez achapter dorellos
Ains quil soit plus tart.

Bruit.

Et qui est se maistre cornart
Qui reucille le guet ainsi.

Cuyder.

Dea monseigneur pour dieu mercy
Je ne vous regardes pas.

Bruit.

Et que portes tu.

Cuider.

Se sont esbatz
Pour appeller les ieunes gens.

Bruyt.

Mais quoy.

Cuyder.

Les fatras sont gens
Pour endurer ieunes cornetes
Mais certes tielx sornetes
Ne vous deussent point le suppost.

Bruyt.

Et dy dy que cest.

Cuyder.

A se nest point chose
Qui soit digne de grant memoyre
Ce sont dupetes et cuydoires
Que iaporte vendre a la cour.

Bruyt.

Et comment es tu bien si lourrt

Que d'aporter cuideriez vendre
 A gens de court.
 Tu dois entendre quel en est plain a reles.
 Cuyder.

Grans et petis.
 Bruyt.
 Et clers et lais.
 Cuider.

Grans et menus.
 Bruyt.
 Sages et fous.
 Cuider.

Je me suis bien rompu le coulx
 Pour peu.
 Bruyt.
 Mais pour nyant ad ce compte.
 Cuider.

Comment.
 Bruyt.
 Tout dansee monte
 Mais... ne dechait tousiours.
 Cuider.

Beau dieu ie lay veu en tel cours
 Comment chait elle ainsi doncques.
 Bruyt.

Il en est plus qui ne fut oncques
 La chouse iamaïs ne default
 Mais plus en y a mains vault

Il nest que trop de cuideriez
 Car les gallans ont industries
 De les scauoir forger a mains.

Cuyder.

Et ainsi nous morrons de fain
 Entre nous chetiz merseros
 Or pleust a dieu quon dit deux motz
 Au seigneur il y pouruoyret.

Bruit.

Par mon serment il ne pourroit
 Car il est trop commun par dessa
 Et de long temps.

Cuider.

Or venez ca
 Je ne crains de nestre acropis
 Je ne pene iames.

Bruyt.

Encore pis

Ea tenu au dame pour voir
 De cuideur.

Cuider.

Ouy pour voir.

Bruit.

Soient dames ou damoyseles
 Tout est pourueu.

Cuider.

Voyre les belles
 Mais les laides en prendront bien

En general.

Bruyt.

Tu lentens mal
Voyre si mal que estes
Comment tappelle on.

Cuider.

Cuider est mon nom de

Bruyt.

Lon dit bien que cuider buse
Mais tu tabuses de toy mesmes.

Cuider.

Pourquoy.

Bruit.

Car tu cuides que les femmes
Vng peu noyres et laides
Ayent assure cuidoyres
Ce sont celles qui plus en ont
Deaulx amys.

Cuider.

Je lay perdu doncques
Or suys ie marchant bien esperdu.

Bruit damours.

Comment.

Cuider.

Mon voyage est perdu
Vostre conseil mest bien mestier.

Bruit.

Se tu ne scees aultre mestier

Il te fault dung autre repaire.

Cuider.

Si foyz par dieu plus de douze peres
Je scay chanter ie scay baller
Je scay chasser ie scay voller
Prendre poisson a leschappee
Et pour bien faire vne pippee
Je nen crains homme de vous estas.

Bruyt.

Cuider ie te direy mon cas
Qui du parfont du cuer procede
Se tu me scez donner remede
Tu gaigneras plus en moy
Que tu ne fais en xxx troys
A vendre tes meschans pipetes
Car il ny a galland ny depetes
Quil nen nest trop.

Cuider.

Il est bien vray au propos.

Bruyt.

Je le te diray.

Je suys bruyt damours nomme
Jay long temps este renomme
Que les ieunes gens me supuoient
Et quen mon liure sestonnoient
Tous et toutes a dire voir
Car chascun me vouloit auoir
Chacun tendoit dauoir le bruyt

Mais maintenant chascun me fuyt
 y nest plus damours naturelles
 Sauons vne amour telle quelle
 Faictes de mesmes contenance
 A grans sequelles de constances
 Fendues sur vng baston ploye.

Cuider.

De tant tenu tant paye
 Je vous entens.

Bruyt.

Cest tout autant
 Ainsi est mon bruyt estant
 Par ne se quelx verdiers tant fins
 Et rouge gorge mes voysins
 Qui vont esbroullant la chaussee
 Il ny a fille si hault chaussee
 Qui net son bordon a tout poys.

Cuider.

Vous voulissiez que feussent pris
 A quelque amorse friande farce
 Fissiez.

Bruyt.

Cest ce que ie demande
 Il ne fault ia que tu la preignes
 Si en as lart et le stille.

Cuider.

Jen ay atrappe plus de mille
 Voyre cent mille en mon temps

De rouges gorges de vers montant
 De iaunes bes et estourneaulx
 De mauluy; et de chardonnereaulx
 De mains pinssons et de choutes
 Je scay tous les points et les notes
 Qu'il y fault se nest duy ne dyer
 Je prans tout.

Bruit.

Et viue cuidoer

Qui fait ainsi muser musars
 Se nest pas engin dabusars
 Sauoir tel artiste en teste.

Cuidoer.

Sil y a verdier qui saille en feste
 Sa plume sera bien agrippee.

Bruyt.

Comment.

Cuidoer.

Faisons vne pippee

Joyeuse en ses champs la derriere
 Que soit de bien a point maniere
 Autant quil y en courra
 Doyseaulx autant en y demourra
 Mais quil soient dedans boutes.

Bruit.

Mais fauldras tu point.

Cuidoer.

Je suys iuste comme vng reloge.

B.

Bruit.

Il te fault faire vne loge
Pour te bouter en tapinage.

Cuider.

La veex cy faicte dauentage
Pour labreger droit apoinctee.

Bruyt.

A Cuider que tu es fin
Iapercois bien a les houtys
Que tu ne pas des aprantis
Tu as mains iaunes bers trompes
Despuis vingt ans.

Cuider.

Voyre et des plus huppes
Maistre que vous ne comptes pas.

Bruyt.

Te fault il point de chaans
Ou quelque oyseau demy cornu.

Cuider.

Ne chouete ne chat cornu
Ne me seruent pas dune escorce
Il nous fault bien vne aultre amorse
A prendre a verdiers si ruse.

Bruyt.

De la paille.

Cuider.

Vous vous abuses.

Bruyt.

Du ble.

Cuider.

A que vous estes beste.

Bruyt.

Des poys.

Cuider.

Vous vous rompez la teste
Vous deuises et ny estes point.

Bruyt.

Et quoy doncques.

Cuider.

Deez cy le point.

Pour se pippee amoureuse
Bien buuant et bien saueureuse
Savons qui dit a la farce
Prennez moy vne belle garce
Enuiron de quinze a seize ans
Qui ait beaulx yeulx plaisans
Qui soit resecte et bien charnue
Ferme comme vng boys de quartier.
Deez la le cas.

Bruyt.

Quel psaultier

Pour moyne a dire ses matines.

Cuider.

Voyre et que elle aist belles tetines
Petites et bien blanchetes
Rondes comme belles pommets

Bj.

Pour dire gens iouez des vies
En vng destour.

Bruyt.

Quelx patenostres
A fourer les poings dun hermite.

Cuider.

La belle iambete petite
Les soullers bien chausses estroit
Les minces patins pour le froit
Les cheueulx blons comme vng bassin
Et la chemise dung fin comme lin
Florant comme espice alemoire.

Bruyt.

Quel couurechief.

Cuider.

Mais quel suere
Vng frere frappart.

Bruyt.

Il nous fault scauoir en quel part
Nous trouuerons si fine espice.

Cuider.

Je lay quise toute propice
Il ne fault que vostre voysine.

Bruyt.

Est elle si fine.

Cuider.

Cest la plus fine du pais
Elle vous a tret a mon aduis

Sept ou huyt gallans dune tyre
 Et ny a celluy qui ne tyre
 Cuident estre les mieulx aymes
 Voyre et tout moufles.

Bruit.

Or va mal.

Cuider.

Tout y despënd de tres grant quil ont
 Et ne sauent ou il en sont
 Tant seullement sont agrappis
 Qui ny voist goucte.

Bruyt.

Or va pis.

Cuider.

Tout vient lun de lautre
 Et ne leur demeure arqx
 Ny plantre
 Que tout ny voyse a demoulu
 Et ny a si gentil goullu
 Qui peust dire ie en ay taste
 Sont il bien.

Bruyt.

Or est tout gaste.

Est elle ainsi faicte a la lance.

Cuyder.

Il ne fault que voir la semblance
 Elle vous a vng yeulx petis
 Vng nefz mignot assez tratis

Bij.

Un menton fourchu tant fugant
Qu'onques fut raser de grant gant
Ne fut plus affile quelle est.

Bruyt.

Voyre mais.

Cuider.

A vous voirres que cest
Il ne vous en fault plus enquerir
Tout fin vous la voyz querir
Et puis vous en avez le regard.
Plaisant folle dieu vous gard.

Plaisant folle.

Dieu vous gard cuider mon amy
Et comment vous va.

Cuider.

Mains que demy

Si vous ne me pretez secours.

Plaisant folle.

Comment.

Cuider.

Dray est que bruyt damours
Et moy auxi a leschappee
Vouliſſons faire vne pippee
Que pour happer ceulx que vous sauez
Et pitie de nous aller
Nous en demourons tout au bas.

Plaisant folle.

Esse tout.

Cuider.

Et plus ny a.

Nous gecterez vous de ce dangier.

Plaisant follie.

Je ne men voudrayz point vanger

De ce pour vous donner confort

Et si mose bien porter fort

Quil ny a de paris iusqua tours

Sil qui saiche mieulx les tours

Que ie savy ne en toutes places.

Cuider.

Aportes engins et fallaces.

Et decepuons sans per

Il en est heure.

Plaisant follie.

Laissez moy fayre

Aquant cops ie les obliasse.

Rouge gorge.

Verdier qui est ce qui la passe

Agardes quel gentil brunete.

Verdier.

A dire voir la bague est necte

Quel logys a prandre dassault.

Jaune bec.

Pour moy.

Verdier.

Troys trays.

Et vne trompe a la main destre

Bij.

Se coquart la tranche du maistre
Et contreffaict de lamoureux.

Jaune bec.

Pes ropieux
Morfonduz frangares
De ronsge paraseux
Que tant aurez froit au cul
Dauant que soit vng pie de glasse.

Rouge gorge.

Villain si ne vnydez la place
Vous aurez tantost bel effroy
Sus le logis.

Jaune bec.

Trambles beffray tramblez
Vermine vous menasse.

Verdier.

Laiisson se fol. mau pren luy face.
Alon prousuyure nostre proye.

Jaune bec.

Vous y lairres la courroye
A la parfin combien quil tarde
Et resprandres vostre moutarde
Je le vous conseil amy doulx.

Rouge gorge.

Pour quoy.

Jaune bec.

Se nest pas chan pour vous
Actendez a laultre sepmaine.

Cuider.

Bruyt aregardez que ie vous amaynne
Ay ge follay a mon voyage.

Bruyt.

A nostre dame quel ymage
En vng conuent de iaccopins.

Cuider.

A pleust a dieu que ses turluppins
Fussent sains dune telle cordelle
Il y fist bien.

Bruyt.

Par mon ame se fist mon.
Ma pucellette au moins
Dites nous vostre nom.

Plaisant follie.

Ne le scauez vous point.

Bruyt.

Certes nom.

Je vous recognoy bien de veue
Je vous ay milles foiz veue
Mais il nest rien quon noblie.

Cuider.

On lappelle plaisant follie
Regardez vng pou sa fasson.

Bruyt.

Et cest vray bon gre en ait on
Cest ma garse cest ma mignonne
Or cza ma toute belle et bonne

Vous scauez assez quil nous fault.

Cuider.

**Je luy ay ia dit autant vault
La chose est de legier a scauoir.**

Bruyt.

**Il nous fault de la glux anon
Et nous serons pres maintenant.**

Plaisant follic.

Mais gardes qui soit bien tenant.

Cuider.

**Si bien tenant que sil y frappe
Verdier ne aultres oyseaulx de chasse
Hardiement que partir nen peut.**

Bruyt.

Dis tu.

Cuider.

**Demandez vous sil pleust
Si vient verdier ne roge gorge
Dites hardiement que ne te bousche
Car sil fiert la plume en la gluz
Et vit auxi cler comme argus
Qui auoyt cent yeulx entour de soy
Il nest fait.**

Bruyt.

**Mais de quoy de quoy
La glux qui fait nostre fait
De quoy est il fait.**

Cuider.

De quoy il est fait
 Il y a auxi grant mistere
 A trouuer les propres estoupes
 Qui la perre des philosophes
 Qui fait bien muser les musars.

Plaisant folle.

Je les faitz de mes regars
 Tirer de la clique de leull
 Au chapperon de belacueill
 En les tendant de frans gluons
 Broyez ensemble.

Bruyt.

Quel lardons

Pour larder vng ieune follet.

Plaisant folle.

Il y a du ritz nouuellet
 Soubz vng doubz trait a lasquart
 De belles mansonges le quart
 Confictes en belles parolles
 En signifffiant promesses folles
 Qui font ses folz plus blans que platre
 Au sault dung petit gnischet.

Cuider.

Quel emplastre

Encontre vne forcelle ydropicque.

Plaisant folle.

Tant plus est veneuls plus fort picque

Et tant mieulx escache chacun
 Ce nest pas comme vng gluz commun
 Qui est esuente et gaste pour tant
 Car il vault mieulx de xx ans
 Que ne fait estre nouveau
 Lors arrache plume et peau
 Jusques aux otz et tout decippe.

Bruyt.

Quel panetiere.

Cuider.

Mais quel recipe
 Pour curer vne gibessiere.

Bruyt.

Je te requiers mamye chere
 Que sus pres en fasson lespreuue.

Plaisant folлие.

Se voullez vous.

Cuider.

Si ie vous trouue
 Roge gorge ni maistre verdier
 Je vous aray.

Bruyt.

Cuyder.

Plaisant folлие.

Hau cuider.

Cuider.

Au quel respondrai ge.

Bruyt.

A tous deux.

Cuider.

Et ie ne puis
A cest grant fait que deulx.
Il me voist yci suer
A mes herbreteaux a glues
Et si ne peuent pas actendre.

Bruyt.

Hau cuider.

Cuider.

Et ie ne puis entendre
Et dussiez vous yssir du sens.

Bruyt.

Que cuider a decepu de gens
Et mis en grant merancollie.

Cuider.

Certes si a plaisant follie
Encor plus ce que me semble.

Bruyt.

Vous ferez roge tersangle
Rien ne vous seroit estoppez.

Cuider.

Sus sus il est temps de pipper
Toute nostre pipe est faicte
Plaisant follie ma pucelette
Vous vous sarrez soubz se arbresseau
Mais quant il viendra quelque oyseau

Soit priue ou sauluaige ou boucaige
 Regardes de quel plumage
 Il est ne quel semblant il fait
 Se il est gras se il est refait
 Ne se il a cler argent inclant
 Il pourroit estre si meschant
 Qui nous vaudroit les arroys
 Pour la pippee.

Plaisant follie.

Laissez moy faire
 Je les cognoys
 Allez voir aller seurement.

Cuider.

Plumes les moy subtillement
 Si quen plumant ne se deseuient
 Faictes quilz ne laperceuent
 Preniez aujourdhuy vne plume
 Et demain deux qui costinuent
 Ouquel est la peau eschauffee
 Puis prenez en vne rislee
 A plain poin en pourrez tirer
 Tant que lon pourra soupirer
 Il ne vous en aymera que mieulx.

Plaisant follie.

Dictes vous.

Cuider.

Je parle des vieulx
 Qui sont malicieux et caux.

Mais si vient de ces socereaux
 Qui se boute a cher haude
 Plumes les moy sans eau chaude
 Tant qui ny demeure plumete
 Ce nest point veulx ie que on le mette
 Et si pleuret de la pipée
 Faictes leurs vng ris de pompee
 Vous les voirres iouer a leure
 Mais gardes que rien ny demeure
 Le demeurent en est perdu.

Plaisant follie.

Laissez moy fere du residu
 Je ny faire aultre chose.

Cuider.

Que dit le romain de la iouste
 Soul est qui son amy ny plume
 Jusques a la derriere plume.
 Noctes bien ses vers belle seur.

Plaisant follie.

Je scay ma leçon tout par cuer
 Il ne la me fault ia aprendre.
 Allez a vostre loge actendre
 Mais avant que aillies tandre
 Il nous fault dire vne chanzon
 Qui soit bien ioieuse dison
 Pour commencer nostre pippee. (cantat.)

Jaune bec.

Lune des voys est femerine

Cuider.

Il a le guez a la cusuyne
Se iaune bec en son sotoys.

Jaune bec.

Estes vous la ou ie vous voys
Bourgeoysse en vostre iardrin soullete
Vous auez tres belle goriete
Contesfoiz truffant et broullant.

Plaisant follie.

Dont nous vient si gentil gallant
Qui pourte si brianr cautelle.

Jaune bec.

Et par mon serment damoysselle
Je viens tout droit de nous maisons.

Plaisant follie.

De vous maison.

Jaune bec.

Et si fois par mon serment
Je ne ment de nient.

Plaisant follie.

Tres bien et beau vous aduient
A parler la langue francoise
Dou estes vous.

Jaune bec.

De la ponthoise.

Et met on vng iour et quatre heures.

Plaisant follie.

Dirtez vous.

Jaune bec.

Ouy dea
 Nous demeures sont assises
 En boucles dalles
 Ou il croit la meilleure gordalle
 Qui soit en toutes nous valles
 Et se prent en vne eaue sallee
 Qui se pesche en greue plaines
 En quoy les crapaux et les raines
 Chantent plus dru que poiꝝ en pot.

Cuider.

Mais escoutez le maistre sot
 De grans abillites qui nomme.

Plaisant folle.

Mais aduisez quel gentilhomme
 Regardez bien qui considere.

Jaune bec.

Cest du couste de ma mere
 Car mon pere fut bon masson.

Cuider.

Il y pert bien a vostre fasson
 A vous faire si belle ydole
 Quant il vous fit
 Fist vng droit molle
 Pour soudre vne enure dun villain.

Plaisant folle.

Vng si beau compain et si plain
 Tant gaillart et tant mignonet

C.

Sans auoir son cuer en lieu net
 Mis pour amoureux moyen.

Cuider.

Ziel gerbe nest pas sans lyen
 Ny tel coquart sans sa coquarde.

Plaisant folлие.

Regardes comment il le larde
 Amy ou sont vous ameurs.

Jaune bec.

Et ie regarde

Mais ie ne scay par mon serment.

Plaisant folлие.

Coles tu / Dictes / beau sire.

Jaune bec.

Comment / ie y pense /

Je me. comme vng beau pourceau.

Cuider.

Quel tresor

A mettre au font dune priuee.

Plaisant folлие.

La dame seroit bien heurée

Qui auroit vng si bel amy.

Jaune bec.

Chacun ne fine point de my

A sa voullente / ne vous chaille /

Mais non obstant vaille que vaille /

Si marez vous / si vous voulez.

Cuider.

A / vous y allez

Vous y iouez vous ianne bec
 Vous y serez poie tout sec
 Enfin vous y lairres les plumes.
 Plaisant follie.

Si nous femmes eussions coustume
 De prier les hommes de ce
 Je vous eusse pieca prie.
 Je panse que vostre stature
 Vostre facon vostre figure
 Tout est si bien a ma plasance
 Et si nay vn homme (en) france
 Quen vous que mieulx me plaise.
 A que vous auez vngs
 Fins yeulx
 Beau sire regardez de la.

Cuider.

Haro quelle estache veez la
 Pour lyer vng veau de village
 Jaune bec.

Puis ie entrer en vous en grand druage
 Sans danger belle pousselete
 Quesse qui tient a ma cotete
 Je suys mallement detenu.

Cuider.

Ba cya y estes vous venu
 Que malle feste en ait saint gris.
 Jaune bec.

Quesse a dire.

Cj.

Plaisant follie.

Que cest a dire vous estes pris
Pris a la pippee iolie.

Cuider.

Or ca ca.

Vous en aurez ains que partir.

Jaune bec.

Plumer sangz bien
Et me vouillez vous routir
A Dieu comment vous me tatez
Hay hay.

Plaisant follie.

Souffrez.

Jaune bec.

Vous me gastez

Le sangz de moy ie manfume
Ha hay.

Plaisant follie.

Empreu.

Jaune bec.

Hay hay.

Cuider.

Et deux.

Jaune bec.

Vous me gastez
Et fut pour faire des pactes
De tous costes ont me desplume.

Cuider.

Il ne vous demourra ia plume

Ne plumete entour des costes.

Jaune bec.

Vous me gastez

Par le sancg de my ie manfume

Bruyt.

Comment va yay rancune

Qui esse qui bruit comme vng veau.

Cuider.

Cest vng iaune bec tout nouveau

Qui est happe a la pippee.

Se luy vaille vne lippee

Du breuage que vous scauez.

Bruyt.

Est il desplume

Cuider.

Vous le voyez.

Bruyt.

Est il net.

Cuider.

Net comme vne poille.

Bruit.

Or luy baillez troys cops de poille

Et lenuoyez coquelarder.

Cuider.

Ne le voulez vous point garder

Il est gentil balneueau.

Plaisant folle.

La plume vault mieulx que loyseau

Cij.

Sus maistre trousses aultre part.

Jaune bec.

Or cja que le deable y ait part
 Comment iay este raponsse
 Harou que ie suys pres housse
 Quant ie regarde ma iacquete
 Il ny a plume ne plumete
 Je suys plus net qun parisi.

Verdier.

Dont nous vient se sotart yci

Jaune bec.

Il y pert

Je suys aussi de beaux tours.

Verdier.

Il se mocque.

Jaune bec.

Allez y entour

Sau mon sen aures moins.

Rouge gorge.

A iaune bec

Par ces des mains

Sest manfait de tan trompe.

Jaune bec.

Jay este plume et pippe

Voyre tout au long de la ioue

Verdier:

Lon voit bien a qui on se ioue

Le pource sot croit de legier

On luy a bien fait desleger
Ses plumes deuers le matin.

Jaune bec.

Vous en mouquerez dont martin
Trouues vous y a la feste
Et fessiez vous plus roge cent foiz
Ja plumes nen rapporteres.

Verdier.

Dictes tu ie le vieux aprouuer.

Jaune bec.

Faires or sus dont que ie le voye.

Verdier.

Damoyselle dieu vous doint ioye
Et vous gart dannuy et soussy.

Plaisant folle.

Dieu vous doint ioie mon amy
Qui estes vous et dont venez
Qui auez de si haultes plumes.

Verdier.

Lamour qui menflemme et enlumine
Menuoye deuers vous retraire
Par vous desclaires le contraire
Que ie souffre pour vous amer.

Cuider.

Son le peult guerir par plumes
Il aura tantost medecine.

Verdier.

Par ma foy vous estes bien fine

Ciiij.

De me fere telle sorneignete.

Cuider.

Queulx neufz a mettre a sa court
Mon verdier vous y estes pris
A la pippee iollie.

Verdier.

Tant espris suis de vous
Et par telle enuie
Qui nest chose qui soit en vie
Ou ie praigne plus grant plaisir.

Plaisant follie.

Deuisions nous deux a loisir
Ensemble il ny a que nous.

Verdier.

Quesse que ie voiz la desoubz
Jay peur quil y aist tromperie.

Cuider.

Mon verdier vous y serez prins
Chier vous costera la follie.

Plaisant follie.

Vne bergierecete iolye
Et vng tres gracieux pastour
Qui laultre iour en vng destour
Menoient grant chiere et grant liesse.

Verdier.

Vous me fetes quelque finesse.

Plaisant follie.

La bergiere print a chanpter

Et le pastour print a fleucter
Comme ilz furent acoustumes

Verdier.

Je regne bien vous me plumes.

Plaisant folle.

Tantost vng gallant luy vint dire
Entretenez le bon sire
Gardiment et vous aprouchez.

Verdier.

Par la mort bien vous me pleumes

Plaisant folle.

Il sen aprocha si pres
Que en la beisant cheut a traners
Tant qui luy escorcha le nes.

Verdier.

Par mon serment vous me pleumes.

Plaisant folle.

Il va de moy faisant ses vers
Que ie suys tumbe a lenuers
Disant que ie ne voyez goucte.

Verdier.

Mes pleumes sen vont de grant route.

Plaisant folle.

Dea disoit elle robinet
Pour vng petit enfantinet
Que iay soie fille ou filz
Nen fault il laissez le pais
De nous deux si beaulx et gayz.

Verdier.

Tousiours plumage gay.

Plaisant folle.

**Il nest point de si doubce vie
Que daultre aupres de sa mye
Quant on lame de bon cuer fin.**

Verdier.

Prendra mes huy ce conte fin.

Plaisant folle.

Maintenant.

Cuider.

Est il bien iouhen

**On le pleume la au vent deul
Il en crie et maine deul
Et si ne soit partiz de la
Il y fault fere vng grant estraine
Don ha ha.**

Verdier.

**Encore ne mavous mye
Je scay bien iouer destablons.**

Cuider.

Au mains rapportez nous gluons.

Verdier.

Pren lon ainsi les compaignons.

Cuider.

**Ilz vous ont bien couste pour bons.
Nenfronctez ia le marmiteux.**

Bruit.

Quesse.

Cuider.

Ou est verdier ioieulx
Qui eschappe nous le perdons
Bailles luy vng laid aideux.

• **Bruit.**

Au moins rapportez vous gluons
Maistre nen soyez ia honteulx.
Comment il sen va le maleureulx
Sans estre pris a la boucaille.

Plaisant follie.

A il est bien plume ne vous chaille
Il ne sen va pas comme vne grue
Il na pas la plume si drue
Quil auoit quant il y entra.

Bruit.

Le pis est qui sen ventera
Destre eschappe ien suys douttant.

Cuider.

Vanter il nen a talent
Il sen reua la coue au cu
Et si panse que ne soit nul
Qui cognoisse bien son fait
Tondes moy sil nen sonne mot.

Jaune bec.

Dont vous vient se gentil fallot
Qui si gayement sepollie.

Verdier.

Je viens de voir plaisant follie

Ou plusieurs foulz ont este pris.

Jaune bec.

Il ne fault parler du pris
Dessus vostre doy la verrez.

Verdier.

Tout est bien.

Jaune bec.

Vous la gouvernez

Tout le monde le set bien dire.

Verdier.

Je la vous faitz plourer et ryre
Bref ien faitz tout ce quil me plaist.

Jaune bec.

Voyre mais le pis est
Que vous portez la renommee
De laoir plusieurs foiz plumee
Et que du sien vous tennes pres.
Agardes ce cest bourde
Que gaingne lon dainsi mantir.

Verdier.

Je croy bien pour toy aduertir
Que iay bien pris aucuneffois
Welle deux cueurchiez ou troyz
Pour dire iay passe pour la
Et tout par amour.

Jaune bec.

Trop bien cella.

Verdier.

Et si ay par auenture prises
 Delle deux ou trois chemises.
 Je croy que vela encor des verges dor.

Jaune bec.

Trop bien a ry
 Et ses beaux gluons que veez cy
 Vous les a elle donnees auxi.
 Qui fut celle qui les vous donna
 Dea sans rougir.

Rouge gorge.

Cest bien lardonne par mon ame
 Suy tan verdier tu es ia fame
 A maistre au trou dune cadure
 Or ie moyre en la querelle
 Ou ien viendray a mon dessus.

Jaune bec.

Ou vous arrez vne marrelle
 Ou serez du tout deceus.

Rouge gorge.

Je my en voys.

Cuider.

Or ca de par dieu ca
 Lon vous voit venir roge gorge
 Vous apportez vous a forge
 Ou lon affine les coquars.

Rouge gorge.

Le doux menton le doux regart

Qui sont en vous ma dame chiere
 Menueyres a vous faire priere
 Qua vous ie soie soudoye.

Plaisant follie.

Dont vient se gentil escuier
 Plain de si gracieux denis.
 Entres dedans.

Rouge gorge.

Je y entre enuis

Car ie ne scay pas le setille
 Ne ne suys pas encore setilles.

Cuider.

Il craint le fille
 Mais nous larons a la parfin.

Plaisant follie.

Nestez vous (pas) lomme tant fin
 Dont len parle tant en la ville
 La roge gorge homme abille
 Par tout le monde renomme.

Rouge gorge.

A dire vray ainssi suis ie nome
 Passe a des ans plus de quatre.

Cuider.

Mais vng tresglorieux follatre
 Coquart quil ne scet quil fait.

Plaisant follie.

Que doutez vous en vostre effaict
 Qui estes ainsi mal instruit.

Rouge gorge.

Je crains que vous auez le bruit
 Destre encore plus fine ouuriere
 Et qui mieulx scauez la maniere
 De pleumer gens sans eschauder.
 Je ne suys point aplumedes
 Quant est a moy.

Plaisant folle.

Mais dieu nom.

Rouge gorge.

Comme vng garçon.

Cuider.

Mais cent fois mieulx
 Pourtant quil y a plus a prandre.

Plaisant folle.

Pour vous donner le cas entendre
 Ou vous blasmes souuent femmes
 De choses que oncques ne panssames
 Mais ce sont baueux et ciffleurs
 Qui tousiours nous portent tel blasme.

Rouge gorge.

Jay veu les plus rouges mailles
 Les plus fricques les plus mignons
 En rapporter les plus grans gluons
 Bien ferrez pour leur eschine.

Cuider.

Et de illis.

Rouge gorge.

Estoit il fin

Qui leust laisse luy darriere
Pour psautier sur la barriere.

Plaisant folle.

Il nest pas vray.

Rouge gorge.

Dez cy merueillez ie les ay vous plume
Et enses iusques aux ots.

Plaisant folle.

Si leur cheoit sur une seule plume
Pansez vous pourtant quon les plume.

Rouge gorge.

Comment se peult il faire.

Plaisant folle.

Il muent

Nest il pas maintenant saison.

Rouge gorge.

Par mon serment vous auez raison
Je ne lentendoy pas a demy.

Plaisant folle.

Rouge gorge mon bel amy
Cil qui bien veult amer a droit
Ne doit pas croyre quant quil voit
Mais doit estre comme vne sousche
Aucunesfoiz faire le lousche
Ou que auray ament mentiroit.

Cuider.

Le coquart le croit
Par le grant sens quil a il est bien si saige.

Plaisant follie.

Et puis quant viendra au plumage
En effaict aucuns negligens
Se sont laisses plumer les costes
Mais si nestoient pas si fins houstes
Que vous a qui on faisoit tel oultrage.

Rouge gorge.

Je vous en croy bien.

Cuider.

Quel forrage

Pour paistre moutons en gerbe
Sa que deable sorte rage
Soit en reponse le loquebault.

Bruit.

Est il pris.

Cuider.

Cest le marpault mieulx pris
Que singes enmailletes.
Tant englues de tous coustes
Qui ne scet de quel part partir.

Bruit.

Tout desplume.

Plaisant follie.

Je les vous faitz sortir sortir

D.

Comment d'auant i'raigne

Bruit.

A roge gorge or vous souuiengne
Que quant vous fustes en ce point pris
Que les plus roges y sont pris
Ne lauons oncques mais scieu.

Rouge gorge.

Sa fait cuider qui ma decepu
A cuider que tant tu es cault.

Bruyt.

Tout se pourtera bien ne te chault
Regarde cest croquenelle la cognoissez vous.

Rouge gorge.

Maist dieu nenny ie ne puy pancer
Quel est.

Bruyt.

Agardes que cest

Nul ne recognoist sa follie
Et comment elle est tant iolye
Meschant ne la cognoissez vous.
Or viencza cuider amy doulx
Pour les seruices et bien faictz
Quorez et aultreffoiz ma faitz
Je te donne plaisant follie
A femme pour toute ta vie
Et veulx que soiez mariez
Et que iamais ne vous deliez
Pour quelque rancune ne discorde.

Plaisant follie.

Je le veill.

Cuider.

Et ie my accorde.

Bruit.

Tenes luy loyalle brigade
Et la gardes saine et malade
Sans iamaïs rompre ceste corde.

Plaisant follie.

Je le veill.

Cuider.

Et ie my acorde.

Bruit.

Rouge gorge vous servira
A tousiours mais tant quil viura
Sans raison ni misericorde.

Plaisant follie.

Je le veill.

Cuider.

Et ie my accorde

Nous troys ferons vng bon mesnage.

Bruyt.

Multiplies voustre mesnage
Pippes fort ne cesses de tandre
Prennes quant que vous pourres prandre
A vostre service les mes
Et veill que nen partes iamaïs
Comme vous subgietz et rantiers.

Dj.

Cuider.

**Bruions iaunes becs et verdiers
Qui estes en vous grans cuidiers
Tenes vous sarres.
Car sil aduient que ie vous happe
A la pippee a la trappe
Vous y demourres
A plaisant follie ma femme
Dommage y randres.
Et iamaïs nen partires
Et vous mes seigneurs hault et bas
Qui auez ony nous esbas
En gre les prennés.**

Amen.**Explicit.**

TABLE DES PIÈCES

DE CE RECUEIL.

Art et science de rhethorique pour faire rigmes et ballades, par Henry de Croy.

Le Casteau damours (par P. Gringore).

Le debat de liuer et de leste. auerques lestat present de l'homme et plusieurs autres ioyeuſetes : item pour congnoistre ung bon cheual avec les condicions et deſſes quil doit auoir deuant quil soit bon : et sont en nombre xv.

Le debat du vieil et du ieune.

Sermon nouveau et fort ioyeux auquel est contenu tous les maulx que l'homme a en mariage nouuellement compose a Paris.

Le caquet des bonnes chamberieres declairant aucunes finesses dont elles vsent vers leurs maistres et maistresses. Imprime par le commandement de leur secretaire maistre Pierre Gabillet.

¶ avec la maniere pour congnoistre de quel boys se chauffe Amour.

TABLE DES PIÈCES DE CE RECUEIL.

Sermon ioyeux de monsieur Saint Haren : nouvellement imprime. — Le monologue des nouveaulx sotz de la ioyeuse benede saict et compose nouvellement.

La reformation sur les dames de Paris faicte par les Lyonnoises. Responce et replicque des dames de Paris contre celles de Lyon.

Deploration de Robin.

Et les regrets faitz dens son cuer
Davoir eu pour son larrecin
Le Fouet tout nud en deshonneur
Etc.

Le songe dore de la pucelle.


La complainte de la grosse cloche de Troyes en Champagne (par Nicolas Maunroy).

Les souhaiz du monde.

La farce du munyer de qui le deable emporte lame en enfer (par André de La Vigne).

Moralite de laueugle et du boiteux (par André de La Vigne).

La farce de la Pippee.



1

BL 154

